

Méliméli icac ai

Anutunéh Yesu wagicma eḡec.

1 ¹Tiofilus, nuac kiwina walac ogéŋi imuaru, Yesunéh aiya hénima haka wamma ackuažéc ku énécmima keŋkecma naléya hayu ²Méliméli ic énépésiyecc ionac niŋ wamma Uḡa Téréya méliyu hama énézéma meseli énécmiyu Anutunéh i wagicma eḡec, imuac suraiguc haka hicŋiyec imuac suruc imi moczoŋ odari. ³Qeŋzeŋ manzeŋ qema humuyec imuac andiaiguc inéh ai meme 40 imuac suraiguc winini énécmiyec. Waŋu qelima kerec imuac héipuc wamma ninzéh ninzéh mihicŋi énécmimacac séc sasala hicŋi énécmima Anutuac héŋgaleŋ ama areŋa yandawac énézéyec. ⁴Waŋu ic iniguc momacnec kerec nalé imuaru yomuhuc zéseli énécmiyec; Yerusalem ménda waima kemmu. Waŋu Anutuac sisipac ac énézéwa niŋgic imuac héla niŋac mambéc kecmu. ⁵Yohanenéh dokunéh naec énécmiyec, néŋ ini imi ai meme sasala ménda keŋunec Anutuac Uḡa Téréyanéh ewa qeriginaiguc naec énécmimac. ⁶Imuhuc zéyu ieneŋ tocgéma Yesu qesimigic; Miŋ Kewu, gi némac naléiguc héŋgaleŋ ama areŋa yanda imi Israel ic embac neŋaŋ muru meqeli nénécmiwésémaŋ? ⁷Zégic inéh melemma énézéyec; Ai meme zéma naléya imi, eneŋ nimmuac séc qahac. Nalé imi Maŋgoc eŋeya kucyaiguc meyu hezac. ⁸Waŋu Uḡa Téréya onac muru mamac nalé imuaru ini kuc mema Yerusalem zéma Yuda zéma Samaria zéma baec tetcgia séciguc kemma nuac héipuc ic hécna wammu. ⁹Ac imi zéyu tecgéyu hémmanc naŋgic Anutunéh wagiru ou eḡec. Eŋu hosusunéh i osoma musaŋgéyu kicginanéŋ hémmuac séc qahac waŋec. ¹⁰Imuhuc eŋu ieneŋ kurumenjiguc kicgina hima héŋ sosolimanec naŋgic ic éréhéc malekugira lalacnec iereŋ hosucginu wininima naŋoc. ¹¹Namma yomuhuc zéyoc; Galilaia ic! Ini némac niŋ kurumenjiguc kicgina himanec naŋzu? Yesu onac murunec wagiru kurumenjiguc enzac. I kurumenjiguc eŋu hénzu imuhucyanec liliŋgéma mamac.

Matia kumugic Yudawac tatac késayec.

¹²Imuhuc zéyu ieneŋ baec boŋa ménŋ Oliwa zéaŋgic imuarunec liliŋgéma Yerusalem hagic. Baec boŋa imi mia Sabata naléiguc

kenkenawac séc Yerusalem hosuraiguc tarec.^a ¹³Taru hama ama qeria mén qacyaiguc heyu tacyac waŋaŋgic imuhucgeŋ eŋgic. Waŋu imuaru tocgégic ionac qacgina imi yomuhuc; Petero, Yohane, Yakobo zéma Anderea, Filipino zéma Toma, Batolomaio zéma Mataio, Alfaioac naŋa Yakobo zéma Simon ŋelote,^b waŋu Yakoboac naŋa Yuda, imuhuc. ¹⁴Ic imi eneŋ ewa momacguc wamma zéwelec ai imi ai meme sasala toroqema memanec kecgic. Waŋu embac tosara zéma Yesuac neŋgocya Maria zéma Yesuac munahéra ieneŋ acguc momacnec toroqema kecgic.

¹⁵(Ic embac tocgégic ionac zaŋgégina imi 120 imuac séc waŋec.) Nalé imuhucgeŋ Peteronéŋ sugginaiguc yacma yomuhuc zéyec; ¹⁶Dac munahécna, becneŋ Uŋa Téréyanéŋ Dawidiac kuaya mema Yudawac niŋ zéyec ac iminéŋ héla wammacac niŋ heyec. Yuda imi ic tosara Yesu késagic ionac héna meyec ic imi mia. ¹⁷Waŋu ic imi 12 sucninaiguc kecma Miŋ Kewuac ai yomuac bakia meanec. ¹⁸(Waŋu ic iminéŋ hakaya biriawac boŋanéŋ baec ménéŋ boŋ meyec, imuac andiaiguc orucyanéŋ melemma hiŋgacma qeyu tomeŋa qéséŋu kera tomeŋa madaru humuyec. ¹⁹Waŋu haka imi zésaigic keŋu ic embac Yerusalem kecgic ieneŋ moczoŋ nindacma baec imuac Akeldama zéangic. Waŋu ac imuac hénia imi Sac baera.) ²⁰Imuac mia kiwi Legiciguc yomuhuc oyec hezac; Iwac baec imi kisi waŋu méŋnéŋ ménéŋ imuhucgeŋ ménda kecma. Waŋu ic méŋnéŋ iwac ai buŋa imi késamac. ²¹Imuac niŋ Yohanenéŋ Yesu doku naecmiyec imuhuc geŋnec érékecma Anutunéŋ Yesu sucninaiguc wagicma eŋec nalé imuac suraiguc ic tosara Yesunéŋ sucninaiguc tacyac waŋaŋec imuac séc ²²niniguc kecgic ionarunec ménéŋ kumuni niniguc Yesuac yacyarawac héipuc ic wambiŋ. ²³Imuhuc zéyu ic éréhéc mihicŋi érécmigic. Qacgira imi Yosefe zéma Matia. Waŋu Yosefe iwac Basaba me Yusito zémiangic. ²⁴^{24a} Waŋu ieneŋ yomuhuc zéma zéwelecgic; Miŋ Kewunina, gi ic embac neŋaŋ qeri héhéŋnina keczaŋ. ²⁵^{25a} Yudanéŋ ai buŋaya imi waima eŋeya hénayaiguc keŋec. ^{24b} Imuac ic éréhéc youmi iorac muru mérac késana ^{25b} tatacyac mema weleŋ qeŋe ai zéma Mélíméli icac ai memac imi nénézéna hénni. ²⁶Imuhuc zéma sumbic néma héŋgic Matia iwac muru héiyu inéŋ Mélíméli ic 11 ionac muru toroqeyec.

Ai meme 50 imuac kendoŋaiguc Uŋa Téréya mayec.

2 ¹Ai meme 50 imuac kendoŋa^c ducŋiyu ieneŋ moczoŋ ama méŋu momacnec tocgégic. ²Waŋu kurumeŋ igucnec hétéŋ yanda ménéŋ

^a **1:12** Yuda ic ieneŋ Sabataiguc héna horua niŋgic ai tanec wawaŋa imuhucya ménda keŋha waŋaŋgic. ^b **1:13** Giriŋ ac yomuac hénia imi seliseli wawaŋa, imi mia Yuda ic ionac tuŋ méŋac qara, ieneŋ Roma gawamaŋ imuac mézétiti wamma seliseli wamma euqac waŋaŋgic. ^c **2:1** Pentikost imi Yuda ic ionac kendoŋ ménéŋ; Nagu sacyaguc ogicma kekeŋa imuac kendoŋa tecgéyuguc éréma ai meme 50 waŋu Yuda ic ieneŋ kendoŋ tacangic, waŋu nalé imuaru mia Uŋa téréya mayec.

élanzaŋnec luhuc selia qeaŋzac ésécnec mama ama tacgic imuac qeria séc sécgédarec. ³Waŋu iwawai méŋ tanera geric bélaŋa ésécnec imuhucyanéŋ tuima ic embac tacgic orucgina séc mama héiyec. ⁴Waŋu ic embac ieneŋ moczoŋ Uŋa Téréyanéŋ qeriginaiguc sécgéma ac méréra hénia hénia énécmiyec séc hénima zégic.

⁵Nalé imuaru kurumeŋ bawaiguc baera baera heyec imuhucgeŋ Yuda ic Anutu méndacma kecaŋgic ieneŋ Yerusalem hama tacyac waŋgic. ⁶Hétéŋ imi hicŋiyu tuŋ yanda imuaru tocgéma niŋgic acgina séc zégic imuac niŋac niniŋgina sicsaoc waŋu témpiy waŋgic. ⁷Waŋu ieneŋ kilen yanda welicgéma zégic; Ic embac ac zézu yomi Galilaila baec miŋina zéma ninziŋ. ⁸Waŋu dimuhuciguc ieneŋ zégic neŋaŋ acninaiguc séc ninziŋ? ⁹Neŋaŋ youmi Pada ic, Mede ic, Elam ic, Mesopotamia miŋina, Yuda ic zéma Kapadokia ic, Ponto ic zéma Asia ic,^d ¹⁰Firigia ic, Pamfilia ic, Izipte ic, ic tosara Kirene hosura Libia baec yandaiguc baec bakia bakia hezac imuacnec, ic kiaŋ tosara Romanec, (Imi mia Yuda ic zéma ic tosara Yuda ic ionac ninzéŋ ninzéŋ ginaiguc toroqegic imi mia.) ¹¹Krete ic zéma Arabia ic, neŋaŋ imuhucyanéŋ kiwi hénia hénia Anutunéŋ meyec imi zéaugic acninaiguc séc ninziŋ. ¹²Ieneŋ moczoŋ welicgéic ewagina sicsaoc waŋec. Waŋu eŋaocnec qesiamuma zégic; Imuac hénia imi dimuhuc? ¹³Waŋu ic tosara eneŋ zézerec waŋ énécmima zégic; Ic youmi doku seli siŋaguc imuac kuhanéŋ qerigina sécgézac.

Peteronéŋ kiwi baec icnéŋ ménda memeya imuac hénia énézéyec.

¹⁴Imuhuc zégic Peteronéŋ Yesuac Mélíméli ic 11 iniguc namma ewaya mema yacma yomuhuc énézéyec; Yuda ic alahécna zéma ic embac Yerusalem kecaŋzu ini moczoŋ, neŋ hénia zéasari énécmima ac zémaŋ imuac gezacgina haima niŋgic. ¹⁵Ini ninzu ésécnec qahac. Ic youmi doku selinéŋ ménda mesoho énécmizac. Kaiwe kiwa imi siŋunec 9 kilok sac wanzaŋc. ¹⁶Qahac, iwawai imi Anutuac tiliy tiliy ic Yoelnéŋ zéyec ésécnec hicŋizac. ¹⁷Miŋ Kewunéŋ yomuhuc zézac; Kecma nalé tetcgiaiguc ni Uŋana ic embac momac yanda séc pocgé énécmiwa nambérac hécgina ieneŋ iwawai kecma hicŋimac imuac ara zéaumu. Waŋu sac qeli eneŋ Anutuac tiliy tiliyiguc séséc hicŋi énécmiyu hémmu. Waŋu ic embac yanda ieneŋ gau hémmu. ¹⁸Waŋu nalé imuaru ni Uŋana imi welen qeqe ic me embachécna pocgé énécmiwa ieneŋ iwawai kecma andiaiguc hicŋimac imuac ara zému. ¹⁹Waŋu énézéwa ou kurumeŋiguc kiwi welic welicgia, emu baeciguc asé kiwiac haka héniya héniya hémmu. Imi mia sac zéma geric bélaŋ zéma hofac konduŋ wéséséya. ²⁰Kaiwe kiwanéŋ melemma siŋi waŋu maso kiwa imi sac sac waŋuguc Miŋ Kewuac nalé yanda asahaguc imi hamac. ²¹Waŋu méŋnéŋ méŋ Miŋ Kewuac qara qacanzuiguc kápésic igucnec aŋgéŋgina tiénécmimaŋ.

^d 2:9 Asia komora zéanziŋ imi deguc Téki taczac baec imuac qara.

²²Israel ic embac, ac youmi niŋgic; Ini niŋzu ésécnec, Anutunéŋ sucginaiguc haka kuc yandayaguc zéma kiwi méréra héniya héniya zéma asé kiwiac haka héniya héniya imi Yesuac muru mema Yesu Nazareteneç i héipucya wammiyec. ²³Ic imi mia, Anutunéŋ haka imi ménda hicŋiyecnec nimma ewaya dérécgéyu heyec séc onac muru oporu eneŋ ic Moseac héna ac ménda niŋgic ionac méraginaiguc haigic biriŋnéŋ qegic humuyec. ²⁴Waŋu humucnéŋ i késamacac séc qahac waŋu Anutunéŋ humucac zéra igucnec hulacmima meqeli miyec. ²⁵Dawidinéŋ iwac niŋac yomuhuc zéyec; Ni hémba Miŋ Kewunéŋ nalé séc wésénaiguc kecaŋzac. Waŋu inéŋ nuac héinaiguc naŋu ni qeka meka ménda wammaŋ. ²⁶Imuac niŋ ewana ségiségi waŋu ezelaŋnanéŋ mepési miyu séwina imuhucyanec yacyarawac mambéc kecmac. ²⁷Hénia imi yomuhuc; Gi ni humumia ionac baec dumuŋaiguc ménda waina hemaŋ. Waŋu guac Içga Téréya ménda waimina houmac. ²⁸Geŋ nézéna, keckecac hénaya héŋi. Geŋ wéségaiguc ségiségi imi nuac qerinaiguc haina sécgémac.

²⁹Dac munahécna ni ac yomi efima hia énézémaŋac séc; Yandanina Dawidinéŋ humuyu téŋgégic iwac kic suaŋa imi sucninaiguc heyecac érékecma deguc hezacnec. ³⁰Waŋu i imi Anutuac tiliŋ tiliŋ ic kereç imuac niŋ Anutunéŋ iwac qelihéra sucnina igucnec méŋ kumuyu iwac ic kewu tataciguc tacmac niŋac ac selianec zikima ézéyu niŋec. ³¹Iwawai hicŋimac imi héŋteçicma Kristoac yacyacwac niŋac yomuhuc zéyec; I humumia ionac baec dumuŋaiguc ménda waimiyu heyec. Iwac séwiyanéŋ ménda houyec. ³²Anutunéŋ Yesu imi meqeliyu yarec. Waŋu neŋaŋ moczoŋ haka imuac héipuc ichéra wamma kecziŋ. ³³Anutunéŋ meyacmiyu inéŋ iwac héiyaiguc emma ac ziki nénéçmiyec séc Maŋgocac murunec Uŋa Téréya mema pocgé nénéçmiyu iwawai imi mia hémma niŋzu. ³⁴Dawidi inéŋ kurumeŋiguc ménda eŋec. Waŋu inéŋ yomuhuc zéyec; Miŋ Kewunanéŋ^e nuac Miŋ Kewuna^f yomuhuc ézéyec; Nuac héinaiguc tacna. ³⁵Tacnanec neŋ guac hažéchéçga onopocba guac hénagawac héna titiga wammu. ³⁶Imuac niŋ Israel ama séc ic embac moczoŋ yomuhuc niŋ yacgému; Ini Yesu ic héŋgeŋa wéndaraiguc qegic Anutunéŋ i Miŋ Kewu zéma Kristo kumuyec.

³⁷Imuhuc zéyu ic embac ieneŋ ac imi niŋgic qerigina néyu Petero zéma Yesuac Mélíméli ic tosara ionac énézéma zégic; Dac munahécnina, nini dimuhuc wambiŋ? ³⁸Imuhuc zégic Peteronéŋ melemma zéyec; Ini moczoŋ yanda, ewa qerigina meleŋgic kápéçicgina wai énéçmimacac niŋ Yesu Kristoac qaraiguc doku naec énéçmini ewa hiawac Uŋa Téréya énéçmiyu memu. ³⁹Sésépac ac imi, ini zéma qelihécgina zéma ic embac lakec keczu séc Miŋ Kewu Anutuninanéŋ héihéré énéçmimac ionac buŋa wammac. ⁴⁰Imuhuc zéma inéŋ ac sasala méŋ toroqema héipuc wamma

^e 2:34 Hebraio aciguc; Yawe. ^f 2:34 Hebraio aciguc; Adonai.

meseli énécmima zéyec; Eneḡ hicḡisai biria yomi onarunec aḡgégina tiénécmiyu érému! ⁴¹Imuhuc zéyu ic embac tosara iwac ara késagic séc doku naec énécmigic nalé imuhucgeḡ zaḡgégina 3,000 imuhuc ésécneḡ tuḡginaiguc toroqe énécmigic. ⁴²Waḡu Yesuac Mélíméli ic ieneḡ ku énécmigic imuac séciguc selianec nammanec ala waḡamuma saméḡ kuma nema zéwelec ai imuac opocamuma kecḡic.

⁴³Waḡu ic embac moczoḡ zénéḡgina hiriyec. Waḡu Yesuac Mélíméli ic ieneḡ kiwi méréra héniya héniya zéma asé kiwiac haka méréra sasala megic hicḡiyec. ⁴⁴Waḡu ninzéḡ ninzéḡ ic ieneḡ momacneḡ tacyac wamma iwawaigina imi nuaru qahac guaru qahac momacneḡ mema kecḡagic. ⁴⁵Kecma méḡnéḡ méḡ iwawai méḡ niḡac osigiciguc aigina me iwawaigina haima soukiwaya mema sécgina énécmiaḡic. ⁴⁶Waḡu nalé séc ewa momacguc wamma ocmuḡ téréyaiguc tocgéaḡic. Waḡu amagina séc ewa hia zéma ewa héla nimma saméḡ kuma amunec qamunec wamma neaḡic. ⁴⁷Haka imuhuc wamma Anutu mepésigic ic embac ieneḡ eegina héiéncmigic kecḡagic aḡgég tiénécmimia ionac zaḡgégina imi Miḡ Kewunéḡ toroqe énécmiyu eḡec.

Peteronéḡ ic puriḡ méḡ mehiaruyec.

3 ¹Zéwelecac kaiwe kiwa maria 3 kilok imuhucgeḡ Petero zéma Yohane iereḡ ocmuḡ téréyaiguc eḡoc. ²Waḡu ic méḡ neḡgocyawac qeria igucneḡ puriḡ hicḡjima kekera imi ic tosananéḡ duḡaguc huama hagic. Ic imi mia ic tosara ocmuḡ téréyaiguc eḡeḡ mama waḡic iwawai méḡ niḡac qesiéncmimac niḡ kaiweya kaiweya nagu méḡ Naguc soroc zéaḡic imuaru haigic tacaeḡ. ³Ic iminéḡ Petero zéma Yohane iereḡ ocmuḡ téréyaiguc embiḡ zé waḡic iricma iwawai niḡac welec érécmiyec. ⁴Weleru Peteronéḡ Yohaneguc héḡsolima yomuhuc ézéyec; Niri niricna. ⁵Zéyu inéḡ iorarunec iwawai méḡ memaḡ zé mambécma iricosoliyec. ⁶Iriru Peteronéḡ yomuhuc zéyec; Siliwa zéma goli imi ni ménda késa kecza, waḡu iwawai késakecza imi gémmaḡ. Nazarete ic Yesu Kristoac qaraiguc yacma kenna. ⁷Imuhuc zéma méra héiyaiguc késama méra miyu imuhuc geḡneḡ héna tawéya zéma hénayawac giniḡa imi kuhaguc waḡec. ⁸Imuhuc wamma seligiyu técgéma yacma hénima kemma iriguc ocmuḡ téréyaiguc emma tima kemma técgéma kemma Anutu mepésiyec. ⁹Waḡu inéḡ tima kemma Anutu mepésiyu ic embac moczoḡ yanda ieneḡ i héḡic. ¹⁰Hémma ic iminéḡ Nagu sorociguc tacma iwawai niḡac welec énécmiaḡec ic imi mia zéma héḡtegicma haka hicḡimiyec imuac muḡguc yanda welicgéma aurigic.

Peteronéḡ welicgéma tocgégic imi onac ac énézéyec.

¹¹Ic iminéḡ Petero zéma Yohane érépésima keḡu ic embac ieneḡ aurima Solomonac luhuc ama yanda imuaru usuḡneḡ hama ionac muru

toçgégic. ¹² Waŋu Peteronéŋ inicma énézéyec; Israel ic embac, némac niŋac haka imuac aurizu? Ini niŋgic nereŋ norac kucnira zéma hakanira hia bianéŋ ic yomi mehiaruzic eséc nec waŋu niriç sosolima nanzu? ¹³ Imi nereŋ qahac, néŋ Yesu eneŋ Pilatoac mériaiguc opocgic Pilatonéŋ hulacmimaŋ zéma ewaya zikiyec. Waŋu ini iwac kic ségériaiguc Yesu qaecgémigic. Waŋu yanda hécnina Abaraham zéma Isaka zéma Yakop ionac Anutunéŋ eŋeya weleŋ qeçe ic Yesuac qac buŋa meyarec; ¹⁴ Eneŋ ic solaja zéma téréya ménda nimmima sac naec ic méŋ hulacmimac niŋac zéwelec migic. ¹⁵ Eneŋ kekec miŋina qehumugic. Waŋu Anutunéŋ ic humumia sugcina igucnec i meqeli miyec. Waŋu neŋaŋ imuac héipuc ic wanziŋ. ¹⁶ Ic youmi hémma nimmizu, iminéŋ Yesuac qara ninzéŋgéyu ninzéŋ ninzéŋa iminéŋ séwiya meselimizac. Yesuac qara zéma ninzéŋ ninzéŋ iwac murunec hiçnimizac iminéŋ ic youmi ini moczoŋ yanda kicginaiguc séwiya solaja mihiçni mizac. ¹⁷ Waŋu deguc ni yomuhuc niŋzua; Ini ménda niŋasarima imuhuc waŋgic. Waŋu galeŋhéçgina ieneŋ imuhucyanec. ¹⁸ Waŋu Anutunéŋ eŋeya kua meme ic ionac kuagina mema eŋeya Kristonéŋ qeŋzeŋ maŋzeŋ nimmac imi ménda hiçniyunec zédarec ac imi imuhuc meseliyec. ¹⁹ Imuac ewa qerigina melemma Anutuac muru hagic onac képésicgina zuac énéçmiyu. ²⁰ Imuhuc waŋgic Miŋ Kewuac murunec tac hiaharuac naléya hamac. Hayu inéŋ Yesu Kristo bec nec kumuyec i açguc onac méli énéçmimac. ²¹ Anutunéŋ baec yomuac naléya hama keŋec imuac suraiguc eŋeya kua meme ic téréya ionac kuagina mema zéyec séc kurumeŋnéŋ Yesu tétéçgéma heyunec iwawai moczoŋ meqelimac. ²² Mosenéŋ yomuhuc zéyec; Miŋ Kewu Anutuginanéŋ onac niŋac dac munahéçgina ionac sugcina igucnec kua meme ic méŋ ni ésec nec kumuyu nammac. Waŋu inéŋ ac imuhucya me imuhucya énézéyu imi moczoŋ niŋtohodacmu. ²³ Méŋnéŋ méŋ Anutuac kuaya meme ic iwac ara ménda niŋtohomac imi ic embac sugcina igucnec elicgéyu qahac wandacmac. ²⁴ Anutuac tiliŋ tiliŋ ic Samuel igucnec namma éréma kua meme ic tosara ai imuac areŋiguc namma zégic imi eneŋ moczoŋ nalé sura yomuac niŋac walacnec zégic. ²⁵ Eneŋ imi Anutuac tiliŋ tiliŋ ic ionac qelihéçgina zéma Anutunéŋ yanda héçginaguc ac zikiyec zikiçki ac imuac qelihéra. Anutunéŋ Abaraham yomuhuc ézéyec; Baec séc ic embac tuŋa tuŋa moczoŋ guac qeliga iwac murunec mériaŋ memu. ²⁶ Eŋac eŋac képésicgina igucnec meleŋ énéçmima mériaŋ qeénéçmimaŋ zéma Anutu eŋeya weleŋ qeçe icya kumuma walac onac muru méliyec.

Petero zéma Yohane hésa amaiguc oropocgic.

4 ¹ Petero zéma Yohane ieneŋ ic embac ac énézéma naŋic hofac oo ic zéma ocmuŋ téréyawac demiiŋ galeŋ kunenŋgina zéma Sadukaio ic ieneŋ iorac muru hagic. ² Iereŋ ic embac ku énéçmima Yesuac muru

humuc igucnec yacyac hezac zéma zéauyic qerigina biriyec. ³Biriyu érépésigic ama bec siniyec imuac niŋ hésa amaiguc oropocgic heyicnec ama gianiyec. ⁴Waŋu acgira niŋgic ionac sugcina igucnec sasalanéŋ ninzénégéic ic embac zaŋgégina 5,000 éséc waŋec.

⁵Ai meme imuhucgeŋ séwíac galeŋ zéma qeriac galeŋ zéma héna acac kiwi ic tosara Yerusalem amaiguc tocgégic. ⁶Héfác oo ic kuneŋgina Hanasi, zéma Kayafa, Yohane, Aleksande zéma hofac oo ic kuneŋgina iwac sac kitichéra ieneŋ momacnec kecgcic. ⁷Ieneŋ Petero zéma Yohane sugcinaiguc oropocgic nanyc yomuhuc qesiérécmigic; Némac kuc zéma mérac qaciguc ai imi mezaoc? ⁸Qesigic Petero imi Uŋa Téréyanéŋ qeriaiguc kuaya qeyu yomuhuc énézéyec; Hénaoriŋ neŋaŋ séwíac galeŋ zéma Israel neŋaŋ qeriac galeŋ hécnina, ⁹Ic puriŋa imi haka hiabia wammiyic imuac némaciguc mehiaruyoc zéma niri deguc aciguc gési nérécmizuiguc, ¹⁰Ini zéma Israel ic embac moczoŋ yomuhuc niŋasarimu; Ini Yesu Kristo Nazareteneŋ i ic héŋgeŋa wéndaraiguc qehumugic Anutunéŋ humuc igucnec meqelimiyec. Waŋu iwac qaraiguc mia ic youmi hiabia soroc wamma kicginaiguc nanzac. ¹¹Yesu imi meriqe ic eŋaoc hoc mén héŋara mema gilicic keŋkeŋa iminéŋ mia ama waŋgoŋaiguc ama imuac hoc oruha waŋec. ¹²Képésic igucnec aŋgéné titi imi ménaru mén ménda hezac. Kurumeŋ bawaiiguc ic neŋaŋ muru aŋgéné tinéncmimacac qac mén ménda nénécmiyu hezac. ¹³Petero zéma Yohane iereŋ imi ic omaya, kiwi amaiguc ménda eŋoc imuhuc zéma niŋgic. Waŋu efima kucnec zéyic nimma aurigic. Waŋu becneŋ Yesuguc keroc imi irictegcic. ¹⁴Waŋu ic hiaruyec iminéŋ iriguc momacnec naŋu hémma zéqetali waŋ érécmiwiŋ zéma osigic. ¹⁵Waŋu érézégic gésigési ic ionac murunec waima hiŋgaric eŋacnec yomuhuc eminimma zégic; ¹⁶Neŋaŋ ic éréhéŋc imi dimuhuc waŋ érécmiwiŋ? Kiwi méréra eŋeŋa waŋic ic embac Yerusalem keczu ieneŋ moczoŋ buŋa imi nindacgcic. Waŋu neŋaŋ imuac qaecgéwiŋac séc qahac wanzac. ¹⁷Ic embac ionac sugcinaiguc iwawai imi ménda saima kemmac niŋac Yesuac qaraiguc ic ménac mén, ac mén muŋguc ménda zémaoc niŋac zétericgé érécmima zéseli érécmiwiŋ. ¹⁸Imuhuc zémaguc muŋguc héihéré érécmima Yesuac qaraiguc méndagucnec zéma ku énécmimaoc niŋac zéseli érécmigic. ¹⁹Zégic Petero zéma Yohane iereŋ yomuhuc melemma zéyoc; Anutuac kic ségériaiguc Anutuac ara waima onac acgina méndacbic iminéŋ hia me qahac imi eŋaoc niŋgésigic. ²⁰Niri imi iwawai hémma niŋic imi ménda zéauwicac séc qahac. ²¹⁻²²Mehiaharuac asé kiwiya hicŋimiyec ic iwac yawuŋa imi 40 ogirec imuac niŋac ic embac moczoŋ haka hicŋiyec imuac Anutu mepésigic. Imuac dimuhuc yéwéri érécmiwiŋ zé osima muŋguc zétericgé érécmima wai érécmigic keŋoc.

Ninzén ninzén ic ieneŋ zéwelec waŋgic.

²³Kemma Petero zéma Yohane iereŋ ekaŋ ic embac ionac muru liliŋgéma kemma hofac oo ic kiwa zéma qeriawac galeŋ ieneŋ ac érézégic

imi moczoŋ énézédaroc. ²⁴ Zéyic ieneŋ nimma momac yanda ewa maracgina meyacma Anutu welecmmima zégic; Miŋ Kewu yanda, Anutu! Geŋ baec kurumeŋ zéma konduŋ zéma iwawai moczoŋ yanda imuac qeriaiguc hezac imi zéna hicŋiyec. ²⁵ Geŋ Uŋaga Téréya mélimima welen qeqega Dawidi, neŋaŋ yandanina iwac kuaya mema yomuhuc zéneŋ; Némac niŋac baera baera i hazéc wammizu? Waŋu imuac ic embac ieneŋ aigina héla qahac imuhucya mewiŋ zé sasangiaiguc ac zézu? ²⁶ Anutu zéma iwac halécnéŋ météré mimia iorac hazéc waŋ érécmiwiŋ zéma baecac ic kewuhéra ieneŋ yacma nanzu, waŋu séwiac galen eneŋ momacnec tocgézu. ²⁷ Hélaŋnec, imuac séciguc ama areŋa yanda yomuhucgeŋ Herode zéma Pilato ieneŋ baec méŋunec méŋunec ic embac zéma Israel ic embac iniguc guac welen qeqe icga téréya Yesu halécnéŋ météremineŋ i hazéc wammima tocgégic. ²⁸ Imi eneŋ geŋgaoc iwawai méŋ hicŋimacac zéma guac ewa siŋga zéma méraga kuhanéŋ becneŋ niŋareŋgéneŋ imuac mia wambiŋ zéma tocgégic. ²⁹ Miŋ Kewu deguc zéteric tericgina imi hémma guac welen qeqehécga nangé nénécmima zénéŋnina ménda hiriyu ackuazécga imi zéauwiŋ. ³⁰ Waŋu méraga suluma hafi mehiaruma waina kiwi méréra zéma asé kiwiac haka hénia hénia guac welen qeqe icga téréya Yesuac qaraiguc hicŋimac. ³¹ Imuhuc zéma welecgc tecgéyu ama tocgéma tacgc iminéŋ hiriyu ieneŋ moczoŋ Uŋa Téréyanéŋ qerigina kuaya qeyu zénéŋgina ménda hiriyu Anutuac ackuazéc zéaugic.

Ninzéŋ ninzéŋ ic ieneŋ ewa momac wamma kecgcic.

³² Ic tuŋ ninzéŋgéic ieneŋ ewa qeri momacguc wamma méŋnéŋ méŋ iwawaigina méŋ niŋac guaru qahac nuaru qahac ménda zéma momacnec mema kecaŋgic. ³³ Waŋu Mélíméli ic ieneŋ kucgina seliaguc Miŋ Kewu Yesuac yacyarawac héipucya wamma toroqema zéaugic Anutuac ewa hianéŋ qacginu heyec. ³⁴ ^{34a} Heyu naléya naléya ic embac baec me ama gericginaguc ieneŋ iwawai imi haigic megic soukiwaya mema haŋgic. ³⁵ Hama Yesuac Mélíméli ic ionac hénaginu haigic méndémma ic tosara iwawai méŋ niŋac osigic séc énécmigic, ^{34b} suginaiguc méŋnéŋ méŋ iwawai méŋ niŋac ménda osigic. ³⁶ Waŋu Rewi ic méŋ qara Yosefe, Kipuro baec zékéŋa igucnec keru Mélíméli ic ieneŋ iwac Banaba zémiaŋgic. (Imuac hénia imi ewa qeri meme seli waŋ énécmimiawac naŋa.) ³⁷ Inéŋ ai méŋ késa kerec imi haiyu megic soukiwaya mema hama Mélíméli ic ionac hénaginaiguc haiyec.

Anania zéma iniŋa Safira.

5 ¹ Waŋu ic méŋ qara Anania inéŋ iniŋa Safira i guc iwawaigira haima sokiwa meyoc. ² Waŋu inéŋ boŋa bakia musaŋgéyu heyu, iniŋanéŋ momacnec niŋec. Waŋu bakianec mema hama Mélíméli ic ionac

hénaginaiguc haiyec. ³Haiyu Peteronéj zéyec; Anania, némac niñac Biria miñinanéj qeriga sécgéyu Uña Téréya ikoc wammima baecgawac boña bakia musaṅgézaj? ⁴Iwawai hegéjec imi geñga buña ménda heyec me? Wañu haima soukiwa menec imi geñga buña ménda heyec me? Imi moczoj geñga, néj némac niñac haka imuhucya guac qerigaiguc niñareñgéma keccec? Ic ionac qahac, néj gi Anutu ikoc wammizaj. ⁵Imuhuc zéyu Ananianéj nimma humuma mama qeyec. Wañu haka hicñiyec imi niñgic séc zénéñgina kunéj yanda hiriyec. ⁶Humuyu sac qeli merac enéj hama qamocya osoma huama kemma téñgégic.

⁷Kaiwe kiwa 3 kilok keñu iwac iniñanéj haka hicñiyec imi ménda niñtegicma hama éréyec. ⁸Éréyu Peteronéj qesimiyec; Nézéna youmi gi zéma Anania baec imi wai énécmima boña meyoc imuac sécyá wanzac me? Zéyu inéj zéyec; Oo imi sécyá wanzac. ⁹Zéyu Peteronéj ézéyec; Dimuhuc Miñ Kewuac Uña Téréya batucgéwic zéma ewa momac wañoc? Inicna, ic tosara euga téñgéma lilingéma hama naguiguc nanzu. Wañu ienej gi momaccec huagémma kemmu. ¹⁰Zéyu imuhuc geñec i acguc humuma iwac hénayaiguc mama qeyec. Wañu sac qeli merac ienej éréma héñgic qamoc méñ hicñima heyu hémma huama mama kemma iwac euyawac qéhéréñaiguc téñgégic. ¹¹Hénaorij zéma ic embac haka imuac surucya niñgic séc zénéñgina kunéj yanda hiriyec.

Mélíméli ic enéj ic embac hafiginaguc sasala mehiaru énécmigic.

¹²Mélíméli ic ienej méragina suluma ic embac sugcinaiguc asé kiwiac haka zéma kiwi méréra héniya héniya megic hicñiyu ic embac sasala ewa momac wamma Solomonac luhuc ama yandaiguc tocgeañgic. ¹³Wañu tosananéj ionac muru ménda efima toroqegic. Wañu ic embac ienej Mélíméli ic ionac niñgic eñeña wañec. ¹⁴Wañu ic zéma embac momaccec tuña tuña muñguc yanda ninzénngéma Miñ Kewuac muru toroqegic. ¹⁵Imuac niñ Peteronéj hama keñu irecyanéj osiéncmimacac niñ ic embac hafiginaguc onagicma hama hena yandaiguc hehe duñgina me aturu heheginaiguc onopocgic hegic. ¹⁶Wañu ic embac sasala ama areña kunéj kunéj séc Yerusalem lelec lelec tacma keñec imuaccec ienej imuhucyanec ic embac hafiginaguc zéma tosara uña birianéj wañu qenzej manzej qeañgic imi onagicma hagic. Wañu hagic séc moczoj hiarudacgic.

Kua meme uñanéj Yesuac Mélíméli ic hésa ama igucnec hulac énécmiyu magic.

¹⁷Wañu hofac oo ic eñeña zéma tosachéra Sadukaio tuñaguc kecgcic imi enéj qeri biric nimma yacgic. ¹⁸Yacma Yesuac Mélíméli ic énépésima ic embac kicginaiguc hésa amaiguc onopocgic. ¹⁹Wañu siñiyaiguc Miñ Kewuac kua meme uñanéj hésa amawac naguya naguya auma onagicma

mama yomuhuc énézéyec; ²⁰Kemma ocmuŋ téréyaiguc namma kekecac ackuažéc imi moczoŋ ic embac énézédacmu. ²¹Imuhuc zéyu ama giaŋ gianaiguc ocmuŋ téréyaiguc emma ackuažéc ku énécmigic. Waŋu hofac oo ic eŋeŋa zéma tosachéra hama Sanhederin kaunsol zéma Israel qeriwac galeŋ moczoŋ énézégic tocgégic. Waŋu Yesuac Mélíméli ic onagicma hamu niŋac ic tosara hésa amaiguc méli énécmigic. ²²Waŋu ocmuŋ téréyawac galeŋ meme ic ieneŋ kemma hésa amaiguc ménda mihicŋi énécmima lilingéma hama énézégic. ²³Énézéma yomuhuc zégic; Kemma hénni hésa ama imi naguya zikigic taczacnec. Waŋu awiawi ic ieneŋ nagu séc naŋgic. Waŋu qeri séwélawac naguya naguya auma qeriaiguc ic méŋ ménda mihicŋiziŋ. ²⁴Ama ocmuŋ téréyawac deminŋ galeŋ kunenŋina zéma hofac oo ic kiwa hécgina ieneŋ acgina nimma haka imi yandima némac tanec wammac zéma niŋgic sicsaoc waŋec. ²⁵Waŋu ic méŋnéŋ hama énézéma zéyec; Ninzu, ic tosara hésa amaiguc onopocgic imi eneŋ ama téréyaiguc namma ic embac ackuažéc ku énécmizu. ²⁶Zéyu galeŋ iminéŋ ai ichéra iniguc kemma onagicma hagic. Waŋu ic embac ieneŋ hocnéŋ nunuwu niŋac zéma bacgina yandiyu bénzéŋnec onagicma hagic.

²⁷Hama onopocgic kaunsol kicginaiguc naŋgic hofac oo ic eŋeŋaginanéŋ qesiénécmima zéyec; ²⁸Ic iwac qaraiguc ic embac ackuažéc ménda ku énécmimu niŋac selianec zéseli énécmiyiŋ. Waŋu ini héna acgina imi ku énécmigic Yerusalem ama séc sécgédaczac. Waŋu ic iwac sacya niŋac Anutunéŋ imuac bakia meleŋ nénécmiyu neŋaoc bisiwŋi niŋ wanzu? ²⁹Zégic Petero zéma Yesuac Mélíméli ic tosara ieneŋ yomuhuc melemma zégic; Ic onac ackuažéc tohowiŋ zé Anutuac ackuažéc waiwiŋac séc qahac. ³⁰Eneŋ Yesu ic héŋeŋeŋa wéndaraiguc qehumugic. Waŋu imi mia yanda hécnina ionac Anutunéŋ meqeliyu yarec. ³¹Israel ic embac ewa qerigina meleŋgic késpedesigina wai énécmimacac niŋ Anutunéŋ méra héiyanéŋ i wagicma emma ic kewu zéma aŋgéŋ titi icninawac kumuyec. ³²Nini haka imuac héipuc ic wanziŋ. Waŋu Anutunéŋ méŋnéŋ méŋ ara tohogic ionac Uŋa téréya énécmiyu Uŋa Téréya iminéŋ imuhucyanec héipuc wanzac.

³³Imuhuc zégic niŋgic qerigina kileŋ yanda biriyu unuhumuwiŋ zé waŋgic. ³⁴Imuhuc waŋgic méŋnéŋ sugcina igucnec yarec. Ic imi Farisaio ic, qara Gamaliel, Héna acac kiwi ic, waŋu ic embac moczoŋ yanda eeya héiaŋgic. Inéŋ Yesuac Mélíméli ic onagicma komora méŋ séŋgaŋgeŋ kemma nammu niŋac énézéyec. ³⁵Imuhuc wammaguc yomuhuc énézéyec; Israel ic, ic imi onac iwawai méŋac méŋ waŋ énécmiwiŋ zé haka imuac hiabianec niŋgésimu. ³⁶Hénia zéwa niŋgic, becneŋ Teuda hicŋima eŋeya niŋ méŋac séciguc séwiya meemma zéyu iwac muru ic zaŋgégina 400 imuac séc toroqegic. Waŋu qegic humuyu ic méndacmigic séc héndéŋ amuma kendacgic, héla qahac waŋec. ³⁷Imuac andiaiguc

qac meme naléyaiguc Galilaia ic Yudanén hicnjima ic tun yanda héihéré énécmiyu méndacmigic. Wañu i imuhucyanec humuyu méndacmigic ieneñ héndén amuma kendacgic. ³⁸Imuac ni degucguc énézézua, ic ionac murunec lakec namma wai énécmigic kecgic. Niniñ areñgia zéma aigina iminén ic ionac murunec hicñizaciguc birima maqemac. ³⁹Wañu Anutuac murunec hazaciguc eneñ mebirimuac séc qahac wammac, néñ Anutuguc eumu tanec wambac niñac. ⁴⁰Imuhuc énézéyu ara tohoma Yesuac Mélíméli ic unurugic érégic kémbiñnéñ unuma Yesuac qaraiguc ac mén ménda zému niñac zéselima wai énécmigic keñgic. ⁴¹Wañu Yesuac Mélíméli ic eneñ Sanhederin kaunsol wai énécmima kemma Anutunén niñu nini Yesuac qara niñac mema titi wañ nénécmiwu éséc wanzac zéma nimma ségiségi wañgic. ⁴²Wañu ieneñ méndagucnec waigic, néñ kaiweya kaiweya ocmuñ téréya me amagina séciguc Yesu imi Kristo zéma zéauma buñ suruc hiabia ku énécmiañgic.

Yesuac Mélíméli ic ieneñ ai ic 7 kumu énécmigic.

6 ¹Wañu nalé imuhucgeñ Yesuac tohotoho ichéra zañgégina toroqema eñec. Eñu Yuda ic tosara Hebraio ac zéañgic ieneñ naléya naléya maqeqeya galengé énécmima Yuda ic tosara Girik ac zéañgic ionac maléhécgina méragina ménda énécmigic. Wañu Yuda ic Girik ac zéañgic ieneñ eñacnec ewa héténgina memama haka imuac Hebraio ic zébiri énécmigic. ²Imuhuc wañgic Mélíméli ic ieneñ tohotoho ichéra tocgé énécmima zégic; Nini Anutuac ackuažéc ménda zéauma nene yaka méndén énécmimanec kecbiñ imi haka hiabia qahac. ³Dac munahécnina suginaiguc ic 7 Uña Téréya zéma niñtegic qindegic sécgé énécmiyu eegina héiénécmianzu imi mihicñi énécmigic neneñ ai imuac kumu énécmiwij. ⁴Wañu neneñ imi zéwelec ai zéma ac téréyawac ai sac toroqema mema kecbiñ. ⁵Zégic ac iminén hénaoñ moczoñ yanda ionac ewagina mehiaru énécmiyu ieneñ ic youmi mihicñi énécmigic; Ninzén ninzén zéma Uña téréya sécgémimia Stefano imi zéma Filipo, Porokoro, Nikano, Timon, Pamena, zéma Antiokia ic Nikolao, wañu Nikolao inén becaru melemma Yuda hénaiuguc toroqema kekera. ⁶Wañu ic imi Yesuac Mélíméli ic ionac kic ségéra ginaiguc hai énécmigic nañgic walac zéwelecmaguc méragina orucginaiguc hai énécmima mozocgé énécmigic. ⁷Wañu Anutuac ackuažécñéñ saima keñu Yesuac tohotoho ichéra ionac zañgéginanén Yerusalemiguc kuneñ yanda toroqema eñec. Wañu hofac oo ic sasalanén ninzén ninzén imi tohógic.

Stefano késama aciguc haigic.

⁸Ewa hia zéma kuc sécgémimia Stefano inén ic embac suginaiguc kiwi welicwelicgia zéma asé kiwiac haka icnéñ ménda memeya imi sasala meyec. ⁹Wañu tocgotocgo ama méñac hénaoñ qacgina Ic hulac

énécmimia⁸ ionac murunec tosara Kirene, Aleksandria, Kilikia, zéma Asia baec igucnec hagic ienej momacnec yacma Stefanoguc zéej zéma wamma ac zégic. ¹⁰Waņu Stefanonéj Uņa Téréyaguc ac hiabianec niñarej wamma zéyu ienej ara melemmuac séc qahac wañec. ¹¹Waņu ienej ic tosara zénañgé énécmigic yomuhuc zégic; Nini hénni Stefanonéj Mose zéma Anutu zéбири érécmizac. ¹²Imuhuc zéma ic embac zéma qeriwac galej zéma héna acac kiwi ic ionac qerigina éségic iwac muru hama késama kaunsol onac muru wagicma keñgic. ¹³Kemma héipuc ic ikora onopocgic namma yomuhuc zégic; Ic youmi imi ocmuñ téréya zéma héna ac imuac nalé séc zébirianzac. ¹⁴Nini imi inéj Yesu Nazareteneç iminéj ama youmi hézéngeéma haka silic Mosenéj mema mama nénécmiyec imi meleñu qelia wammac imuhuc zéyu niñanzij. ¹⁵Zégic kaunsol moczoñ yanda imuaru tacgic imi enej Stefanoac hémma héj wañgic iwac kic tanera imi kua meme uña ionac kic tanec ésécneç wañec.

Stefanonéj Yesuac hénia zéasariyec.

7 ¹Waņu mulu memeac icya ionac eñeñaginanéj qesimima zéyec; Ac imi hélacnec me? ²Zéyu Stefanonéj yomuhuc zéyec; Dac munahécna zéma mañgoc hécnac acna zéwa niñgic; Yandanina Abaraham Haran baeciguc ménda kemma kecma Mesopotamia baeciguc kerunec Anutu odamuyagucnéj hicñimiyec. ³Hicñimima yomuhuc ézéyec; Gi ama baecga zéma areñhécga wai énécmi na neñ baec méñ gézéwa hémbésémañ imuaru kembésémañ. ⁴Imuhuc ézéyu inéj Kaldia ic ionac baec imi waima Haran baeciguc kemma kerec. Keru mañgocya humuyuguc Anutunéj enej deguc keczu baec yomuaru wagicma hayec. ⁵Hama inéj baec yomuaru iwawai méñ ménda waimima baec titiña méñ ménda miyec. Waņu Anutunéj Abaraham meracya méñ qahac kerunec eñeya zéma andiaiguc qelihéra ienej baec yomi késamu niñac ac zikimiyec. ⁶Waņu ac Anutunéj ézéyec imi yomuhuc; Iwac qelihéra ienej ic méréra ionac baeciguc ic kiañ kemma kecmu. Kecgic baec miñina ienej weleñ qeénécmimuac niñ énépésima yawuñ 400 séc ziki sipacgé énécmimu. ⁷Waņu weleñ qemuac niñ énépésimu ionac baec yanda imuac ic embac imi niñgési énécmima bakia meleñ énécmimañ. Waņu imuac andiaiguc qelihéra ienej baec imi waima hama baec yomuaru ni weleñ qenémmu. ⁸Waņu Inéj Abaraham séwi tasé hericheric imuac sisipac ac imi zémiyec. Waņu naña Isaka héri haima mema keru kaiweya 8 waņu séwi taséya hericheric imuac haka wañec. Waņu Isakanéj Yakop mihicñiyec. Waņu Yakobonéj yanda hécnina 12 mihicñi énécmiyec.

⁹Waņu yanda hécnina ienej Yosefeac nimbupuc wammima soukiwa niñac waimigic késama Izipte baeciguc keñgic Anutunéj i guc kerec.

⁸ 6:9 Yuda ic tuñ méñ Roma baec yandaiguc ziki sipacgina qahac kekera.

¹⁰Kecma zéra béra moczon imuac qaha igucnec metecgéma ewa hia nimmima niŋtegic qinŋtegicac kuha miyu Izipte ic kewu Faraonéŋ héŋu hiaruyu Izipte héŋgaleŋ ama areŋa yanda zéma eŋeya ama séc héŋgaleŋ wammac niŋac kumuyec. ¹¹Nalé imuaru Izipte zéma Kanaan baec séc béti hicŋiyu qenzeŋ manzeŋ he énécmiyu yanda hécnina imi nenegina qahac kecgic. ¹²Waŋu Yakopnéŋ Izipte baeciguc nene hezac imuhuc zégic nimma yanda hécnina méli énécmiyu keŋgic. ¹³Waŋu muŋguc keŋgic Yosefenéŋ eŋeya hénia ya zéasari énécmiyu dac munahéra ieneŋ hénia ya niŋgic. Waŋu Farao ézéyu inéŋ Yosefeac areŋhéra hénia gina wininiyu inicma niŋec. ¹⁴Waŋu Yosefenéŋ dac munahéra tosara méli énécmiyu maŋgocya Yakop zéma sac kitichéra moczon ic embac 75 onagicgic. ¹⁵Waŋu Yakopnéŋ Izipte baeciguc mekemma kecma humuyu yanda hécnina imuhucnec humudacgic. ¹⁶Kecma qamoc hécgina Sekemiguc mema hama baec ménŋ Abarahamnéŋ becneŋ Sekem baeciguc Hamoroac qelihéra ionarunec kicsuaŋac buŋa soukiwa énécmima meyec imuaru téŋgé énécmigic.

¹⁷Waŋu Anutunéŋ Abaraham ac zikimiyec imi seligimac imuac naléya ducŋiyu Izipte baeciguc areŋhécnina ionac zaŋgégina imi muŋguc yanda saima eŋec. ¹⁸Waŋu kecma ic kewu méréra ménŋ Yosefeac hénia ménda niniŋanéŋ Izipte baecac galeŋ waŋec. ¹⁹Waŋu ic kewu inéŋ mia areŋ hécnina tiwiquiwiliŋ waŋ énécmima zéra béraiguc onoporec. Waŋu yanda hécnina zéseli énécmiyu qelihécgina kokoc humumu niŋac deminŋ séŋgaŋgeŋiguc wai énécmiaŋgic. ²⁰Nalé imuaru mia Mose hicŋiyec. Waŋu Anutunéŋ héŋu sécgéyec. Sécgéyu maŋgocyawac amaiguc namu gumuyu maso haréwéc waŋec. ²¹Waŋu kecma winiŋu waigic Farao béracyanéŋ wagicma galeŋgéyu iwac naŋa waŋec. ²²Waŋu Mose imi Izipte ic ionac niniŋina imi moczon kumigic ara zéma wawaŋ memeya imi kucyaguc waŋec.

²³Kecma yawuŋa 40 imuac séc waŋu kemma Israelac qeli, dac munahécna inicmaŋ zéma qerianéŋ niŋec. ²⁴Kemma Izipte ic ménŋnéŋ Israel ic ménŋ eŋ qeyu iricma ic ménŋ yéwériyaguc iwac saiwa wammima Izipte ic imi bakia meleŋmima qehumuyec. ²⁵Waŋu inéŋ dac munahécna ieneŋ Anutunéŋ mérananéŋ yéwérigina igucnec metecgé énécmimac imi niŋasarimu imuhuc zéma niŋec, néŋ ieneŋ imi ménda niŋtegicgic. ²⁶Waŋu ama siŋima gianŋiyu Israel ic éréhéŋ euyic muŋguc winini érécmima iereŋ ewa momacguc wammaoc niŋac yomuhuc érézéyec; Ic éréhéŋ iri dara munia, waŋu némac niŋac mebiri amuzaoc? ²⁷Zéyu ic alaya eŋ qeyec iminéŋ Mose qéfacgé mima yomuhuc zéyec; Mérénéŋ gi nonac galeŋ zéma gésigési ic kumugéŋec? ²⁸Oraŋ Izipte ic qehumunec imuhucyanec ni numanŋ zéma wanzaŋ? ²⁹Zéyu ac imuac niŋac Mosenéŋ néŋgacma Midian baeciguc ic kiaŋ wamma kecma baec imuhucgeŋ naŋhéréraguc waŋec.

30 Waŋu yawuŋ 40 imuac tetcgia waŋu, Sinai baec boŋa imuac hosuraiguc baec kéra kérésiaiguc Miŋ Kewuac kua meme uŋa méŋnēŋ ic hésa waiyaguc imuac geric bélaŋa qeriaiguc iwac muru wininiyec. 31 Wininiyu Mosenēŋ hémma kiwi imuac welicgéyec. Nimma héŋ sosolimaŋ zéma hosuraiguc keŋu Miŋ Kewuac ac ewaya yomuhuc mayec; 32 Ni yanda hécga ionac Anutu; Abarahamac Anutu, Isakawac Anutu, Yakopac Anutu. Imuhuc zéyu Mosenēŋ bac yandi yandi wamma zénēŋa hiriyu efima hémmacac séc qahac waŋec. 33 Waŋu Miŋ Kewunēŋ yomuhuc ézéyec; Baec tima nanzaŋ imi baec téréya imuac héna usuga imi hénaga igucnec hetecgéna. 34 Ic embachéna Iẏipte baeciguc kecgcic mematiti waŋ énécmigic hémma héŋanza. Waŋu ionac zésiacginanéŋ nuruyu nimma hulac énécmimaŋ zéma mazua. Deguc hana neŋ gi Iẏipte baeciguc méligémba. 35 Imi mia ieneŋ Moseac méréneŋ gi galeŋ zéma gésigési ic kumugéŋec imuhuc zéma waimigic. Néŋ Anutunēŋ ic imi mia ionac galeŋ zéma aŋgēŋ titi icgina wammac niŋac kua meme uŋa méliyu ic hésa waiyaguc imuac qeriaiguc hicŋimima Mose méliyec. 36 Méliyu ic iminéŋ kemma Iẏipte baeciguc zéma Konduŋ pésiaiguc zéma baec kéra kérésiaiguc haka welic welicgia zéma asé kiwi haka hénia hénia imi yawuŋ 40 imuac séc meyu héŋgic onagicma hayec. 37 Waŋu Mosenēŋ mia Israelac qelihéra yomuhuc énézéyec; Anutugina Miŋ Kewu iminéŋ dac munahécgina ionac suc igucnec kua meme ic méŋ ni éséc imuhucya meyacmimac. 38 Mose inēŋ baec kéra kérésiaiguc azorogic suginaiguc yanda hécnina zéma kua meme uŋa méŋ Sinai baec boŋaiguc ac ézéyec imi iniguc momacnec kerec. Waŋu inēŋ mia ac kekecyaguc imi nénécmimaŋ zé meyec. 39 Yandahécnina ieneŋ acya ménda tohoma qéfacgéma sugina igucnec elicgégcic ewa qeriginanéŋ Iẏipte baeciguc lilingéyec. 40 Waŋu Aron yomuhuc ézégic; Gi anutuac irecya méŋ mena iminéŋ walac walac keŋu méndacbiŋ. Mose Iẏipte baec igucnec nonagicma hayec imi youmi iwac muru némac iwawai hicŋiyec imi nini ménda ninziŋ. 41 Imuhuc zéma sura imuhucgeŋ burumakao merawa imuac baniaraya mema iwac muru waŋ qema héfac héimigic. Waŋu méraginanéŋ megic iwawai imuac ségiségi waŋgic. 42 Imuhuc waŋgic Anutunēŋ andé unuma wai énécmiyu ieneŋ kurumeŋac iwawai^h mepési énécmigic. Imuac mia kua meme ic ionac kiwiiguc ac yomuhuc hezac; Israel ama miŋina eneŋ yawuŋ 40 imuac séc baec kéra kérésiaiguc kecma waŋ méŋ qema lémbaŋ méŋ onéŋgic me qahac? 43 Ini Molok imuacⁱ ocmuŋ zéma baniara Refan imuac ménni sikilu zéma irec tosara mepési énécmimu niŋac mesorocgéma megic imi mepési énécmiaŋgic, imuac ni Babilon baec emañgeŋ ini nesi énécmimaŋ.

44 Yandahécnina ieneŋ baec kéra kérésiaiguc héipuc ac haliginaguc kecaŋgic. Hali imi Anutunēŋ imuac tanera Mose ézéyec séc megic.

^h 7:42 Kembaŋa 43 iguc hénia imi ooyawac hezac. ⁱ 7:43 2Ki 23:10

⁴⁵ Waŋu hali imi mia yanda hécninanéŋ bisima keŋkecma kecgic. Waŋu Anutunéŋ kicginaiguc ic enia nesi énécmiyu ionac baec késagic nalé imuhucgeŋ yanda hécnina Yesua méra bawaiguc kecgic imi eneŋ iwawai imi bisima hagic tac énécmiyunec Dawidi galeŋgé énécmiyec imuac naléya hayec. ⁴⁶ Waŋu Dawidi inéŋ Anutuac ewa hia iwac muru hemiyu Yakopac qelihéra onac niŋ wamma Anutuac amaya memac niŋ welerec. ⁴⁷ Waŋu i qahac, néŋ Solomonnéŋ iwac ocmuŋ téréya meyec. ⁴⁸ Waŋu Eŋeŋa yanda iminéŋ amaya amaya ic méranéŋ megic imuaru ménda kecaŋzac. Imuac mia kua meme icnéŋ yomuhuc zéyec; ⁴⁹ Kurumeŋ imi nuac ic kewu tatacna, waŋu baec imi nuac héna titina. Imuac niŋac ini ama dimuhucya hia menémmu? Waŋu baec dimuhucyanéŋ nuac tac ninŋac sécyā hia wammac me? ⁵⁰ Waŋu iwawai momac yanda imi mérananéŋ ménda mihicŋiyi me?

⁵¹ Ini imi ewagina selia, qeri gezacgina ménda hericgic béréŋgéyec. Eneŋ yanda hécgina waŋaŋgic ésécnec nalé séc Uŋa Téréya andé qeqe wammianzu. ⁵² Némac kua meme ic méŋac onac yanda eneŋ ménda qehéi waŋgic kerec? Ic solaŋa ménŋ hamac zégic séc unudacgic. Deguc ini imi ic solaŋa imi mia andé qema qehumugic. ⁵³ Waŋu kua meme uŋa eŋeyaoc hama héna ac imi énécmiyec, néŋ kilenŋdac ménda tohoanzu.

Stefano qegic humuyec.

⁵⁴ Ac imuhucya zéyu niŋgic qerigina yaru iwac niŋ zécgina kizéŋgéégic. ⁵⁵ Stefano imi Uŋa téréyanéŋ qeriaiguc kuaya qeyu kurumeŋiguc hiyu Anutuac kiwi asaha zéma Yesu Anutu méra héiyaiguc naŋu hémma ⁵⁶ yomuhuc zéyec; Ninzu, ni kurumeŋ aŋgéyu Icac Naŋa Anutu méra héiyaiguc naŋu hénzua. ⁵⁷ Imuhuc zéyu ac qeweloŋ yanda qema gezacgina hézicgéma momac yanda yacma iwac muru usuŋnec kemma qéfacgéma ⁵⁸ ama areŋ yanda demŋ seliaguc imuac séŋgaŋgeŋiguc wagicma kemma hocnéŋ héigic héipuc ic tosanéŋ malekugina hetecgéma sac qeli ménŋ qara Saulo iwac héniaiguc haigic. ⁵⁹ Waŋu hocnéŋ héima kecgic Stefanonéŋ welecma ac yomuhuc zéyec; O! Miŋ Kewu Yesu, gi qeri uŋana késana. ⁶⁰ Imuhuc zémaguc simiŋ héima kucnec yanda qacma zéyec; Miŋ Kewu gi késpedesgina ionac qacginu ménda haina eŋu, imuhuc zémaguc gau seli heyec.

Yesuac hénaoriŋ hazéc mihicŋima néŋgacma keŋha waŋgic.

8 ¹ Stefano humuyu Saulonéŋ qehumugic imuac ewa momac waŋec. Waŋu nalé imuaru Yesuac hénaoriŋ Yerusalem kecgic ieneŋ hazéc yanda mihicŋima Yuda zéma Samaria baec séc néŋgacma kendacgic. Keŋgic Yesuac Mélíméli ic eŋacnec ménda néŋgacma Yerusalemiguc kecgic. ² Waŋu Anutu ee héihéi wammianzu ieneŋ Stefano héisiac yanda wammima téŋgéégic. ³ Saulo inéŋ amaya amaya emma ic zéma

embac momacnec énépésima qatéhéré waŋ énécmima hénaorij mebiri énécmima hésa amaiguc onoporec.

Filiponéŋ Samaria ama areŋa areŋa séc ackuazéc énézéyec.

⁴Héndéŋ énécmimia imi eneŋ baera baera kemma ackuazéc imi zéau énécmigic. ⁵Imuhuc waŋgic Filiponéŋ Samaria ama areŋa yandaiguc hiŋgacma Kristoac héniaya zéau énécmiyec. ⁶Waŋu Filiponéŋ kiwi hénia hénia mema ackuazéc énézéyu tuŋ yanda ieneŋ ewa momac wamma hémma nimma acyawac wamma gezacgina haigic. ⁷Hénia imi yomuhuc; Inéŋ zéyu kuwic biria sasalanéŋ ic tosara sipacgé énécmima kecgic ionac murunec qewelon yanda qema érégic. Waŋu puriŋ zéma héna méragina biria sasala mehiaru énécmiyec. ⁸Waŋu ama areŋa yanda imuaru ségiségi kuney yanda hicŋiyec.

Séwi galeŋ ic Simonnéŋ Uŋa Téréya boŋ memaŋ zé waŋec.

⁹Waŋu ama areŋa yanda imuaru séwi galeŋ ménŋ kerec. Iwac qara imi Simon. Inéŋ kuwi kuhanéŋ ai ikora meyu Samaria ic embac ieneŋ hémma welicgéégic eŋeya niŋac ic kuney zéamuma kecaŋec. ¹⁰Waŋu eŋeŋa mamaya momacnec iwac gezacgina haima, Ic youmi Anutuac kuc kuney yanda késakeczac zéaŋgic. ¹¹Waŋu nalé horua yanda gété manira ai iminéŋ ewagina mesoho énécmiyu méndac miŋgic. ¹²Waŋu Filiponéŋ Anutuac héŋgaleŋ ama areŋa yanda zéma Yesu Kristoac qac buŋa zéau énécmiyu ninzéŋgéégic ic embac momacnec doku naec énécmiyec. ¹³Imuhuc waŋu Simon imuhucnec ackuazéc ninzéŋgéyu doku naecmiyu Filipino méndacmiyu Filiponéŋ séséc hénia hénia zéma kuc yanda mewininiyu hémma welicgéyec.

¹⁴Yesuac Mélíméli ic Yerusalem kecgic ieneŋ imi Samaria ic tuŋ ieneŋ Anutuac ackuazéc késaniŋ waŋgic zégic nimma Petero zéma Yohane ionac muru méli énécmigic keŋoc. ¹⁵⁻¹⁶(Waŋu imuaru hénaorij imi hakecma ménŋac ménŋ Uŋa téréyanéŋ ménda mayecnec, ieneŋ Yesuac qaraiguc dokunec sac naecgic,) imuac niŋ iereŋ mekemma Uŋa téréyaguc wammu niŋac zéweleroc. ¹⁷Waŋu Yesuac mélíméli ic éréhéc iereŋ méragira orucginaiguc haiyic Uŋa Téréya megic. ¹⁸Simon imi Yesuac mélíméli ic iereŋ méragira orucginaiguc haiyic Uŋa Téréya énécmiyu hémma soukiwa érécmiyec. ¹⁹Érécmima yomuhuc érézéyec; Kuc buŋa imuhucya ni momacnec néŋic ic embac ménŋac ménŋ orucginaiguc mérana haiwa Uŋa téréyaguc wammac. ²⁰Imuhuc zéyu Peteronéŋ yomuhuc ézéyec; Gi Anutuac sese imi soukiwanéŋ boŋa hia memaŋac zéma ninzaŋ, imuac soukiwaga imi giguc momacnec biridacmaoc. ²¹Guac ewa qeriga imi Anutuac kiwaiguc dindiŋa qahac. Imuac héna ac yominéŋ guac iwawai me ai buŋaga ménda wammac. ²²Qeri biricga imi melemma Miŋ Kewu welec mina qerigaiguc niniŋ imuhucya késakeczanŋ imuac

képésicga waigémmac gezan. ²³Gémba biriawac houhouyanéŋ qeriga sécgéyu képésicganéŋ pipigémma hezac. ²⁴Zéyu Simonnéŋ melemma zéyec; Iri ekaoc nuac niŋ wamma Miŋ Kewu welecmyic iwawai zézaoc imi nuaru mén ménda hicŋi némmac.

²⁵Waŋu Yesuac Mélíméli ic iereŋ Miŋ Kewuac ackuažéc imi héipuc wamma selima zéau énécmimaguc Samaria baec komoc komoc sasalaiguc buŋa suruc hiabia imi zéau énécmima zéau énécmima hama Yerusalem lilingéma keŋoc.

Filiponéŋ Ediopia ic mén Yesuac hénac ac ézéyec.

²⁶Miŋ Kewuac kua meme uŋanéŋ Filipo yomuhuc ézéyec; Gi yacma emañeŋeŋeŋ baec waŋgoŋa Saut iguc hiŋgacma hénac mén Yerusalemnec hénima Gaža amaiguc hiŋgaczac imuaru kembésémaŋ. Waŋu hénac imi baec kéra kérasiaiguc heyec. ²⁷Imuhuc zéyu Filiponéŋ yacma keŋu Etiopia héngaleŋ ama areŋa yandawac Embac garata Kandake iwac weleŋ qeŋe icnéŋ Yerusalemiguc Anutu mepésimaŋ zé eŋec igucnec mayec. Waŋu ic imi héngaleŋ ama areŋa yanda imuac sou kiwa moczoŋ galengémac niŋac kuc yanda hemiyec. ²⁸Waŋu inéŋ lilingéma eŋeya karisi yanda imuac qacyaiguc tacma Anutuac tiliŋ tiliŋ ic Yesaiawac kiwi imi olomma kerec. ²⁹Waŋu Uŋa téréyanéŋ Filipo yomuhuc ézéyec; Karisi imuac hosuraiguc kemma kenna. ³⁰Zéyu Filiponéŋ usuŋnec kemma kua meme ic Yesaia iwac kiwi imi oloŋu nimma qesimiyec; Ac olonzaŋ imuac hénia ninzaŋ? ³¹Waŋu inéŋ zéyec; Méŋnéŋ hénia ménda meyu nimma dimuhuc niŋasarimaŋ? Imuhuc zémaguc éréma tacmacac niŋ Filipo héihéré miyec. ³²Embac kewuac weleŋ qeŋe iminéŋ ac kiwi oloŋec imi yomuhuc; Rama merawa mén qehéric wammu niŋ héréma keŋanžu ésécnec hérémigic keŋec. Waŋu rama mén zucya héric héric ic méŋac wésiaiguc hétéŋ qahac wamma taczac imi ésécnec kuaya mén ménda aŋgéyec. ³³Waŋu mamaya waŋu didiŋanec ménda zétecgé migic. Waŋu baec igucnec kekecyac wagicgic qahac waŋec imuac mérénéŋ iwac qelihéraguc wammac hia zéwacnec?

³⁴Waŋu garatawac weleŋ qeŋe icnéŋ melemma Filipo ézéyec; Qesigémba nézéna. Anutuac tiliŋ tiliŋ icnéŋ mérac niŋ imuhuc zézac, eŋeya niŋac me ic mén niŋac? ³⁵Qesiyu Filiponéŋ kuaya aŋgéma ac imuaru toroqema Yesuac hénia ézéyec. ³⁶Waŋu hénac keŋkecma doku méŋiguc kereŋic garatawac weleŋ qeŋe icnéŋ zéyec; Doku you hezac imuac némacnéŋ ziki néŋu doku ménda naec némbésémaŋ? ³⁷(Ménda hezac.) ³⁸Imuhuc zéma nesinesi ic énézéyu karisi yanda imi zikigic naŋu Filipo zéma garatawac weleŋ qeŋe ic iereŋ ekawu dokuiguc mekeŋic Filiponéŋ doku naecmiyec. ³⁹Waŋu doku igucnec éréyc Miŋ Kewuac Uŋanéŋ Filipo wagicma keŋu weleŋ qeŋe ic iminéŋ i muŋguc ménda hémma ségiségi wamma hénaya méndacma keŋec. ⁴⁰Waŋu Filipo inéŋ

Azoto^j tauñiguc wininima lelecgéma ama areña kuney kuney séc séc buña suruc hiabia énézéma hama Kaisarea^k hadarec.

Miñ Kewunéñ Sauloac hicñimiyec.

9 ¹Saulo imi Miñ Kewuac ai ichéra tericgé énécmima unuhéi wañ énécmimacac niñ qeria geriwiguc wañu wéséséya héiyu érémanec nañu hofac oo ic eñeña iwac muru keñec. ²Kemma méñnéñ méñ héna qelia imi méndacma kecziuguc mihicñi énécmima ic me embac moczoñ méragina dérécgéma Yerusalem érémañ zé Damasiko ama areña yanda imuac tocgotocgo ama séc keñkeñawac oaec kiwi niñac welecmiyec. ³Welecmiyu omiyu mema keñkecma Damasiko ama areña yanda hosuraiguc keñec. Nalé imuhucgeñ kurumeñ igucnec asac mararañ méñnéñ élanzañnec mama qetagalima lelecgémiyec. ⁴Lelecgémiyu baeciguc tendiñgéma maqeyu hema ac ewa méñ yomuhuc zéyu niñec; Saulo, Saulo, gi némac niñac nunesi wannémma kecanzañ? ⁵Zéyu Saulonéñ qesimima zéyec; Miñ Kewu, gi méré? Zéyu zéyec; Ni Yesu geñ qenesi wammima kecanzañ imi mia. ⁶Gi yacma ama areña yandaiguc kerenna, imuaru némac ai kilen mewésémañ imuac ara gézéyu nimbésémañ. ⁷Zéyu ic i guc keñgic ieneñ hétén imi niñgic, néñ ic méñ ménda héñgic imuac niñ acgina qahac nañgic. ⁸Wañu Saulonéñ baec igucnec yacma kiwa himanec nañec, néñ iwawai méñ hémmacac séc qahac wañu ichéra ieneñ mériaiguc késama wagicgic Damasiko ama areña yandaiguc kereñgic. ⁹Wañu ai meme haréwéc kiwa hilicgémanec taru nene me doku méñ ménda neyec.

Ananianéñ Saulo doku naecmiyec.

¹⁰Damasiko ama areña yandaiguc Yesuac ai ic méñ kerec. Qara imi Anania. Wañu Miñ Kewunéñ tiliñ tiliñiguc hicñimima ézéyec; Anania! Zéyu melemma zéyec; Oo, Miñ Kewu. ¹¹Zéyu Miñ Kewunéñ ézéyec; Ninzañ, ic méñnéñ welecma taczac, imuac niñ gi yacma héna qara Héna Dindiña imuaru kemma Yudawac amaiguc emma ic méñ qara Saulo, Taso ama areña yanda igucnec iwac hocma mihicñiwésémañ. ¹²Inéñ irec méñ tiliñ tiliñiguc hicñimiyu ic méñ qara Ananianéñ eñeña muru hama méria qacyaiguc haiyu muñguc kic hihiyaguc wañec imi héñzac. ¹³Zéyu Ananianéñ melemma zéyec; Miñ Kewu, ic embac sasalanéñ iwac niñ zéma Yerusalemiguc guac hénaoriñ hécga haka biria hatac dahec wañ énécmiyec imuac suruc zégic niñanzua. ¹⁴Wañu yomuaru imuhucnec guac qacga guruanziñ nini moczoñ méranina dérécgé nénécmimac niñac hofac oo eñeñagina iwac murunec kuc buña imi mema hayec. ¹⁵Imuhuc zéyec, néñ Miñ Kewunéñ yomuhuc ézéyec; Gi tinduc kenna, baera baera

^j 8:40 Qara méñ; Asidot. ^k 8:40 Ama areña yanda méñ zéic alayaguc.

ic embac zéma ic kewu zéma Israelac nambérac héra ionac muru nuac qac buḡana wagicma kemmacac niḡ késawa ic imi nuac ai ic wanḡac. ¹⁶Qac buḡanawac wamma zéra béra yéwéria dimuhucya mihicḡimac imi ézéwa hémmac. ¹⁷Waḡu Ananianéḡ kemma ama imuaru emma Sauloac oruhaiguc méria haima zéyec; Saulo, munana, gi muḡuc kic hihi wamma Uḡa Téréya sécgégéḡu kecbésémaḡ niḡac Miḡ Kewu Yesu hénaiguc hicḡigéḡec inéḡ mia méli néḡu hazua. ¹⁸Zéyu nalé sosola qahac kiwa igucnec iwawai sekec sekec ésécnecnéḡ taima mayu kicya muḡuc hima hémma yacma naḡu doku naecmiyec. ¹⁹Waḡu nene nema kuhaguc waḡec. Inéḡ Yesuac ai ichéra Damasiko ama areḡa yandaiguc kecgic iniguc ai meme tosara kecgic.

**Saulonéḡ hénima buḡa suruc hiabia zéauyu
zéra béra qahaiguc opocgic.**

²⁰Kecma nalé sosola qahac Yuda ic ionac tocgotocgo amaiguc emma Yesu imi Anutuac Naḡa kecḡac zéma zéau énécmiyec. ²¹Énézéyu niḡgic imi enéḡ moczoḡ welicgéma yomuhuc zégic; Ic yomi Yerusalem imuaru qac imi qacaḡic ini mebiru énécmiaḡec imi qahac me? Waḡu ic embac imuhucya qaté énécmima hofac oo ic ionac muru énépésima kemmaḡ zé hayec. ²²Waḡu Saulo inéḡ muḡuc yanda kuhaguc wamma Yesu imi Kristo téḡgéḡ wanḡac imi héipuc wamma Damasiko ama areḡa yandaiguc Yuda ic kecgic énézéyu niḡgic sicsaoc waḡec.

²³Imuhuc wamma keru ai meme sasala keḡu Yuda ic enéḡ Saulo qewiḡ zéma zéeminiḡ waḡgic. ²⁴Waḡu ac saḡa hazéra imi Saulo gezawanéḡ niḡec. Waḡu ieneḡ Saulo qehumuwiḡ zé siḡi kaiwe séc nagu yanda séc awima naḡgic. ²⁵Imuhuc waḡgic iwac tohotoho ichéra ieneḡ siḡiyaiguc neḡgeḡiguc Saulo tima hésanéḡ neḡgeḡ qatéma demiḡ yanda andia luhuc memeac kifanaiguc naḡgégic hiḡgacma néḡgarec.

²⁶Kemmu Yerusalem keremmu Yesuac ai ichéra ionaru toroqemac niḡ batucgé énécmiyec, néḡ ieneḡ moczoḡ Yesuac ai ic wanḡac imi ménda niḡzégégic imuac iwac zénéḡgina hiriyec. ²⁷Waḡu Banabanéḡ Yesuac Mélíméli ic ionaru wagicma kemmu Saulonéḡ hénaiguc Miḡ Kewu dimuhuc héḡu Miḡ Kewunéḡ dimuhuc ac ézéyu Damasiko ama areḡa yandaiguc inéḡ Yesuac qaraiguc kucnec zéma dimuhuc zéauyec imuac ac suruc waḡ énécmiyec. ²⁸Waḡu inéḡ iniguc momacnec kecma Yerusalem eḡeḡ mama wamma Miḡ Kewu Yesuac qaraiguc ackuažéc selianec zéauyec. ²⁹Waḡu Yuda ic tosara Girik ac zéaḡic iniguc ac waḡgic acginaanéḡ eḡeḡ mama waḡec. Waḡu ic ieneḡ Paulo qewiḡ zé waḡgic. ³⁰Waḡu ai momachéra ieneḡ nimma Kaisarea ama areḡa yanda zéic alayaguc imuaru wagicma hiḡgacma kemmu méligic Taso ama areḡa yandaiguc keḡec.

³¹Imuac niḡ Yesuac hénaoriḡ Yuda, Galilaia zéma Samaria baeciguc kecgic ionaru luae he énécmiyu nanaḡ seli mihicḡi énécmimia waḡu

Miŋ Kewuac ehéihéi wammima Uŋa Téréyanéŋ ewa qeriginaguc dongé énécmiyu ʒaŋgégina saima keŋec.

Peteronéŋ ic mén mehiaruyec.

³²Peteronéŋ baec séc lelecgéma kecma Yesuac hénaoriŋ Lida ama areŋa yandaiguc kecgc ionac muru keŋec. ³³Waŋu imuaru ic mén mihicŋiyec, qara imi Ainea, inéŋ puriŋ wamma hehe tataciguc hema keru yawuŋ 8 waŋec. ³⁴Waŋu Peteronéŋ yomuhuc ézéyec; Ainea Yesu Kristonéŋ mehiaru géŋʒac imuac niŋ yacma hehe tatacga imi geŋgaoc mindiŋina ʒéyu nalé imuarunec yarec. ³⁵Yaru Lida ʒéma Saron ama areŋa yanda igucnecnéŋ i hémma ewagina melemma Miŋ Kewuac hagic.

Peteronéŋ Tabita humuc igucnec meqeliyec.

³⁶Yope ama areŋa yandaiguc Yesuac tohotoho embac mén kerec, qara imi Tabita, neŋaŋ aciguc Noniŋ, waŋu inéŋ ai hiabia sasala mema ic embac maqeqeya méra énécmiaŋec. ³⁷Waŋu nalé imuhucgeŋ Tabita i hafi hicŋimiyu humuyu qamocya naecmima ama qeria mén qacyaiguc heyec imuaru haigic heyec. ³⁸Lida ama areŋa yanda imi Yope ama areŋa yanda hosuru tarec. Waŋu Yesuac ai ic embac ieneŋ Peteronéŋ imuaru tacʒac ʒégic nimma ic éréhéc iwaru méli érécmigic ieneŋ kemma nalé sosola qahacnec foc hamacac niŋ qesimiyoc. ³⁹ʒéyic Peteronéŋ yacma iriguc momacnec keŋgic. Kemma kendacgic ieneŋ ama qeria mén qacyaiguc heyec imuaru i wagiric eŋgic. Eŋgic embac malé sasala ieneŋ ic iwac maréŋaiguc namma siacma ʒari maleku Tabitanéŋ iniguc kecma meyacgéyec imi ézégic héŋec. ⁴⁰Waŋu Peteronéŋ énézéyu hiŋgacdacgic simiŋ héima ʒéwelerec. ʒéweleru tecgéyu qamocac muru melemma namma yomuhuc ézéyec; Tabita gi yacna ʒéyu kiwa héitegicma Petero hémma yacma tarec. ⁴¹Taru Peteronéŋ mériaiguc késama héréyu yacma naŋec. Naŋu Yesuac hénaoriŋ ʒéma embac malé unuruyu eŋgic Tabita qelizac imi énézéyu héŋgic. ⁴²Waŋu Yope ama areŋa yanda imuac miŋina ieneŋ haka imi ʒésaigic nimma sasala ieneŋ Miŋ Kewu ninʒéŋgégic. ⁴³Waŋu Peteronéŋ Yopeiguc ic mén qara Simon yaŋ séwéla meme iwac amaiguc ai meme sasala kerec.

Kua meme uŋa méŋnéŋ Konelio hicŋimiyec.

10 ¹Kaisarea ʒéic alawac ama areŋa yandaiguc ic mén kerec, qara Konelio. Inéŋ yaré ic 100 ionac galeŋ kerec. Waŋu inéŋ tuŋ mén Italia yaré ic tuŋa ʒéaŋgic imuacnec. ²Waŋu inéŋ eŋeya ama taséhéra iniguc Anutuac wamma nalégina ʒéma usuŋgina qemima ee héihéi wammima kecma ic embac maqeqeya ionac ewa biric waŋ énécmima haleŋ sasala hai énécmima Anutu ʒéwelec wammima kecaŋgic. ³Kaiwe mén maria 3 kilok imuaru inéŋ héŋu Anutuac kua meme uŋa méŋnéŋ

tiliŋ tiliŋiguc hiŋjimima Konelio, zéma qarec. ⁴ Waŋu inéŋ héŋsosomalima zénéŋa hiriyu zéyec; Miŋ Kewu, hénia némac niŋ? Zéyu zéyec; Haleŋga ic embac maqeqeya ionac haianzaŋ imi zéma zéwelecga iminéŋ Anutuac muru haréyu haihakaga imi niŋqelima niŋgénzac. ⁵ Imuac deguc gi Yope ama areŋa yandaiguc ic tosara méli énécmima kemma ic ménŋ qara Simon Petero zémimia i héihéré mimu. ⁶ Ic imi yaŋ séwéla meme ic, Simonac amaiguc tacyac waŋanzac. Waŋu ama imi konduŋ giŋgiŋaiguc taczac. ⁷ Kua meme uŋanéŋ ac imuhuc ézéma keŋu weleŋ qeŋe ic éréhéc zéma yaré ic sugina igucnec ménŋ Konelio eŋeya méndacmima Anutu ee héihéi wammianzac i momacnec unuruyec. ⁸ Unuruma ac suruc imi waŋ énécmidacma Yope amaiguc méli énécmiŋu keŋgic.

Miŋ Kewunéŋ Petero tiliŋ tiliŋiguc ézéyu héŋec.

⁹ Ama siŋjima giaŋiyu kaiweya ménŋ keŋkecma gau komoc waŋu ieneŋ keŋkecma ama imuac hosuraiguc kereŋgic. Waŋu nalé imuaru Peteronéŋ zéwelec wammaŋ zé ama qacyaiguc eŋec. ¹⁰ Waŋu inéŋ yaka niŋ humuma nene nemaŋ zé wamma énézéyu otocgo wammanec keŋgic Uŋanéŋ qéléléŋgé miyec. ¹¹ Miyu héŋu kurumeŋ aŋgéyu gésé ménŋ maleku ésécnec waŋgoŋa kembonŋ qahac imi zikima naŋgéŋic baec qahaiguc mayu héŋec. ¹² Héŋu qeriaiguc yaŋ hénagina kembonŋ qahac hénia hénia zéma gisic zinangoc, zini mokoleŋ, zéma nei hénia hénia heyec. ¹³ Waŋu ac ménŋ yomuhuc mayec; Petero, yacma unuma nena. ¹⁴ Waŋu Peteronéŋ zéyec; Miŋ Kewu, qahac téŋgéŋ! Ni ménda neneya sic saocya zéma iwawai biria méndagucnec neanzua. ¹⁵ Zéyu ac ménŋ yomuhuc hiŋjiyu hatac éréhéc waŋec; Iwawai Anutunéŋ zézuaczac imuac geŋ qakolayaguc ménda zéna. ¹⁶ Haka imi muŋguc hiŋjiyu hatac haréwéc waŋu imuacnec gésé imi hérégic kurumeŋiguc eŋec.

¹⁷ Waŋu Petero iwawai héŋec imuac hénia imi dimuhuc zéma eŋeya ewayanéŋ nimma niŋ éréhéc waŋec. Waŋu ic tosara Konelionéŋ méli énécmiyec ieneŋ naguyaiguc namma Simonac ama niŋac qesigic. ¹⁸ Qesima qacma yomuhuc zégic; Simon Petero zémimia imi yomuaru taczac me? ¹⁹ Waŋu Petero i iwawai héŋec imuac hénia niŋ areŋgémanec keru Uŋa téréyanéŋ yomuhuc ézéyec; Niŋzaŋ, ic haréwéc haréma gi hocgénzu. ²⁰ I ini neŋ méli énécmiwa hazu. Imuac gi yacma hiŋgacma ewa éréhéc ménda wamma iniguc kembésémaŋ. ²¹ Zéyu Peteronéŋ ionac muru hiŋgacma zéyec; Ic hocma hazu imi ni yomi mia. Hénia némac niŋ you hazu? ²² Zéyu zégic, Yaré ic 100 ionac galeŋgina Konelionéŋ ic solaŋa kecma Anutu ee héihéi wammianŋu Yuda ic ieneŋ ee héihéi wammianzu. Kua meme uŋa téréya ménŋnéŋ gi iwac amaiguc héihéré gémma guac murunec ac nimmac niŋ ézéyec. ²³ Imuhuc zéyu Peteronéŋ onagiru ama tacyac waŋaŋec imuaru emma hegic ama giaŋiyu yacma iniguc keŋgic. Waŋu Yope amaiguc niŋzéŋ niŋzéŋ dacmuna tosara ieneŋ acguc i guc momacnec keŋgic.

**Peteronéj ic enia Konelioac
amaiguc kejec.**

²⁴Ienej henaiguc siñi méj hema keñkecma Kaisarea zéic alawac ama areña yandaiguc kereñgic. Wañu Konelionéj sac kitichéra zéma ala hiabia kecgic tosara unuruyu tocgéma mambéc kecgic. ²⁵Peteronéj amaiguc enj Konelionéj iwac muru hama iwac hénayaiguc mama sicgéma mepésimiyec. ²⁶Mepésimiyu Peteronéj mema yacma yomuhuc ézéyec; Yacna, ni acguc ic kecza. ²⁷Yaru i guc ac wamma ama qeriaiguc emma iniru ic embac sasala tocgéma tacgic. ²⁸Wañu inéj ac yomuhuc hénima énézéyec; Ini nindaczu éséc nec Yuda ic méñnéj ic enia méj ala wammima momac nec azorogic zézé seli ac logizac wammac. Wañu Anutunéj ic méñac méj qakola me zapi qeqeya ménda zémanac zé nézéyec. ²⁹Imuac niñ héihéré néngic acna waima hazua. Wañu qesiéncmiwa, ini hénia némac niñ héihéré néngu? ³⁰Zéyu Konelionéj yomuhuc ézéyec; Haka yomi hicñiyuguc bec ai meme kembon qahac tecgézac. Maria yomuhucgeñ, maria 3 kilok imuaru amanaiguc tacma zéwelecba ic méj malekuya lalacnéj kic ségéranaiguc wininima nañec. ³¹Namma yomuhuc zéyec; Konelio, welecwelecga zéma haleña ic embac maqeqeya ionac haianzanj iminéj Anutuaru haréyu haihakaga imi niñqelima niñgénzac. ³²Wañu gi Yope amaiguc ic tosara méli énécmima kemma ic méj qara Simon Petero zéanzu i héihéré mimu. Ic imi yanj séwéla meme ic Simonac amaiguc tacyac wañanzac. Wañu ama imi konduj giñgiñgic taczac. ³³Imuhuc zéyu nalé sosola qahac ic tosara méli énécmiyi. Hazañ imi hiabia! Nini moczonj youmi Miñ Kewunéj ac gézéyec imi moczonj nimbiñ niñac Anutuac kiwaiguc tocgéma tacziñ.

Peteronéj Konelioac hena géséhéra ackuažéc énézéyec.

³⁴Zéyu Peteronéj kuaya auma énézéyec; Deguc ni héla méj niñasarizua. Anutunéj ic neñaj séwinina igucgeñ ménda ninicma nénépésianzac. ³⁵Ic embac baera baera keczu sugcina iguc nec méñnéj méj Anutu ee héihéi wammima haihaka solaña wañanzu imi hia énépésimacac séha wanzu. ³⁶Anutunéj luaeac ackuažéc imi Yesuac murunec Israelac qelihéra onac énécmiyec. Wañu Yesu iminéj iwawai momac yandawac Miñ Kewu wanzac. ³⁷Yohanenéj doku naec hakawac zéauyuguc imuac andiaiguc Galilaia baec iguc nec hénima Yuda baec séc néma iwawai hicñiyec imi ini niñzu. ³⁸Anutunéj Yesu Nazarete ama areña iguc nec i Uña Téréya zéma kuc buña imi haléc éséc nec pocgémima i guc momac nec kerec, Imuac niñ inéj lelecgéma haka hiabia wamma ic embac tosara uña birianéj helanzu énécmima yéwéri énécmimia imi mehiaru énécmiyec. ³⁹Nini imi inéj Yuda ic nonac baec yanda zéma Yerusalemiguc haka wañec imi moczonj kicninanéj hémma

héipuc wanziŋ. I imi ic héŋgeŋa wéndaraiguc qegic humuyec. ⁴⁰Waŋu ai meme haréwéc waŋu Anutunéŋ meqeliyu wininiyu héŋiŋ. ⁴¹Waŋu ic embac moczoŋ yanda ionaru qahac, néŋ humuc igucnec yaruguc héipuc ic wambiŋ zé Anutunéŋ bec nec gési nénécmiyu i guc nene doku neyiŋ nonac muru sac wininiyec. ⁴²Anutunéŋ ic embac kic qeli zéma ic embac humumia zétecgé nénécmimacac niŋ ic mén kumuyec imi Yesu imi mia zéma imuac héipuc wamma ic embac ackuažéc zéau énécmiwiŋ niŋac Yesunéŋ nénézéyec. ⁴³Waŋu Anutuac tiliŋ tiliŋ ic ieneŋ acguc iwac héipuc wamma yomuhuc zégic; Ic embac i ninzéŋgému moczoŋ iwac qara niŋac késpedesigina zuac énécmimac.

Uŋa Téréyanéŋ ic enia ionac muru mayec.

⁴⁴Peteronéŋ ac imuhuc zémanec naŋu Uŋa Téréyanéŋ ic embac moczoŋ ara nimma tacgic séc qacginaiguc mayec. ⁴⁵^{45a} Mayu ninzéŋ ninzéŋ ic tosara séwi tasé hericheric ginaguc Peteroguc keŋgic ieneŋ Anutunéŋ ic enia ionac Uŋa Téréya qocgé énécmiyu ⁴⁶eŋaŋ ac waima ac méréraiguc zéma Anutu mepésigic nimma ^{45b}kileŋ yanda aurigic. ⁴⁷Waŋu Peteronéŋ zéyec; Neŋaŋ meyiŋ ésécnec ic youmi ieneŋ Uŋa Téréya mezu imuac mérénéŋ doku ménda naec énécmiwiŋ niŋac neuŋ héinénéc mimacac séc wammac? ⁴⁸Imuhuc zéma Peteronéŋ Yesu Kristoac qaraiguc doku naec énécmimu niŋac énézéyec. Waŋu ic embac ieneŋ ai meme tosara mén iniguc tacyac wammu niŋac Petero welecmigic.

Peteronéŋ ai meyec imuac surucya zéasari énécmima Yuda ic énézéyec.

11 ¹Yesuac Mélíméli ic tosara zéma ninzéŋ ninzéŋ dacmuna Yuda baec séc kegcic ieneŋ ic enia ieneŋ Anutuac ackuažéc aŋgéŋ tigic imuac suruc niŋgic. ²Imuac Peteronéŋ Yerusalem liliŋgéma eŋu séwi tasé hericheric ginaguc ieneŋ Petero mematiti wammigic. ³Wammima yomuhuc ézégic; Gi némac niŋac ic enia ionac amaiguc emma iniguc momacnec nene nene? ⁴Zégic Peteronéŋ areŋgéma yomuhuc zéasari énécmiyec; ⁵Ni Yope ama yandaiguc zéwelecmac kecba Anutunéŋ tiliŋtiliŋiguc nézéyu yomuhuc héŋi; Gésé mén maleku yanda ésécnec kitiwa kemboŋ qahac imuaru zikima kurumeŋ igucnec naŋgéŋic ségéranaiguc mayec. ⁶Mayu qeriaiguc héŋ sosoliwa baec yaŋ hénagina kemboŋ qahacginaguc hénia hénia zéma haséŋ yaŋ zéma gisic zinaŋgoc, zini mokoleŋ zéma sawawac nei hegic iniri. ⁷Inicma ewa mén nimba yomuhuc nézéyec, Petero, yacma unuma nena. ⁸Zéyu neŋ zéyi, Miŋ Kewu, qahac téŋgéŋ! Ni iwawai qakolayaguc zéma iwawai zapi qeqeya imuhucya mén kuanaiguc méndagucnec haiwa hiŋgarec. ⁹Imuhuc zéwa kurumeŋ igucnec ewa mén yomuhuc meleŋu hatac éréhécnec mayec; Iwawai Anutunéŋ zézuaczac imuac geŋ iwawai zapi qeqeya ménda zéna. ¹⁰Iwawai imi hicŋiyu hatac haréwéc waŋuguc imuacnec iwawai imi moczoŋ hérégic kurumeŋiguc eŋec. ¹¹Waŋu nalé sosola qahac ic haréwécnéŋ ama

hema kecaŋi imuaru hama naguyaiguc naŋgic. Imi mia Kaisarea zéic alawac ama areŋa yanda imuarunec nuac muru méli énécmiyu hagic. ¹²Hagic Uŋa Téréyanéŋ yomuhuc nézéyec; Gi ewa éréhéc ménda wamma iniguc kembésémaŋ. Imuhuc zéyu ni zéma ic 6 yomi neŋawu kemma méli énécmiyec iwac amaiguc eniŋ. ¹³Enni inéŋ haka dimuhuc hicŋimiyec imuac surucya zéma yomuhuc nénézéyec; Kua meme uŋa mérnénéŋ nuac amaiguc wininima namma yomuhuc nézéyu niŋi; Gi Yope amaiguc ic tosara méli énécmima kemma ic méŋ qara Simon, Petero zémimia i héihéré mimu. ¹⁴Inéŋ hama ackuažéc énézéyu ackuažéc iminéŋ gi zéma héna géséhécga moczoŋ képésicgina igucnec aŋgéŋgina timac. ¹⁵Imuhuc zéyu ni ackuažéc imi hénima énézéwa Uŋa Téréya neŋaŋ muru mayec imuhucyanéŋ ionac muru mayec. ¹⁶Mayu hémma Miŋ Kewunéŋ ac yomuhuc zéyec imi niŋ qeliyi; Yohanenéŋ dokunéŋ naec énécmiyec, néŋ ini mia Uŋa Téréyanéŋ naec énécmimac. ¹⁷Anutunéŋ neŋaŋ Miŋ Kewu Yesu Kristo ninzéŋgéyiŋ nalé imuaru sese nénécmiyec. Waŋu inéŋ sese imuhucyanec ionac énécmiyec. Imuac ni dac imuhucyanéŋ némaciguc Anutu neuŋ héimiwinec. ¹⁸Imuhuc zéyu ieneŋ ac imi nimma ac hétéŋgina waima Anutu mepésima yomuhuc zégic; Ic enia ionac muru kekec memuac ewa qeri meleŋ meleŋac buŋa énécmiyec.

Antiokia ama areŋa yandaiguc Yesuac hénaoriŋ hicŋiyec.

¹⁹Stefano niŋac ununesi hicŋiyu ic embac tosara ieneŋ héndéŋ héndéŋ amuma Foinike zéma Kipuro zéma Antiokia ama séc kemma ic tosara qahac, néŋ Yuda ic embac ionac sac ackuažéc énézégic. ²⁰Waŋu sucginaiguc tosara Kipuro baec zéma Kirene baec igucnecnéŋ Antiokia ama areŋa yandaiguc keremma Girik ic ionac muru acguc Miŋ Kewu Yesuac buŋa suruc hiabia énézégic. ²¹Waŋu Miŋ Kewuac mérayanéŋ iniguc heyu ic embac sasalanéŋ ninzéŋgéma Miŋ Kewuac muru liliŋgéma hagic. ²²Waŋu Yerusalemiŋic hénaoriŋ kegcic ieneŋ imuac suruc nimma Banaba méligic Antiokia ama areŋa yanda imuaru keŋec. ²³Kemmanuac ewa hia he énécmiyu hémma ségiségi waŋec. Waŋu ewa siŋgina yandaguc Anutuaru qékétama kecmu niŋac ic embac moczoŋ acnéŋ meseli énécmiyec. ²⁴Banaba imi ic hiabia, waŋu Uŋa Téréya zéma ninzéŋ ninzéŋ yanda sécgémima heyec. Imuac niŋac ic embac tuŋ yandanéŋ Miŋ Kewuac muru toroqegic. ²⁵Waŋu Banabanéŋ Saulo mihicŋimaŋ zé Taso ama areŋa yandaiguc keŋec. ²⁶Kemmanu mihicŋima wagiru Antiokia ama areŋa yandaiguc hayoc. Hama yawuŋ momacguc ekawu kecma Yesuac hénaoriŋ mihicŋi énécmima ic embac sasala ackuažéc ku énécmiyec Antiokia ama areŋa yanda imuaru mia walac walac Yesuac hénaoriŋ ionac qacma Kristoac ic zéénécmigic.

Yesuac hénaoriŋ Yuda baeciguc ionaru soukiwa haigic keŋec.

²⁷Nalé imuaru Anutuac tiliŋ tiliŋ ic tosara Yerusalemnec Antiokia ama areŋa yandaiguc hagic. ²⁸Waŋu ionarunec méŋ qara Agabonéŋ Uŋa

Téréyanéj tilingémiyu baec séc béti yanda hicņimac niņ andiawac ara énézéyec. Waņu béti yanda imi ic kewu yanda Klaudio kerec nalé imuaru hicņiyec. ²⁹Hicņiyu Yesuac hénaorin ienej kucgina he énécmiyec séc iwawai qutulangéma Yuda baeciguc ninzén ninzénac dacmuna hécgina kecgic ionaru haleņgina haigic kemmac niņ zétecgégic. ³⁰Zétecgégic imuhucyanec haleņ imi Banaba zéma Saulo iorac méragiraiguc haima, ninzén ninzénac dacmuna hécgina ionac muru haigic keņec.

Herodenéj Yakobo qehumuma Petero hésa amaiguc oporec.

12 ¹Nalé imuaru ic kewu Herodenéj hénaorin tosara ununesi énécmimaņ zé méra meyacma énézéyec. ²Inéj Yohaneac dara Yakobo késama sounéj héiyu humuyec. ³Imuhuc waņu Yuda ic ienej haka imuac ségiségi waņgic inictegicma Petero acguc késamaņ zé waņec. (Waņu haka imi saméj yisya qahac imuac kendoņiguc hicņiyec.) ⁴Waņu nagu sacyaguc ogicma keņgic imuac kendoņ tegéyu hérémima ic embac kicginaiguc haiyu waņu ara zétecgémacac niņ hésa amaiguc oporu tarec. Taru yaré ic 16 imi tuņhéra 4 méndéj amuma galengému niņac ionac méraginaiguc oporec. ⁵Petero hésa amaiguc galengégic heyu hénaorin ienej iwac niņ wamma ewa qerigina hélacnéj Anutu welecmigic.

Kua meme uņa méņnéj Petero hulacmiyec.

⁶Herodenéj i wagicma hamuac niņec imuac naléya imi ama gianjiyu ducņimac. Waņu ménda gianjiyunec siņi imuaru Petero seņ hésa éréhécnéj qatégic téņgij ic éréhéc iorac sugiraiguc gauya hekerec. Keru galeņ meme ic tosara nagu séņgawņeņiguc galeņ mema naņgic. ⁷Waņu héņgic Miņ Kewuac kua meme uņa méņnéj wininiyu hésa ama imuac qeriaiguc asac mararaņ méņnéj asariyec. Waņu kua meme uņanéj Petero maréņaiguc qema mindima zéyec; Fodac yacna. Zéyu nalé imuarunec Petero méria igucnec seņ hésanéj loloma madarec. ⁸Waņu kua meme uņanéj ézéyec; Rikuņa zikima héna usuga héina hiņgaru. Imuhuc zéyu inéj imuhuc waņec. Waņu kua meme uņanéj muņguc ézéyec; Séwi usuga horua imi héina hiņgaruguc méndac némma hana. ⁹Zéyu Peteronéj méndacmima keņec. Waņu kua meme uņanéj iwawai hélacnec wammiyec, néj ménda niņasarima gau hénzua imuhuc zéma niņec. ¹⁰Waņu iereņ galeņ meme ic nagu séņgawņeņiguc naņoc imi walac nanaņa zéma andu nanaņa orogicma keremma demij yandawac aiņ naguya ama areņa yanda wésiaiguc nanaņa imuaru hayoc. Hayic nagu imi eņeyaocnec aņgé érécmiyu mama héna yandaiguc keņoc. Keņic kua meme uņa iminéj élanzaņnec waimima eņec. ¹¹Eņu Peteronéj niniņa béréņgéyu yomuhuc zéyec; Deguc ni ninzua. Haka yomi hélacnec téņgéj. Miņ Kewunéj kua meme uņaya mélima Herodeac méria zéma ai areņ Yuda ic ionac ewa qeriginaiguc hezac imuarunec nuagicma hazac.

12 Imuhuc niŋtegicma Yohane, Mareko zémimia iwac neŋgocya Mariawac amaiguc keŋec. Waŋu imuaru ic embac sasalanéŋ tocgéma zéwelec wamma tacgic. 13 Kemma Peteronéŋ naguguc qeyu welen qeqe embac mén qara Rodenéŋ ewaya nimmaŋ zé hosuru hayec. 14 Hama Peteroac ewaya niŋsariyec. Waŋu ségiségi yandanéŋ ewa soho wammiyu nagu ménda auma eŋ usuŋnec ama qeriaiguc emma Petero naguiguc hama nanzac imuhuc qacma énézéyec. 15 Énézéyu ieneŋ nimma zégic; Gi ewaga sohozac. Waŋu inéŋ imuhuc seli qema zémanec naŋu ieneŋ zégic; Imi iwac kua meme uŋaya gezaŋ. 16 Waŋu Peteronéŋ nagu imi qemanec naŋu ieneŋ nagu auma i hémma aurigic. 17 Waŋu acgina qaimac niŋ méranéŋ séséc waŋ énécmima Miŋ Kewunéŋ hésa ama igucnec wagiru mama éréyec imuac ac suruc waŋ énécmidacma ac suruc imi Yakobo zéma niŋzéŋ niŋzéhac dac munahéra énézémuac niŋ énézéma ama imi waima baec méŋiguc keŋec.

Miŋ Kewunéŋ Herode bakia meleŋ miyu humuyec.

18 Ama gianjiyu yaré ic ieneŋ Petero hocma iwawai dimuhuc hiŋimizac imi ménda niŋasarima qewelon yanda waŋgic. 19 Waŋu Herodenéŋ hocma ménda mihicŋima awiawi ichéra zéqesi waŋ énécmimaguc humuciguc onopocmu niŋac énézéyec. Waŋu Herodenéŋ Yuda baec waima Kaisarea baeciguc hiŋgacma imuaru kerec.

20 Herodenéŋ Tiro zéma Sidon ama miŋina hazéc yanda waŋ énécmiyec. Waŋu ama imuac miŋina ieneŋ nene yaka ic kewu iwac murunec hiŋŋianzac imi mema kecaŋgic imuac niŋ ewa momac wamma ic kewu iwac muru haréma Bilasito ic kewu imuac hehe tatacya mindiŋima welen qemiaŋec i mebélacgé mima luae niŋac welec migic. 21 Waŋu Herodenéŋ nalé meyec imi ducŋiyu ic kewuac maleku héima tatak edamuyaguc imuaru mama tacma ic embac ac énézéyec. 22 Ic momac yanda ieneŋ hériaŋ haima yomuhuc zégic; Ewa imi icac ewa qahac, néŋ Anutuac ewaya. 23 Waŋu Herodenéŋ mepé qepési ac imi Anutuac muru ménda meleŋu eŋec, imuac niŋ Miŋ Kewuac kua meme uŋanéŋ qeyu nanecnéŋ kigic nalé sosola qahac humuma qahac waŋec.

24 Waŋu Anutuac ackuazécnéŋ muŋguc yanda yandi saima keŋec. 25 Waŋu Banaba zéma Saulo iereŋ Yerusalemiguc haleŋ énécmimiawac ai imi metecgéma Yohane, Mareko zémimia i wagiric Yerusalem waima liliŋgéma keŋgic.

Buŋa zéauau ai niŋac Banaba zéma Saulo méli érécmigic.

13 1 Antiokia hénaoriŋ sugcinaiguc Anutuac tiliŋ tiliŋ ic zéma qerawac kiwi ic yomuhuc kecgc; Banaba, Simeon qara mén Nigere, Lukio Kirene ama igucnec, Manaen (Ic kewu Herode i guc namu momacnec nema yandiyoc), zéma Saulo. 2 Waŋu kaiwe méŋiguc nene

zikima zéwelec wamma Miñ Kewu mepésima kecgic Uña Téréyanéñ ac yomuhuc zéyec; Banaba zéma Saulo iri ai tosara memaoc niñ ururuyi imuac niñ iri ai imuac gésiérmigic. ³Zéyu imuac nene zikima zéwelecmaguc méragina qacgiraiguc hai érécmima méli érécmigic.

⁴Ic éréhéc imi Uña Téréyanéñ méli érécmiyu Silukia amaiguc mekemma imuarunec zéiciguc Kipuro amaiguc keñoc. ⁵Kemma Salami ama areña yandaiguc haréma Yuda ic ionac tocgotocgo amaiguc Anutuac ackuazéc énézéc. Wañu Yohanenéñ iriguc kecma méra érécmiyec. ⁶Konduñ baec komoc komoc sugginaiguc qericma kemma Pafo amaiguc keremma imuaru Yuda ic séwi galeñ Bayesu mihicñigic. Wañu ic imi Anutuac kua meme ic ikora. ⁷Wañu inéñ Baec galeñ mén Serigio Paulo i guc keroc. Serigio Paulo inéñ ninñaguc. Wañu inéñ Banaba zéma Saulo ururuma Anutuac ackuazéc nimmañ zé wañec. ⁸Wañu Elima zé mimia (Imuac hénia imi séwi galeñ.) inéñ hazéc wañ énécmima baec galeñ imi ninzén ninzén andé qema kemmac niñ seliseli wamma ézéc. ⁹Wañu Saulo qara mén Paulo inéñ Uña Téréyanéñ qeria sécgémiyu Elima imi héñ sosolima yomuhuc zéyec; ¹⁰Gi imi uña biriawac merac, iwawai dindiña moczoñ yanda imuac hazécya. Ikoc zéma manam batuc hénia hénia imi qerigaiguc kuaya qema hezac. Miñ Kewuac hénia dindiña imi meqariñ géanzañ. Haka biria imi ménda waiwésémañ me? ¹¹Imuac degucguc Miñ Kewuac mérianéñ guyu gi kic hilic wamma nalé sura imuhucgeñ gi kaiwe ménda hémbésémañ. Imuhuc zéyu nalé imuarunec doku wéséséya zéma siñi yandanéñ hoturumiyu mérayanéñ mezañ qezañ wamma keñha wamma méraya mema méra mimuac niñ wañec. ¹²Wañu baec galeñ néñ iwawai hicñiyec imi hémma ninzéngeyec. Wañu Miñ Kewunéñ imuhuc hénia kumiyu auriyec.

**Paulonéñ Pisidia Antiokia ama
areña yandaiguc Yuda ic buña
suruc hiabia énézéc.**

¹³Paulo zéma ichéra i guc momacnec keñha wañgic ienenj Pafo ama areña waima zéiciguc emma Pamfilia baec Perege amaiguc kerengic. Wañu baec imuaru Yohanenéñ wai énécmima Yerusalem amaiguc liliñgéma keñec. ¹⁴Keñu ienenj Perege ama igucnec keñkecma Pisidia baec Antiokia ama areña yandaiguc kemma kecgic Sabata ducñiyu tocgotocgo amaiguc emma tacgic. ¹⁵Wañu ienenj Moseac hénia ac zéma Anutuac tiliñ tiliñ ic ionac kiwi téréya imi oloñgic ama imuac galeñhéra ienenj ic tosara méli énécmima yomuhuc qesi énécmigic; Dacmuna hécnina, meseli nénécmimu zé ackuazéc mén nimma keczuiguc zégic niñni. ¹⁶Wañu Paulonéñ yacma méranéñ séséc wamma yomuhuc énézéc;

Israel ic zéma ic embac Anutu ee héihéi wammianzu ini ackuazéc zéwa niñgic. ¹⁷Israel ic neñañ Anutunéñ esañambéc hécnina gési

énécmiyec. Ieneŋ Izipte baeciguc ic kian kecgic, néŋ Anutunéŋ eegina héima kuha yandanéŋ onagicma hayec. ¹⁸Žéléŋ baeciguc yawuŋ 40 imuac séc hakagina biria hémma bisiqatéŋ waŋ énécmmima kecaŋec. ¹⁹Waŋu Kanaan baeciguc kisic areŋ yanda 7 unuhumuma ionac baec imi onac buŋa zéma wai énécmiyec. ²⁰(Moczonŋ toroqema zéwa yawuŋ 450 séc ic kian kecgic.) Imi tecgéyu zémindiŋ mindiŋi ic énécmiyu keŋ kecma Anutuac tiliŋ tiliŋ ic Samuelac naléya hayec. ²¹Waŋu ic kewu niŋac welecgcic Anutunéŋ Benzaminac qelihéra ionarunec Kisiac naŋa Saulo énécmiyu inéŋ yawuŋ 40 imuac séc galeŋgé énécmiyec. ²²Waŋu i auma Dawidi ic kewugina kumu énécmmima iwac ac yomuhuc zéyec; Ni Yesi naŋa Dawidi mihicŋiwa ewana kuneŋ yanda hemizac. Inéŋ mia ewa siŋna tohoma iwawai moczonŋ meselimac. ²³Waŋu Anutunéŋ ac zikiyec séc Dawidi iwac qelihéra ionarunec Israel ic neŋaŋaru aŋgéŋ titi ic Yesu méliyu hayec. ²⁴Waŋu Yesunéŋ sucninaiguc hiŋŋi asarimacac niŋ walac Yohanenéŋ ewa meleŋac doku naec haka imi Israel ic embac momac yanda zéau nénécmiyc. ²⁵Yohane i héna zémiyec séc titecgéma ic embac yomuhuc énézéyec; Ini nuac méré zéma ninzu? Ni Kristo qahac, néŋ andénaiguc hama keczac iminéŋ imi mia wanzac. Nidac imuhucyanéŋ héna usuyawac hésaya hulacmaŋac séc qahac.

²⁶Dac munahécna, Abarahamac qelihéra zéma ic embac Anutu ee héihéi wammianzu ini ac yomuac niŋgcic; Aŋgéŋ titiac gezac qézéŋ ac yomi nonac muru haiyu hayec. ²⁷Yerusalem imuac ic embachéra zéma ionac galeŋ hécgina eneŋ Yesu zéma Anutuac tiliŋ tiliŋ ic ionac ackuazéc Sabata nalé séc oloŋ niŋanzu imuac hénia imi ménda niŋasarigic. Hénia imuac niŋac Yesuac zéma késpedesiraguc zétecgégic Anutuac tiliŋ tiliŋ ic ionac ackuazéc imi hélaguc waŋec. ²⁸Ieneŋ késpedesira humucac sécyá ménda mihicŋigic, néŋ tinduc qehumumac niŋac Pilato welecmgic. ²⁹Imuhuc wamma kiwi téréyaiguc iwac niŋ ogic hezac imi moczonŋ wammidacgcic. Imuac andéyaiguc ic igucnec metecgéma hoc kifaŋaiguc haigic. ³⁰Waŋu Anutunéŋ humumia sugina igucnec i meqeliyec. ³¹Meqeliyu inéŋ ic embac sasala Galilaia baec igucnec Yerusalem keŋgcic ionac muru ai meme sasala hiŋŋi énécmiyec. Hiŋŋi énécmiyu ieneŋ ic embac ionac muru iwac héipuc ic wamma keczu. ³²Nini acguc zikiziki ac esaŋambéc hécnina énécmiyec imuac zéau énécmeziz. ³³Imi mia Anutunéŋ Yesu meyaru sisipac ac iminéŋ qelihécgina neŋaŋaru hélaguc wanzac. Imuac mia kiwi téréya Legic lépaya éréhéc imuaru ac yomuhuc ogic hezac; Gi imi nuac Naŋna. Neŋ degucmi mihicŋigéŋi. ³⁴Waŋu Anutunéŋ Yesu meqeliyu yaru andiaiguc muŋguc ménda houmacac niŋ imuac ara yomuhuc zéyec; Ni sisipac ac téréya Dawidiac muru meyi imi meseli énécmmiŋ. ³⁵Imuac Legic lépaya méŋiguc ac yomuhuc hezac; Gi icga téréya ménda waina houmac. ³⁶Waŋu Dawidinéŋ naléyaiguc Anutuac ewa siŋ tohoma ai metecgéma gau seli heyu esaŋambéc héra

ionac muru toroqema haigic houyec. ³⁷Waŋu ménŋ Anutunénŋ meqeliyec iminénŋ ménda houyec. ³⁸Imuac niŋac iwac murunec kápésic waiwaiac buŋ suruc hiabia imi zéauénécmiyu ninzu imi niŋasarimu. ³⁹Moseac hénac acnéŋ kápésic momac yanda imuarunec ménda mesolaŋi énécmiyec. Waŋu Yesuac niŋ wamma ninzénŋgégic séc yéwéria moczoŋ yanda igucnec metecgé énécmima kápésicgina qahac zéénécmimac. ⁴⁰Imuac niŋ Anutuac tilinŋ tilinŋ ic ionac ackuazéc zéráguc yomuhucyanénŋ onaru hélaguc ménda wammacac niŋ galeŋ memu. ⁴¹Ni onac naléginaiŋuc iwawai ménŋ memaŋ. Waŋu iwawai imi hémma énézégic ninzénŋgémuac séc qahac imuhucya. O! zédesi ic ini héŋqacgéma humuqai wammu.

⁴²Zéyu tecgéyu Paulo zéma Banaba tocgotocgo ama igucnec mamanecc naŋu ic eneŋ Sabata oumuac acguc ackuazéc imi nénézému zéma zégic. ⁴³Waŋu hénacoiriŋ imi héndénŋ amuma madacgic kecma Yuda ic sasala zéma ic embac tosara Anutu ee héihéi wammima Yuda ic ionac hénaciguc toroqegic ieneŋ sasala Paulo zéma Banaba méndac érécmigic iniguc ac zéma Anutuac ewa hiaiguc kecmu niŋ meseli énécmiyoc.

⁴⁴Waŋu Sabata muŋguc ducŋiyu ama imuac miŋina moczoŋ yanda Anutuac ackuazéc imi nimbiŋ zéma hadacgic. ⁴⁵Hagic Yuda ic ieneŋ inicgic nimbupuc kuaya qeénécmiyu Paulo ac mematiti wammima zébiri migic. ⁴⁶Imuhuc waŋgic Paulo zéma Banaba iereŋ kicginaiguc zénénŋgira ménda hiriyu yomuhuc énézéyoc; Anutuac ackuazéc imi walac Yuda ic onac muru énéc énézéyawac hezac, néŋ eŋaoc niŋgic ini kekec hémbénaŋa imuac buŋa wammuac séc qahac waŋu waizu. Imuac niŋ wai énécmima baera baera ic embac ionaru kembic. ⁴⁷Imuac mia Miŋ Kewunénŋ yomuhuc zénércmiyec; Neŋ baec tetecgia séc ic embac ionac aŋgéŋ titi niŋac iri ic enia ionac asacmararaŋ kumu érécmizua. ⁴⁸Imuhuc zéyic ic enia ieneŋ moczoŋ ac imi nimma ségiségi wamma Miŋ Kewuac ackuazéc ee héihéi wammigic. Waŋu kekec tetecgia qahac imuac buŋa wammu niŋ gési énécmiyec séc ninzénŋgégic. ⁴⁹Waŋu Miŋ Kewuac ackuazécnéŋ baec imuhucgeŋ saima keŋec. ⁵⁰Waŋu Yuda ic ieneŋ Paulo zéma Banaba urunesi waŋ érécmimu niŋac embac eŋeŋagina tosara Anutu ee héihéi wammiaŋgic ini zéma ama imuac ic kuneŋ ini hinocgé énécmigic baec imuacnec nesi érécmigic keŋoc. ⁵¹Kemma ic iereŋ hémma hénia niŋ asarimu niŋ sésécya wamma hénac titigiraiguc seitotoŋa qeyic mayuguc Ikonion ama areŋa yandaiguc keŋoc. ⁵²Keŋic Yesuac ai ic embac baec imuaru hicŋigic ieneŋ ewa hia zéma Uŋa Téréyanénŋ séccgé énécmiyec.

Ikonion ama areŋa yandaiguc ackuazéc zéyoc.

14 ¹Waŋu Ikonion ama areŋa yandaiguc Yuda ic onac tocgotocgo amaiguc emma ackuazéc imuhucyanec zéyic Yuda ic zéma Girik ic sasalanénŋ Yesu ninzénŋgégic. ²Waŋu Yuda ic tosara ackuazéc ménda

tohogic ienen ic enia tosara néndéj énécmigic ninzénj ninzénjac dacmuna nimbiri énécmigic. ³Imuac niñ nalé horua tocgotocgo ama imuaru kecma Miñ Kewuaru héima ackuazéc zénéngira ménda hiriyu zéauyoc. Zéauic Miñ Kewunéj séséc baec icnéj ménda memeya zéma kiwi welic welicgia hénia hénia méragiranéj memaoc niñ nanjé érécmima ackuazéc eñeya ewa hiawac nénécmimia imi measariyec. ⁴Wañu ama yanda imuac ic embac ienen méndéj amuma tosara Yuda ic iniguc, tosara Yesuac Mélíméli ic iniguc kecgcic. ⁵Wañu ic enia zéma Yuda ic ienen galenj hécginauc zébiri érécmima hocnéj uruwij zé usujnec harégic. ⁶Harégic niñtecgicma néngacma Likaonia baec Listera ama areña yanda yanda zéma Debe ama areña yanda zéma ama areña tosara lelecgéma heyec imuaru kenjoc. ⁷Kemma imuaru buña suruc hiabia énézýoc.

**Lisitera ama areña yandaiguc
Paulo zéma Banaba iorac niñ
Anutu zéérécmigic.**

⁸Wañu Listera ama areña yandaiguc ic ménj neñgocac héri qeria igucnec hénia éréhécyá séléc sélécgyia hicñima hénia kenjhaya qahac tacañec. ⁹Wañu Paulonéj ackuazéc zéyu nimma taru héñsosolima iwaru ninzénj ninzénja hafiya mehiaru mimacac séc hemizac imi niñtegirec. ¹⁰Niñtecgicma ac kucnec zéma yomuhuc ézýec; Gi hénaganéj tima héñgenjyec yacma nanna. Imuhuc zéyu inéj técgéma yacma kenjha wajec. ¹¹Wañu ic tuñ yanda ienen Paulonéj ai meyec imi hémma kuagina séc Likonia acginaiguc yomuhuc zégic; Anutu ierenj ic séwiguc wamma sucninaiguc mama hazaoc. ¹²Wañu ienen Banaba i Zeusi zémima Paulo i ac galenj kerec imuac niñ Hereme zémigic. ¹³Wañu ama yanda imuac séñganjenjiguc anutu Zeusi ac ocmuñ tarec. Taru imuac hofac oo icnéj burumakao zéma iwawai zuria mema ama areñj yandawac nagu yandaiguc hama ic embac iniguc lémbañ owij zé wañgic. ¹⁴Wañu Yesuac Mélíméli ic éréhécc Banaba zéma Paulo ierenj nimma malekugira muzurac gémaguc tuñ yanda sugginaiguc usujnec kemma qacma yomuhuc énézýoc; ¹⁵Ic mandac, ini némac niñ haka imuhucyá wanju? Niri imi ini éséc icnec. Nerenj imi ini iwawai héla qahac imuhucyá waima Anutu baec kurumenj zéma iwawai moczoñ imuac qerigiraiguc hezac imi zéyu hicñiyec i imi hénihéniaya zéma tetecgiaya qahac kecanzac iwac muru liliñgéma hamuac niñ ackuazéc imi énézézic. ¹⁶Anutunéj becnecc baec séc ic embac wai énécmiyu eñañ hénagina méndacma kenjha wañañgic. ¹⁷Wañu eñeya hénia imi ménda zéauyu asariyec me? Qahacgucnec. Hélaacnec zéasari énécmiyec. Inéj kia kaiwe énécmima héla memeyawac naléya meénécmima, goi héihéi énéczéyu héñañgic. Wañu nene yaka sasala mihicñi énécmima ségiségi yanda ewa qeriginaiguc tiénécmiyec. ¹⁸Ierenj ac imuhuc zéma ai yanda mema qetali énécmiyic lémbañ oérécmiawac ai imi waigic.

Paulo hocnéj héigic.

¹⁹Imuhuc wamma keríc Antiokia ama areña yanda zéma Ikonion ama areña yanda imuacnec Yuda ic ienej haréma ic embac énépésima Paulo hocnéj héigic. Héima niñgic humuyec ésécnec wañu ama yanda sénganğenigic héréma kemma giligic. ²⁰Wañu Yesuac ai ic ienej keremma lelecgéma nañgic imuarunec inéj yacma muñguc ama yandaiguc keremma heyec. Heyu ama gianañyu Banaba i guc Debe ama yandaiguc keñoc.

²¹Ama yanda imuaru buña suruc hiabia imi zéyic ic sasalanéj Yesuac tohotoho ic wañgic. Wañu imuarunec muñguc liliñgéma Lisitera zéma Ikonion zéma Antiokia ama areña yandaiguc keñoc. ²²Yesuac hénaríj ninzéj ninzéj niñselima kecmu zéma meseli énécmima yomuhuc zéyoc; Anutuac héñgalej ama areña yandaiguc kerembíj zé neñañ zéra béra kilej yanda mihicñiwiñ. ²³Zéyu tegéyu hénaríj tuña tuña séc galeñhécgina mihicñi énécmima nene zíkima zéwelecma ninzéj ninzéj miñina Miñ Kewuac muru onoporoc. ²⁴Wañu Pisidia baec qericma keñkecma Pamfilia baeciguc kereñoc. ²⁵Keremma Perege amaiguc buña suruc énézéma Atalia amaiguc hiñgaroc. ²⁶Imuarunec zéiciguc emma keñkecma Antiokia ama areña yandaiguc kereñoc. Ama imuaru mia becnecc doku naec ienej Anutuac ewa hiaiguc ai ic éréhéc imi oropocgic. ²⁷Keremma hénaríj tocgo énécmima Anutunéj nañgé érécmiyu ai meyic ic enia ionac nagu auénécmiyec imuac ac surucya moczoñ wañ énécmiyoc. ²⁸Wañu imuaru Yesuac hénaríj iniguc nalé horua keroc.

Paulo zéma Banaba iereñ ac eminimbiñ zé Yerusalem eñoc.

15 ¹Yuda baec igucnec ic tosara Antiokia ama areña yandaiguc mama hama ackuažéc ku énécmima yomuhuc zégic; Ini Moseac haka tohoma séwi taségina ménda hericmuiguc añgégina ménda timac. ²Imuhuc zégic Paulo zéma Banaba iereñ iniguc zéerj zéma wamma qeqetali yanda wañgic. Wañkecma yomuhuc acgina zíkima zégic; Paulo zéma Banaba iereñ ic tosara ionarunec iniguc eñawu Yesuac Mélíméli ic zéma galeñ tosara Yerusalem keczu ionac muru zézé qesiqesi ac imi mema kemmu. ³Imuhuc zéma hénaríj ienej méli énécmigic keñgic. Kemma Foinike zéma Samaria baec qericma kemma ic enia sasalanéj ewa qerigina meleñgic imuac suruc ninzéj ninzéj dacmuna énézégic. Zégic niñgic ionaru ewa hia kunej yanda hicñiyec. ⁴Wañu keñkecma Yerusalem kereñgic hénaríj héra zéma Yesuac Mélíméli ic zéma galeñhéra ienej zézé ségiségi wañ énécmigic. Wañu Anutunéj iniguc ai meyec imuac ac suruc moczoñ wañ énécmigic. ⁵Wañu ninzéj ninzéj dac muna tosara Farisaio tuñ ionarunecnéj yomuhuc ninzéñgéma zégic; Ic enia ionac séwi taségina hericma Moseac hena ac tohomuac niñ ku énécmiwiñac hezac.

Peteronéh ac énézéyec.

⁶Zégic Yesuac Mélíméli ic zéma galeŋ ieneŋ imuac ara zéwiŋ zéma eŋacnec tocgégic. ⁷Tocgéma ac sasala zézé qesiqesi waŋkecgicguc Peteronéh yacma yomuhuc énézéyec; Dac munahécna ini ninzu ésécnec Anutunéh ic enia ieneŋ nuac kuana igucnec ackuažéc imi nimma ninzéhégemu niŋac becarunec sucnina igucnec ni gésinéŋec. ⁸Waŋu qeri héhéŋ Anutunéh Yuda neŋaŋ niŋ waŋ nénécmiyec ésécnec ic enia ionac acguc Uŋa Téréya énécmima énépésiyec imi measari nénécmiyec. ⁹Inéh ninzéh ninzéhginanéŋ qerigina zuacénécmiyu ini zéma nini neŋac neŋac qahac wanžac. ¹⁰Imuac ini némac niŋac iwawai réwéria esaŋambéc hécnina zéma neŋaoc huabipianziŋ imi Yesuac hénaoriŋ ionac qacginaiguc haima Anutu batocgéwiŋ zé wanžu? ¹¹Nini zéma ic enia ini momacnec Miŋ Kewu Yesuac ewa hiawac aŋgéŋnina tiyu kecziŋ imi ni ninzéhégéza.

¹²Waŋu tocgégic ieneŋ acgina qaima eŋ tacma Banaba zéma Paulo iereŋ Anutunéh naŋgé érécmima ic enia ionac sugcinaiguc séséc ai zéma iwawai welic welicgia meyec imuac suruc waŋ énécmiyic nindacgic. ¹³Énézéyic tecgéyu Yakobonéh ac yomuhuc énézéyec; Dac munahécna acna zéwa niŋgic, ¹⁴Walac Anutunéh ic enia eŋeya buŋahéra wammu niŋac dimuhuc winini énécmiyec imi Simeonnéh nénézéyec. ¹⁵Anutuac tiliŋ tiliŋ ic ionac ackuažécnéŋ ai imi yomuhuc zéma naŋgézac; ¹⁶⁻¹⁷Ic munduŋa tosara, ic enia nuac qac buŋanaguc zéénécmimia imi moczoŋ Miŋ Kewu qac hoc wammimuac niŋ neŋ bianŋguc liliŋgéma hama Dawidiac ama zénzéhŋia, ama sauha muŋguc meyacgéma héi qelimaŋ. ¹⁸Miŋ Kewu iwawai imuhucya moczoŋ nénézéyu baec yomuac naléya hama keŋec imuac suraiguc baec ic neŋaŋ héŋgicac héŋanziŋ inéh mia ac imuhuc zézac; ¹⁹Imuac niŋ ni yomuhuc niŋgésima zéza; Ic enia Anutuac muru liliŋgéma hahaya ionac iwawai réwéria ménda énécmiwiŋ. ²⁰⁻²¹Moseac héna ac imi becarunec ama yanda séc zéaugic niŋanžu. Waŋu Sabata séc tocgotocgo amaya amayaiguc oloŋgic niŋanžu imuac niŋ ieneŋ nemu me imuac irehawac buŋa haihaiya imi zéma kaisero ai zéma yaŋ déméŋa mižicgéma qehumugic imi zéma sac imi waima lakec kecmu imuac sac kiwi oma énécmiwiŋ iminéŋ hia wammac.

Yerusalemnec kiwi haigic baec séc keŋec.

²²Waŋu Yesuac Mélíméli ic zéma galeŋ zéma hénaoriŋ momac yanda ieneŋ sugcina igucnec ic éréhéc Paulo zéma Banaba iriguc Antiokia ama areŋa yandaiguc méli énécmigic kemmu niŋ acgina zikima ninzéh ninzéh dacmuna ionac galeŋ Yuda Basaba zémimia imi zéma Sila gésiérécmigic. ²³Waŋu kiwi imi yomuhuc oma méraginaiguc haigic; Dac muna hécgina kecziŋ Yesuac Mélíméli

ic zéma galeŋ tosara nini ninzén ninzén dacmuna hécnina baec ménŋ Antiokia ama areŋa yanda zéma Siria ama yanda zéma Kilikia baeciguc kecŋu baec ménŋunec dacmuna ini zézé ségiségi waŋ énécmima kiwi yomi hai énécmizij. ²⁴Sucnina igucnec ic tosanenéŋ acnina ménda mema eŋ onaru hama ac énézéma qeri yéwéri meénécmigic imuhuc zégic niŋij. ²⁵^{25a} Waŋu nini ic éréhéc imi gési érécmima ala téŋgéŋ éréhécnina Banaba zéma Paulo, ²⁶Miŋ Kewunina Yesu Kristo iwac niŋ wamma kekecgira waiyoc ^{25b} iriguc momacnec méli énécmiwiŋ zé ewa momac wanziŋ. ²⁷Hénia imuac niŋ nini Yuda zéma Sila méli érécmiŋ hama kuagiranéŋ kiwi yomuac héipuc wamma énézémaoc. ²⁸Uŋa Téréya zéma nini iwawai tosara qahac, néŋ iwawai kileŋdac memeyawac séc yomi sac hai énécmiwiŋ niŋac ewa momac wanziŋ. ²⁹Nemu me imuac irehawac buŋa haihaiya imi zéma sac zéma kaisero zéma yaŋ déméŋa miŋzicgéma qehumugic imi waima imuacnec lakec kecmu. Ini iwawai imuacnec hia lakec kecmuac séc zéma ninzénzéŋij. Yaizézé waŋ énécmima imdacmi sac oénécmizij.

³⁰Haigic ieneŋ kiwi imi mema wai énécmima mekemma Antiokia ama areŋa yandaiguc keremma hénaoriŋ toco énécmima kiwi imi énécmigic. ³¹Énécmigic meme seli ac oma énécmigic imuac oloŋ niŋ wamma ségiségi waŋgic. ³²Waŋu Yuda zéma Sila iereŋ acguc Anutuac tiliŋ tiliŋ ic keroc imuac niŋ ac sasala zéma meseli énécmiyoc. ³³Waŋu iereŋ nalé tosara iniguc kericguc ninzén ninzén dac muna ieneŋ luae ac érézéma oropocgic keŋoc. Kemma méli érécmigic ionaru liliŋgéma keŋoc. ³⁴(Ménda hezac.)

Paulo zéma Banaba iereŋ méndéŋ amuyoc.

³⁵Paulo zéma Banaba iereŋ Antiokia ama areŋa yandaiguc toroqema kecma ic tosara iniguc momacnec Miŋ Kewuac ackuažéc ku énécmima zéaugic. ³⁶Ai meme tosara hama keŋu Paulonéŋ Banaba yomuhuc ézéyec; Nekaoc ama yanda tosara becneŋ Miŋ Kewuac ackuažéc zéauyic imuaru muŋguc liliŋgéma kemma ninzén ninzén dacmuna hécnina inicma dimuhuc kecŋu imi hémbiŋ. ³⁷Zéyu Banabanéŋ Yohane Mareko zémimia i wagiric eŋawu momacnec kemmu niŋ waŋec. ³⁸Waŋu Marekonéŋ becneŋ Pamfilia baeciguc wai érécmima ménda toroqema ai meyec. Imuac niŋ Paulonéŋ wagicma kemmac niŋ niŋu ménda sécgéyec. ³⁹Waŋu Banabaguc zéqeqetali yanda waŋkecma méndéŋ amuyoc. Méndemma Banabanéŋ Mareko wagicma zéic késama Kipuro amaiguc keŋoc. ⁴⁰Waŋu Paulonéŋ Sila megésiŋu ninzén ninzén dacmuna ieneŋ mériaŋ ac ézéma Miŋ Kewuac ewa hiaiguc oropocgic keŋoc. ⁴¹Kemma Siria zéma Kilikia baec qericma kemma Yesuac hénaoriŋ meseli énécmiyec.

Timoteonéŋ Paulo zéma Sila ioraru toroqeyec.

16 ¹Paulonéŋ keŋkecma Debe zéma Lisitera ama areŋa yandaiguc kereŋec. Waŋu Lisitera ama areŋa yanda imuaru Yesuac

tohotoho ic mén̄ kerec qara imi Timoteo. I nen̄gocya imi Yuda embac, n̄n̄ ninz̄én̄ ninz̄én̄ embac waɲec. Waɲu maɲgocya imi Girik ic. ²Lisitera z̄éma Ikonion ama areɲa yanda igucnec ninz̄én̄ ninz̄én̄ dac muna ieneɲ Timoteoac eeya héigic. ³Waɲu imuaru Yuda ic kemma kecgic ieneɲ iwac maɲgocya imi Girik ic imi nindacgic. Imuac niɲ Paulon̄én̄ i wagicma kemman̄ z̄é wamma iwac séwélaiguc séwi tasé hericheric haka wammiyec. ⁴Waɲu ama areɲa kuneɲ kuneɲ séc lelecgéma Yesuac Mélíméli ic z̄éma galeɲ eneɲ Yerusalemiguc ac z̄ikima h̄éna ac mema ogic imi tohomu niɲac énécmiyoc. ⁵Imuhuc wamma ai meyc h̄énaorin̄ ieneɲ ninz̄én̄ ninz̄én̄gina seligiyu kucgina mema kaiweya kaiweya z̄aɲgégina toroqema keɲec.

**Paulon̄én̄ Makedonia ic mén̄n̄n̄
tiliɲ tiliɲiguc wininiyu héɲec.**

⁶Waɲu Uɲa Téréyan̄én̄ Asia baeciguc ackuaz̄éc ménda z̄éaumuc niɲ énéz̄éyu Firigia z̄éma Galatia baec orogicma keɲgic. ⁷Keɲkecma Misia baec giɲgiɲaiguc keremma Bitinia baeciguc kerembiɲ z̄égic Yesuac Uɲan̄én̄ imuhucyanec oac ménda z̄éénécmiyec. ⁸Imuac ieneɲ Misia baec giɲgiɲanec keɲkecma Troa amaiguc mekeɲgic. ⁹Sin̄iyaiguc Paulon̄én̄ tiliɲ tiliɲiguc héɲu Makedonia ic mén̄n̄n̄n̄ iwaru wininima namma welecma yomuhuc z̄éyec; Gi doku qericma konduɲ néwécgeɲ Makedonia baeciguc hama méra nénécmiwésémaɲ. ¹⁰Paulon̄én̄ tiliɲtiliɲiguc s̄éséc h̄emma z̄éyu, Anutun̄én̄ ionac buɲa suruc hiabia énéz̄éwiɲ niɲ nénéz̄éz̄ac z̄éma ninz̄én̄géma nalé sosola qahac konduɲ qericma Makedonia kembiȳ niɲac z̄éréɲ qéréɲ waɲiɲ.

Maleku meme embac Lidia.

¹¹Z̄éiciguc emma Troa ama areɲa yanda imi waima qericma didiɲanec kemma Samotera konduɲ baec komociguc kereɲiɲ. Ama gianaɲiyu imuacnec keɲkecma Neapoli ama areɲa yandaiguc kereɲiɲ. ¹²Imuaru z̄éic igucnec mama keɲkecma Filipai ama areɲa yandaiguc kereɲiɲ. Filipai imi Makedonia imuac ama areɲa yanda tosara onogicma kuneɲgina wawaɲa. Roma ic eneɲ ama areɲa yanda imi aɲḡéɲ tima galeɲgéma kecgic. Waɲu ama areɲa yanda imuaru ai meme tosara keriȳ. ¹³Sabata ducɲiyu ama areɲ imuac n̄agu yanda séɲgaɲgeɲiguc doku mén̄ heyec imuaru z̄éwelec welecac tatarawac séc mén̄ hezac me qahac imi h̄embiɲ z̄éma keɲiɲ. Kemma imuaru tacma embac tocgoma tacgic ionac ackuaz̄éc énéz̄éiɲ. ¹⁴Waɲu niɲgic ionac sugcina igucnec embac mén̄ qara Lidia kerec. I imi maleku qouc qouc̄gia meme embac. Waɲu Tiatira ama yanda igucnec. In̄éɲ Anutu eh̄éih̄éi wammiaɲec. Waɲu Miɲ Kewun̄én̄ qeria mebéréɲgéyu ackuaz̄éc Paulon̄én̄ z̄éyec imuac wamma niɲec. ¹⁵Waɲu eɲeya z̄éma h̄éna géséh̄éra moczoɲ doku naec énécmi

nalé imuaru inéŋ amayaiguc héihéré nénécmima yomuhuc zéyec; Eneŋ mia nuac niŋgic ninzéhŋ ninzéhŋ embac wamma Miŋ Kewuac qeriaiguc keczaiguc hama nuac amaiguc tacyac wammu.

Paulo zéma Sila hésa amaiguc oropocgic.

¹⁶Nalé méŋu zéwelec welecac kawéiguc kembiŋ zé keŋkecni weleŋ qeqe embac méŋ kuwicyagucnéŋ mihicŋi nénécmiyec. Embac imi bianjac ac zéénécmima miŋhéra ionac soukiwa sasala mihicŋi énécmianŋec.

¹⁷Waŋu inéŋ mia Paulo zéma nini méndac nénécmima ac qacma yomuhuc zéyec; Ic yominéŋ Anutu eŋeŋa yanda iwac weleŋ qeqehéra kecma aŋgéhŋ titiac héna zéau énécmianzu. ¹⁸Kaiweya kaiweya imuhuc waŋ nénécmima keru ai meme sasala tecgéyec. Paulonéŋ niŋu aiya kileŋ yanda héricmiyu liliŋgéma kuwic yomuhuc ézéyec; Ni Yesu Kristoac qaraiguc gézézua, embac iwac qeria igucnec éréma kenna. Imuhuc zéyu imuarunec éréma keŋec. ¹⁹Waŋu weleŋ qeqe embac iwac miŋhéra ieneŋ soukiwa hia mihicŋimuac séc qahac waŋec imi héŋtegcima Paulo zéma Sila érépésima galeŋ mihicŋi énécmiwiŋ zé nénnagémba sombeŋiguc héré érécmima keŋgic. ²⁰Galeŋ ionacmuru héré érécmima yomuhuc zégic; Iereŋ Yuda icnéŋ amaninaiguc hama mebiri nénécmiyic qewelonŋ yanda mihicŋiziŋ. ²¹Waŋu haka méréra Roma ic neŋaŋ ménda wamma mema kekera imuac mia nénézézaoc. ²²Waŋu ic tuŋ yanda naŋgic ieneŋ naŋgé amuma momacnec hazéc ac waŋ érécmigic galeŋ ieneŋ séwi usugira hetec qetecgéma hihilocnéŋ urumu niŋac énézégic. ²³Zégic ieneŋ hihilocnéŋ kileŋ yanda urumaguc hésa amaiguc oropocma nagu meselima hiabianec awima nammac niŋ galeŋ meme ic ézégic. ²⁴Ézégic nimma hésa ama qeria méŋ suraiguc taczac imuaru oropocma hénagira ic kemaŋa dépaŋ yanda éréhéc imuac namuŋaiguc qatéyu kilanziyu heyoc.

**Hésa ama galeŋ meme ic doku
naec miyec.**

²⁵Siŋiya namuŋaiguc Paulo zéma Sila iereŋ Anutu legic héima zéwelec welec wammiyic hésa ic tosananéŋ imi niŋgic. ²⁶Waŋu élanzaŋnec naŋ yanda geriwigucnéŋ mema hésa amawac hénia mehiriyu hésa amawac naguya moczoŋ aŋgédarec. Waŋu ic momac yanda seŋ hésagina loloma madarec. ²⁷Waŋu galeŋ meme icnéŋ gau igucnec niŋqelima héŋu nagu aŋgéma nandaru hésa ic néŋgacdaczu imuhuc zéma nimma souya héréma eumaŋ zé waŋec. ²⁸Imuhuc wammaŋ zéyu Paulonéŋ qacma zéyec; Séwiga ménda mebirina nini moczoŋ you tacziŋ. ²⁹Waŋu galeŋ meme icnéŋ kifa niŋac qacma emma zénéŋa hiriyu Paulo zéma Sila iorac wéségiraiguc siggé érécmiyec. ³⁰Waŋu oragicma éréma qesiérécmima zéyec; Ic kewu éréhécna ni dimuhuc wamba Anutunéŋ aŋgéhŋna timac?

³¹ Zéyu ieren yomuhuc ézéyoc; Miñ Kewu Yesu ninzéngeña gi zéma héna géséhéca aŋgénina timac. ³² Wañu ieren i zéma héna géséhéra Miñ Kewuac ackuažéc énézéyoc. ³³ Éénézéyic galeñ meme icnéñ siñi imuaru nalé sosola qahac oragicma wizigira hicñiyec imi zuac érécmiyec. Wañu nalé sosola qahac eñeya zéma héna géséhéra doku naec énécmiyoc. ³⁴ Wañu i eñeyaoc ama qeriaiguc oropocma nene hai érécmiyec. Wañu i zéma hénagéshéra moczoñ hama Anutu ninzéngeñic imuac niñ ségiségi yanda wañec.

³⁵ Ama gianjiyu galeñ ieneñ ai ic tosara méli énécmigic hama yomuhuc ézégic; Ic éréhéc imi hulac érécmína. ³⁶ Zégic galeñ meme icnéñ nimma Paulo yomuhuc ézéyec; Galeñ éréhécna ieneñ ai ic tosara méli énécmigic hama hulac érécmína zézu imuac iri ewa bénzénj nimma kemmaoc. ³⁷ Zéyu Paulonéñ yomuhuc ézéyec; Niri Roma ic kecžic wañu késpedesicnina ménda zétecgéma ic tuñ yanda kicginaiguc eñ nuruma hésa amaiguc noropocgic. Wañu deguc élén méli nérécmiwiñ zé wanžu? Imuhuc qahac, eñaoc hama noragicgic kembij. ³⁸ Wañu ai ic ieneñ liliñgéma kemma galeñ énézégic. Énézégic ieneñ ic éréhéc imi Roma ic wanžaoc imi niñasarima aurigic. ³⁹ Aurima ic éréhéc mebélacgé érécmiwiñ zé iorac muru hama hésa ama igucnec oragicma éréma ama areña yanda imi waima kemmaoc niñ érézégic. ⁴⁰ Wañu ieren hésa ama igucnec éréma duña Lidia iwac amaiguc kemma imuaru Yesuac ninzénj ninzénj dac muna inicma meseli énécmimaguc ama yanda imi waima keñoc.

Paulo zéma Sila ieren Tesalonika ama areña yandaiguc keñoc.

17 ¹ Wañu Paulo zéma Sila ieren Amfipoli zéma Apolonia ama areña yanda orogicma Tesalonika ama areña yandaiguc kereñoc. Wañu imuaru Yuda ic onac togotocgo ama ménj tarec. ² Wañu Paulonéñ hakaya méndacma togotocgo amaiguc emma Sabata haréwéc séc iniguc kiwi téréya olomma eminiñgic. ³ Imuhuc wamma hénia zéasarima héipuc wamma yomuhuc zéyec; Kristo i qenzeñ manzeñ qema humuma humuc igucnec yacmac niñac kiwi téréyaiguc ogic hezac. Wañu ni énézéanzua Yesu iminéñ Kristo wanžac. ⁴ Zéyu sugginaiguc tosara zéma Girik ic tuñ yanda Anutu ehéihéi wammiañgic imi eneñ zéma embac eñeña éréhécdac qahac, néñ sasala momacnec ninzéngeña Paulo zéma Sila iorac muru toroqegic. ⁵ Wañu Yuda ic eneñ nimbupuc niñ érécmima nénnagémba sombenjiguc kemma kaižiliweñ ic tosara onagicma tuñginaguc wamma hénima ama areña yanda qeriaiguc qeweloñ yanda wañgic. Wañu Paulo zéma Sila miñicñi érécmima ic embac sugginaiguc héréma kemma oropocbiñ zé Yasonac amaiguc usuñnec keñgic. ⁶ Wañu ménda miñicñi érécmigic. Imuac niñ Yason zéma ninzénj ninzénj dacmuna tosara énépésima unuruma ama galeñ ionac wéséginaiguc kemma qacma zégic; Baera baera ic embac ionac qerigina mesoho énécmianžaoc imi

ereṅ mia nonac muru hayoc. ⁷Hayic Yasonnéṅ héihéré érécmiyecac érécmima keczac. Ieneṅ Roma ic kewuac ac logima Ic kewu mén keczac, imi mia Yesu zéanzaoc. ⁸Zéyic ama areṅa yanda ichéra zéma galeṅ ieneṅ ac imi nimma qewelonṅ yanda waṅṅic. ⁹Waṅu galeṅ eneṅ Yason zéma alahéra ionac murunec soukiwa mema oropocṅic keṅoc.

Paulo i Berea ama areṅa yandaiguc ackuazéc énézéyec.

¹⁰Waṅu siṅiyaiguc ninzéhṅ ninzéhṅ dac muna ieneṅ Paulo zéma Sila méli érécmigic Berea tauṅṅic kemma Yuda ic ionac tocgotocgo amaiguc eṅoc. ¹¹Waṅu Berea ama areṅa yanda miṅina ionac hakagina imi Tesalonika ama areṅa yanda miṅina ionac hakagina ogicma bénzéhṅa waṅec. Imuac ackuazéc imi siṅa nimma késama aṅgéhṅ tigiṅ. Aṅgéhṅ tima acgira imi hélacnec me deic zéma kaiweya kaiweya kiwi téréya imi olomma niṅgésigic. ¹²Imuhuc wamma ionarunec sasalanéhṅ ninzégégic. Waṅu Girik embac eṅeṅa zéma Girik ic embac efefia qahac, néṅ sasala ninzégégic. ¹³Yuda ic Tesalonika ama areṅa yanda igucnec ieneṅ Paulonéhṅ Berea ama areṅa yandaiguc acguc Anutuac ackuazéc zéauyec imi nimma Berea ama areṅ yandaiguc hama imuac miṅina qeriginaiguc netu énécmima aigira qerí qaoṅ qeénécmima yéwéri mihicṅi énécmigic. ¹⁴Imuhuc waṅṅic ninzéhṅ ninzéhṅ dac muna ieneṅ Paulo konduṅ heyec imuhucgeṅ lakec kemma kecmac niṅac mélimigic. Waṅu Sila zéma Timoteo iereṅ imuaru¹ waima keroc. ¹⁵Waṅu ic tosara ieneṅ Paulo wagicma Aten ama areṅa yanda tarec imuhucgeṅ lakec keṅṅic. Waṅu Paulonéhṅ Sila zéma Timoteo eṅeṅa muru foc méli érécmigic hamaoc niṅ énézéyu gezac qézéhṅ ac imi mema liliṅéma keṅṅic.

**Paulonéhṅ Aten ama areṅa yanda yandaiguc
buṅa suruc hiabia énézéyec.**

¹⁶Waṅu Paulo i Aten ama areṅa yandaiguc iorac mambéc tac kecmá ama areṅa yanda imuac qeriaiguc baniara sasala naṅṅic hémma qeri geric waṅec. ¹⁷Waṅu Yuda ic onac tocgotocgo amaiguc Yuda ic zéma Girik ic tosara Anutu ehéihéi wammianzu ionac ackuazéc énézéyec. Waṅu nénnagémba sombeṅiguc kaiweya kaiweya ic mihicṅi énécmiyec séc imuhuc waṅ énécmiyec. ¹⁸Waṅu Epikue niniṅ ic zéma Stoike niniṅ ic ieneṅ acguc i guc ac eminiṅṅic. Waṅu Paulonéhṅ Yesu zéma humuc igucnec yacyac imuac ac zéyec. Imuac niṅ tosanéhṅ Pauloc niṅ kua doku ic yominéhṅ néma ac zémaṅ zé wanzac me imuhuc zégic. Waṅu tosanéhṅ ic yomi mia baec méṅac nemu mérérawac suruc zézac gezaṅ imuhuc zégic. ¹⁹Imuhuc zéma Areopago kaunsol sombeṅiguc wagicma kemma zégic; Iwawai qelia zézaṅ imi nini hia niṅareṅ géwiṅac séc wanzac me? ²⁰Geṅ

¹ 17:14 Berea ama areṅa yandaiguc.

ackuažéc méréra zéna ninziŋ imuac héniaŋa nimbiŋ zé wanziŋ. ²¹Imi mia Aten ic zéma ic kiaŋ imuaru kecgic ieneŋ ac méréra nimma ac imuacnec zéma zé wamma naléŋina auanŋic imuac niŋ imuhuc qesimigic.

Miŋ Kewu mérérawac hénia énézéyec.

²²Waŋu Paulo imi Areopago kaunsol sombenŋ yanda namuŋaiguc namma ic yomuhuc énézéyec; Aten ic mandac, ni yomuhuc hémma ninzua, Ini mepé qepési ic keczu. Iwawai moczoŋ yanda mepési énécmianzu. ²³Ni ama areŋa yandagina imi lelecgéma kicna hima onac mepé qepésiac iwawai inicba zaki téréya méŋiguc kiwi yomuhuc heyu olonzua; Nemu méréra ménda ninziŋ iwac zaki téréya. Deguc ni nemu méréra ménda nimma mepésimianzu, i énézéwa niŋtecgicmu. ²⁴Anutu baec kurumeŋ zéma imuac qeriaiguc iwawai momac yanda hezac imi zéyu hicŋidarec inéŋ mia baec kurumeŋ imuac miŋina keczac imuac niŋ inéŋ ocmuŋ téréya méraninanéŋ memeya imuac qeriaiguc ménda kecanzac. ²⁵Waŋu I eŋeyaoc ic embac moczoŋ yanda kekec zéma wésésé zéma iwawai moczoŋ yanda nénécmianzac imuac niŋ iwawai méŋ niŋac waŋu méraninanéŋ haimiwiŋac séc qahac. ²⁶Inéŋ ic momacguc mihiçjima iwarunec ic tuŋa tuŋa hicjima kemma baec séc kecmuac niŋ ézéyec. Waŋu nalénina zéma kekecac qaŋaŋ sililicnina zénénécmiyec. ²⁷Imi mia ic neŋaŋ iwac niŋ wamma qerininanéŋ mété qététaŋ wamma kemma Anutu eŋeya mihiçjiwiŋ niŋac nimma imuhuc waŋec. Waŋu inéŋ ic momac momac neŋaŋ murunec lakec ménda kecanzac.

²⁸Neŋaoc iwac kuhaiguc kekec wamma keŋha waŋanziŋ. Onac legic zéra meme ic tosaraneŋ yomuhuc zégic; Neŋaŋ Anutuac qelihéra. ²⁹Imuhucyanec Anutuac qelihéra kecziŋ imuac niŋ Anutuac ninni goli me siliwa me hocnéŋ niniŋnina tohoma irec ooya méndacma meyacgéanzŋiŋ séc ménda wammac. ³⁰Anutunéŋ ménda nimma kekecac naléyaiguc ménda ninicma tuambuam waŋec. Waŋu deguc mia baec séc ic momac yanda qerinina melembiŋ niŋac nénézézac. ³¹Anutunéŋ baec ic embac solaŋanec gési nénécmimaŋ zé naléya meyecac heyu ic méŋ ai imi mia memac niŋac kumuyec. Waŋu ic imi mia humuc igucnec meqelima héipuc yanda baec ic moczoŋ ninzéŋgémuac sécy a nénécmiyec.

³²Paulonéŋ imuhuc zéyu ic tosaraneŋ humuc igucnec yacyac imuac zédesi waŋgic. Waŋu tosaraneŋ nalé méŋac ac suruc imuac muŋguc zéna nimbiŋ imuhuc zégic. ³³Imuhuc waŋgic Paulonéŋ wai énécmima keŋec. ³⁴Ic sasala qahac, néŋ tosara Paulo ala wammima ninzéŋgéŋgic. Ionarunec éréhéc imi Areopagoac gésigési ic Dionisio zéma embac Damari, waŋu tosara méŋ kecgic.

Paulo inéŋ Korinti ama areŋa yandaiguc ackuažéc ai meyec.

18 ¹Imuac andiaiguc Paulonéŋ Aten ama areŋa yanda waima Korinti ama areŋa yandaiguc keŋec. ²Imuaru Yuda ic méŋ mihiçjiyec, qara imi

Akila. I Ponto baeciguc hicriyec. Ic kewu Klaudionéŋ Yuda ic imi Roma ama areŋa yanda waima kemmu niŋac énézéyec. Imuac niŋ inéŋ iniŋa Priskilaguc^m Italia baec igucnec Korinti ama areŋa yandaiguc qelia hayoc. Waŋu Paulonéŋ iricmaŋ zé keŋec. ³Iereŋ imi aigira momacguc imuac niŋ momacnec kecma ai meyoc. Waŋu iereŋ yaŋ séwélanéŋ sel meyacgéyu boŋ mearoc. ⁴Waŋu Paulo i Sabata nalé séc Yuda ic ionac tocgotocgo amaiguc emma Yuda ic zéma Girik ic iniguc ac eminimma meme seli ac waŋ énécmiaŋec.

⁵Waŋu Sila zéma Timoteo iereŋ Makedonia waima hayoc. Nalé imuaru ackuazécnéŋ Paulo késayu ewa moczoŋnec Yesu imi Kristo téŋgéŋ zéma imuac héipuc wamma Yuda ic zéasari énécmiyec. ⁶Waŋu Yuda ic ieneŋ hazéc wammima zébiri migic séséc wamma séwi usuya miminŋzaliyu seitotoŋa mayu yomuhuc énézéyec; Onac sacnéŋ onac orucginaiguc liliŋgéma hamac, néŋ ni aina mema solananiwa késpedesna qahac wanŋac.ⁿ Degucmuacnec ni ic enia ionac muru kemmaŋ. ⁷Waŋu tocgotocgo ama imi waima ic méŋ Anutu mepésianŋac qara Titio Yusito iwac amaiguc emma tacyac waŋec. Amaya imi tocgotocgo ama imuac maréŋaiguc tarec. ⁸Waŋu tocgotocgo amawac galeŋ qara Krispo zéma héna géséhéra ieneŋ ackuazéc nimma Miŋ Kewu ninzégégic. Waŋu Korinti ic ionarunec sasalanéŋ acguc Pauloac ara nimma ninzéŋgéma doku naecgic. ⁹Waŋu siŋi méŋiguc Miŋ Kewunéŋ Paulo tilinŋ tilinŋiguc hicriŋimima yomuhuc ézéyec; Gi zénéŋga ménda hiriyu ac imi ménda waima zéwésémaŋ. ¹⁰Ni giguc kecanzua imuac niŋ ic méŋnéŋ méŋ gumebiri ménda waŋgémmac. Ama areŋa kuney yanda yomuaru nuac ic embac sasala kecŋu. ¹¹Imuhuc ézéyu Paulonéŋ ama imuaru toroqema kecma Anutuac ackuazéc ku énécmima keru yawuŋ momacguc zéma emma maso 6 mahayec.

¹²Waŋu Galionéŋ Akaiia baeciguc baec galeŋ yanda waŋec. Nalé imuaru Yuda ic ieneŋ zikiamuma Paulo hazéc wammima baec galeŋac muru wagicma keŋgic. ¹³Kemma yomuhuc zégic; Ic yomi héna acnina logima héna méréraiguc tima ic embac Anutu mepésimimu niŋac zéhinocgé énécmianŋac. ¹⁴Waŋu Paulonéŋ ac zémaŋ zé waŋu Galionéŋ Yuda ic yomuhuc énézéyec; Ini Yuda ic, kaiziliweŋ me haka biria niŋac zézuiguc neŋ acgina niŋénécmimaŋac hezac. ¹⁵Néŋ eŋaŋ ackuazéc me qac méŋ me héna ac imuhucyawac ara wanŋuiguc eŋaoc zémindinŋimu. Ni iwawai imuhucyawac niŋgésimaŋ zé wammaŋac ménda ninzua. ¹⁶Imuhuc zéma nesi énécmiyu magic. ¹⁷Waŋu ieneŋ momac yanda tocgotocgo amawac galeŋ Sositene wagicma baec galeŋac kiwaiguc qehéi wammigic. Waŋu baec galeŋ Galionéŋ inicma ewa éréhéc ménda waŋec.

Paulonéŋ Antiokia ama areŋa yandaiguc liliŋgéma hayec.

¹⁸Paulonéŋ Korinti ama areŋa yandaiguc ai meme sasala méŋ kecmaguc ninzéŋ ninzéŋ dac muna wai énécmima zéiciguc Siria

^m 18:2 Me Priska. ⁿ 18:6 E3k 3:18

baeciguc keŋec. Waŋu Priskila zéma Akila iereŋ i guc momacnec keŋgic. Waŋu zézé selia niŋac zéiciguc embiŋ zéma Korinti ama areŋa yanda Keŋkereaiguc oruc zucya merirec. ¹⁹Waŋu Efeso ama areŋa yandaiguc keremma Paulo ic tosara momacnec keŋgic ini imuaru wai énécmimaŋ zé eŋeyaoc Yuda ic ionac tocgotocgo amaiguc emma iniguc ackuaazéc eminiŋ waŋgic. ²⁰Waŋu ic sasalanéŋ eŋaŋguc nalé horua méŋ kecmac niŋac welecgic, néŋ ménda niŋénécmiyec. ²¹Waŋu Anutuac ewa siŋ imuac heyu onaru muŋguc lilingémaŋ imuhuc zéma zéiciguc emma Efeso ama areŋa yanda imi waima keŋec. ²²Keŋkecma Kaisarea zéic alawac ama areŋa yandaiguc kereŋec. Imuaru élélahaiguc ekemma Yesuac hénaoŋiŋ héra yaizézé ac waŋ énécmima Antiokia ama areŋa yandaiguc keŋec.

²³Imuaru komora kecmaguc muŋguc waima Galatia zéma Firigia baec orocgicma Yesuac héihéré énécmimia momac yanda meseli énécmima keŋec.

Apolonéŋ Efeso ama areŋa yandaiguc ackuaazéc énézéyec.

²⁴Waŋu Efeso ama areŋa yandaiguc Yuda ic méŋ hayec, qara imi Apolo. Imi Aleksandria ama areŋa yandaiguc hiŋŋiyec. Ic imi nininŋ yandayaguc, kiwi téréya hia niŋareŋ gédaŋec. ²⁵Inéŋ Miŋ Kewuac hénac ac zégic niŋareŋgéma ewa moczoŋnec Yesuac ac suruc dindiŋanec ku énécmiaŋec. Néŋ ic imi Yohaneac doku naec haka sac niŋec. ²⁶Inéŋ Yuda ic ionac tocgotocgo amaiguc ackuaazéc zénéŋa ménda hiriŋu hénima zéyec. Zéyu Priskila zéma Akila iereŋ zézéya nimmaguc i amagiraiguc héihéré mima Anutuac hénac muŋguc yanda zéasarimiyoc. ²⁷^{27a} Waŋu Apolonéŋ Akaia baeciguc kemmaŋ zé waŋu ninzéŋ ninzéŋ dac muna ieneŋ meme seli ac wammima ninzéŋ ninzéŋ dacmuna imuaru keczu ieneŋ Apolo hérémimuac niŋac énézéwiŋ zé ionac muru kiwi oma migic késama keŋec. ²⁸Kemma Korinti ama areŋa yandaiguc keremma kiwi téréya héiqelima Yesu imi Kristo waŋzac imuac héipuc wamma ic embac ionac kicginaiguc kuhaguc zéauma Yuda ic ionac ac memamiyec. ^{27b} Imuac niŋ ic embac Anutuac ewa hia niŋac ninzéŋgéic ionac méŋguc yanda méra énécmiyec.

Paulonéŋ Efeso ama areŋa yandaiguc Yohane mihiŋiyec.

19 ¹Apolonéŋ i Korinti ama areŋa yandaiguc kerunec Paulonéŋ huanŋeŋ baec waŋgoŋa Saut iguc keŋkecma Efeso ama areŋa yandaiguc keremma Yesuac tohotoho ic tosara mihiŋi énécmiyec. ²Waŋu inéŋ yomuhuc qesiénécmiyec, Ini ninzéŋgéic nalé imuaru Uŋa Téréyaguc waŋgic me qahac? Zéyu zégic, Qahac, Uŋa Téréya keczac imuac buŋa méŋ méndaŋucnec niŋiŋ. ³Imuhuc zégic muŋguc qesiénécmiyec; Ini némac doku naecgic? Zéyu zégic; Yohaneac doku. ⁴Zégic Paulonéŋ yomuhuc énézéyec; Yohanenéŋ ewa melenŋ melenŋac doku

naec énécmima ic embac yomuhuc énézéyec; Andénaiguc hama keczac i ninzénégému. Waŋu ac imi Yesuac niŋ mia imuhuc zéyec. ⁵Ic eneŋ ac imi nimma Miŋ Kewu Yesuac qaraiguc doku naecgic. ⁶Waŋu Paulonéŋ orucginaiguc méria haiyec nalé imuaru Uŋa Téréyanéŋ ionaru mayu ac méréra zéma andiawac ac momacnec zégic. ⁷Waŋu ic zaŋgégina imi 12 éscnec waŋec.

⁸Waŋu Paulonéŋ Yuda ic ionac tocgotocgo amaiguc nalé séc emma, ackuažéc zénéŋa ménda hiriyu énézéma, maso haréwéc séc Anutuac héŋgaleŋ ama areŋa yandayawac énézéma, meseli énécmima kerec. ⁹Waŋu ic tosara eneŋ ewa seli wamma ménda tohoma ic embac kicginaiguc héna imi zébirigic. Waŋu Paulonéŋ wai énécmima tohotoho ic tosara onagicma kemma Tirano kiwi téréyawac amaiguc kaiweya kaiweya ackuažéc ku énécmiyec. ¹⁰Ai yawuŋ éréhéç imuhuc wamma keru Yuda ic zéma Girik ic Asia baeciguc kecçu ieneŋ moczoŋ Miŋ Kewuac ackuažéc nindacgic.

¹¹Waŋu Anutunéŋ Paulo naŋgémima iwarunec kiwi baec icnéŋ ménda memeya ogicqogicma sasala meyec. ¹²Waŋu ic eneŋ séwi kereŋ tosara zéma ai memeyawac séwi usu tosara mema hama Pauloac séwiyaiuguc osima mema kemma haŋi ic ionac qacginu haigic hiarugic. Waŋu kuwic acguc wai énécmima néŋgacgic. ¹³Waŋu Yuda ic tosara baec séc lelegéma méra kiwi meaŋgic ieneŋ batucgéma Yesuac qaraiguc kuwicginaguc yomuhuc énézéçic; Paulo zéanzac Yesu iwac qaraiguc énézéçua, éréma keŋgic. ¹⁴Yuda ic hofac oo ic kiwa ménŋ qara Sikewa iwac naŋhéra 7 ieneŋ imuhuc mia waŋgic. ¹⁵Waŋu kuwicnéŋ ac yomuhuc meleŋ énécmiyec; Yesu ninzua, waŋu Paulo i ninzua, waŋu ini méré ic? ¹⁶Imuhuc zéma kuwicyagucnéŋ merac éréhéç momacnec qacgiraiguc téçgéma emma uruqéfac qéfac waŋ éréçmiyu wiziginaguc wamma katanec ama qeria igucnec mama néŋgacgic. ¹⁷Waŋu haka imuac boŋa Efeso ama areŋa yandaiguc Yuda ic zéma Girik ic ieneŋ nindacma zénéŋgina hiriyu Miŋ Kewu Yesuac qara ehéihéi wammigic. ¹⁸Waŋu ninzénégéçic ieneŋ sasala haréma wawaŋ memegina biria zéaudacgic. ¹⁹Waŋu ic tosara méra kiwi meaŋgic ieneŋ imuac kiwi papia mutulaŋgéma mema hama ic embac kicginaiguc gericiguc haigic zedarec. Waŋu kiwi imuac boŋa toroqegic siliwa gocmia^o 50,000 ogirec. ²⁰Imuhuc waŋgic Miŋ Kewuac ackuažécnéŋ kuhaguc yacma saiyec.

Paulonéŋ Yerusalem kemmac niŋac zéréŋqéréŋ waŋec.

²¹Héla imuhuc hicŋidaruguc Paulonéŋ Makedonia zéma Akaia baec orogicma Yerusalem kemmaŋ zé ewayanéŋ niŋselima yomuhuc zéyec; Ni

^o 19:19 Siliwa gocmia momacguc imi ai ic ménŋac ai meme momacgucac ai boŋa waŋzac.

Yerusalem keremmaguc bianꝓuc Roma ama areña yanda acꝓuc hémman ꝓé wanꝓua. ²² Wañu ic méra migic ionarunec éréhéc Timoteo ꝓéma Erasito iereñ Makedonia baeciguc kemmaoc niñac méli érécmiyec. Wañu i eñeya Asia baeciguc nalé komodia mén toroqema kerec.

**Efeso ama areña yandaiguc
qeweloñ yanda hicñiyec.**

²³ Wañu nalé imuaru Efeso ama areña yandaiguc héna ac imuac niñ hétén efefia qahac, néñ hétén yanda hicñiyec. ²⁴ Surucya imi yomuhuc; Ic mén siliwanén iwawai meyacgéma kerec, qara imi Demetirio. Ic inén nemu Atemiac^p ocmuñ imi siliwanén meyacgéma soukiwa efefia qahac, néñ kuneñ yanda ai momachéra mihicñi énécmianꝓec. ²⁵ Wañu inén ai ichéra ꝓéma ai momachéra toꝓo énécmima yomuhuc énézéyec; Ic mandac, ini ainina iminéñ mia soukiwa yanda mihicñi nénécmianꝓac imi niñꝓu. ²⁶ Wañu Paulonén Efeso ama areña yanda ꝓéma Asia baec tosara igucnec ic embac zénañgé énécmima yomuhuc zéanꝓac; Iwawai ic méranén memeya imi Anutu héla qahac. ²⁷ Imuhuc wañkeru nénnagémba aininawac qara imi qahac wambac niñac. Imi sac qahac, embac nemu yandanina Atemi iwac ocmuñ imi mamaya wañu, Asia baec igucnec ꝓéma baec tosia igucnec ic momac yanda ehéihéi wammianꝓu imi imuhucyanec qahac wambac niñac.

²⁸ Demetirionén ac imuhuc énézéyú nimma qeriginaiguc héribiric kuaya qeyu kucnec qacma yomuhuc zégic; Efeso ic neñañ Atemi i eñeña yanda! ²⁹ Imuhuc zégic nalé sosola qahac wañu ama areña yanda séc hétén yanda imi sécgéma kendarec. Wañu Makedonia ic éréhéc Gaio ꝓéma Aristako Pauloguc momacnec keñha wañanꝓic i iri imi érépésima héré érécmima mocꝓoñ yanda séséc memeac aꝓoꝓoro ama kuneñ yandaiguc usuñnec keñꝓic. ³⁰ Wañu Paulonén nimma sugcinaiguc kemman ꝓéyú tohotoho ic ieneñ neuñ héimigic. ³¹ Imi sac qahac Asia baec yanda imuac ai ic eñeña tosara Pauloac alahéra keꝓcic ieneñ aꝓoꝓoroiguc ménda kemmac niñac kiwi oma haigic iwaru keñec. ³² Wañu aꝓoꝓoroiguc ic eneñ ewagina meemma ac imuhucya imuhucya ꝓéma qeweloñ yanda wañꝓic acgina sohodaru ic sasala yanda imi némac niñ toꝓgéꝓic hénia imi ménda niñasarigic. ³³ Wañu Yuda ic ieneñ alagina mén qara Aleksande nañgémigic ou wéséginaiguc emma namma Paulo imi Yuda ic, néñ hazécnina wanꝓac ꝓéma yéwéri imi zémindiñiman ꝓé acgina qaimac niñac méranén séséc wañ énécmiyec.^q ³⁴ Wañu ic ieneñ ic imi Yuda ic wanꝓac imi héñꝓegicma kuagina séc qacma kaiwe kiwa

P 19:24 Anutu embara Daianawac qara. **¶ 19:33** Yuda ic eneñ Paulo ꝓéma Kristoac hénarioñ niñac hazéc mihicñiwíñ niñac zénéñgina hiriyu Pauloguc ewa momac ménda wanꝓu hénia imi zéasari énécmiwíñ ꝓé imuhuc batucgéꝓic.

2 aua séc yomuhuc zéma naŋgic; Efeso ic neŋaŋ Atemi i eŋeŋa yanda!
³⁵ Imuhuc waŋkecgic tauŋ imuac kiwi oo ic inéŋ ic melanŋi énécmima yomuhuc énézéyec; Efeso ic mandac, Efeso ama areŋa yanda miŋinanéŋ Atemi yanda ninawac ocmuŋ zéma baniara kurumeŋ igucnec mamaya imuac awiawi ic kecaŋziŋ imi baec séc ic embac moczoŋ nindaczu.
³⁶ Iwawai imi qaecgé mimiawac séc qahac. Imuac niŋ ini qerigina kugic mayu haka sicsaocya mén ménda wammu. ³⁷ Ic énépésima hazu yomi eneŋ embac nemuninawac ocmuŋ igucnec iwawai mén kowu ménda megic. Waŋu nonac embac nemu ménda zébirimigic. ³⁸ Waŋu Demetirio zéma ai ichéra ieneŋ ic ménac ara késa kecziugic kápésic zézé naléya zéma baec galeŋgina he énécmizaoc imuac niŋ imuac gésigési amaiguc aciguc opocamumu. ³⁹ Waŋu ac tosara mén hezaciguc kua meme ic aŋoazoroiguc mema kemma zétecgému. ⁴⁰ Nini aŋoazoro yanda héniya qahac yomuac niŋac yéwéri mihicŋiziŋ. Ic kewu yandanéŋ nimma hétéŋ yanda niŋac ac zé nénécmiwac niŋac. Qesi nénécmimaciguc nini aŋoazoro héna ac logilogiya yomuac ac bakia mén owiŋac séc qahac wammac. ⁴¹ Imuhuc zéyu tecgéyu méli énécmiyu kendacgic.

Paulo i Makedonia zéma Akaia baeciguc keŋec.

20 ¹ Ac hétéŋ yanda imi qahac waŋu Paulonéŋ tohotoho ic unuruma meme seli ac énézéma wai énécmima Makedonia baeciguc keŋec. ² Baec imi ogicma tohotoho ic ac sasala énézéma meseli énécmima keŋkecma Girik baeciguc kereŋec. ³ Imuaru maso haréwéc kecma zéic késama Siria amaiguc kemmaŋ zé waŋu Yuda ic ieneŋ Paulo qewiŋ zéma ac saŋec zégic niŋtegicma Makedonia baeciguc muŋguc liliŋéma kemmaŋ zé niŋseliyec. ⁴ Waŋu ic tosara i guc momacnec Asia baeciguc keŋgic imi yomuhuc; Berea ic Piroac naŋa Sopatero, Desalonika ic Aristako zéma Sekundo, Debe ic Gaio, waŋu Timoteo, waŋu Asia ic Tikiko zéma Tirofimo. ⁵ Ic imi ieneŋ walac kemma Troa ama areŋa yandaiguc keremma mambéc nénécmima tacgic. ⁶ Nini saméŋ yisya qahac imuac kendoŋ tecgéyu Filipi ama areŋa yanda waima zéiciguc kaiwe méra mén keŋkecma Troa ama areŋa yanda miŋina ionac muru keremma imuaru ai meme 7 kerij.

Paulo i Troa ama areŋa yandaiguc merac mén mehiaruyec.

⁷ Sabata tecgéyu Sondaiguc saméŋ newiŋ zéma tocgéiŋ. Waŋu Paulonéŋ ama gianiŋyu kemmaŋ zéma ackuažéc zémanec naŋu siŋi namuŋa waŋec. ⁸ Ama qeria qacyaiguc tariŋ imuaru kifa sasala zema naŋec. ⁹ Waŋu merac mén qara Yutiko inéŋ luhuc memeac kifana igucnec tackecma gau niŋac qeka meka qema tarec. Waŋu Paulonéŋ ackuažéc zéyu horugiyu gauac kuhanéŋ qéléléŋgéyu tendiŋgéma hiŋgacma baeciguc qeyu heyu mema yachéŋgic humuyec. ¹⁰ Waŋu Paulonéŋ hiŋgacma eŋeyaoc merac

qacyaiguc héima tétécgéma yomuhuc énézéyec; Zénéngina ménda hirimac, kekecyá hemizac. ¹¹Imuhuc zéma ama qeria qacyaiguc heyec imuaru emma saméj nema ic iniguc ac eminiñ wamma nalé horua tacgic ama gianiyec. Ama gianiyu wai énécmima keñec. ¹²Ic ieneñ merac qeliyu amayaiguc wagicma keñgic ewagina hiaruyu ségiségi yanda wañgic.

Paulonéj Milete ama areña yandaiguc keñec.

¹³Paulonéj eñeyanec baec héna kemmanj zé ai areña zénénécmiyec imuac niñ nini walac zéiciguc emma Paulo wagicbiñ zéma Aso amaiguc keñij. ¹⁴Wañu Paulonéj Aso amaiguc mihicñi nénécmiyu zéiciguc wagicma Mitilene ama areña yandaiguc kereñij. ¹⁵Imuacnec keñkecma Zintaiguc Kio konduj baec komociguc kereñij. Imuacnec keñkecma Mitiwoiguc Samo konduj baec komociguc kereñij. Wañu imuacnec keñkecma Seiyaiguc Milete ama areña yandaiguc kereñij. ¹⁶Paulonéj ai meme 50 imuac kendonjiguc Yerusalem kemmanj zé wañec. Imuac Asia baeciguc keru nalé ogicbac niñac Efeso ménda kemma qericma moczoñ Milete ama areña yandaiguc keñec.

Efeso ama areña yandaiguc kua meme ic ac énézéyec.

¹⁷Kemma Milete imuarunec inéj Yesuac hénaorij héra ionac galeñ hécgina onagicma hamu niñac ic tosara méli énécmiyu Efeso ama areña yandaiguc keñgic. ¹⁸Onagicma hagic Paulonéj ac yomuhuc énézéyec; Ni Asia baeciguc hama iniguc kecma ai memena hénia igucnec hénima kaiweya kaiweya wawañ memena dimuhuc wamma kecañi imi hémma nindacgic. ¹⁹Séwi memama hakanaguc zéma kic masinaguc wamma manam batuc sasala Yuda ic eneñ menéngic zéra béra hénia hénia imuac qahaiguc kecma Miñ Kewu mepési. ²⁰Wañu iwawai méra énécmimia méñnéj méñ henéñu hénaorij kicginaiguc me amaya amayaiguc ménda niñyéwérima moczoñ énézéma ku énécmiyi. ²¹Imuhuc wamma Yuda ic zéma Girik ic momacnec ewagina melemma Anutuac muru késpedesgina zéauma Miñ Kewunina Yesu Kristo ninzéngému niñac énézéyi. ²²Wañu ninzu? Uñanéñ qerina qatéma héréyu Yerusalem kenzua. Wañu ou kemma haka dimuhucya méñ mihicñijamañ imi ni ménda ninzua. ²³Momacgucdac ninzua imi yomuhuc; Ama séc keremma kecba imuaru Uña Téréyanéñ hésa ama zéma zérabéranéñ mambéc néñzac imi nézézac. ²⁴Héna menéñec imi usuñec kemma Anutunéñ ewa hiawac ackuazéc imi héipuc wamma énézémanj niñac ai buña qenéñec imi metecgémanj zéma neñ nena kekecnawac nimba eeyaguc ménda wanjac.

²⁵Ninzua, ni sugcinaiguc keñha wamma héñgaleñ ama areña yandawac buña énézédaczua. Wañu ini moczoñ kic ségérana muñguc ménda

hémumu imi ni ninzua. ²⁶⁻²⁷Ni ménda osima Anutuac ewa siŋ moczoŋ énézédari. Imuac niŋ, zésolaŋiwa niŋgic, sugcinaiguc méŋnéŋ méŋ birigic ionac sac kitiwa imi nuac muru ménda hemac. ²⁸Eŋaoc galeŋgé amuma rama tuŋhécgina imuhucyanec galeŋgé énécmimu. Uŋa Téréyanéŋ ini ionac galeŋ gési énécmiyec imuac niŋ Miŋ Kewuac hénaoriŋ héra, eŋeya sawanéŋ boŋhéŋ énécmiyec ionac inicgaleŋ wamma kecmu. ²⁹Ni wai énécmima kemba haséŋ kazu zéragucnéŋ onaru haréma rama goigina ménda héimu. ³⁰Waŋu eŋaŋ sugcinaiguc ic tosara hicŋima tohotoho ic hérégic méndac énécmimu niŋac ac qariŋ qariŋgia zému. ³¹Imuac galeŋgina mema kecmu! Waŋu yawuŋ haréwéc séc siŋi kaiwe ménda waima kic masinaguc eŋac eŋac énézéaŋi imi niŋqelima kecmu. ³²Deguc ni Anutu zéma iwac ewa hiawac ackuazéŋiguc ini onopoczua. Ac kuazéŋ iminéŋ mia hia meseli énécmiyu yacma météré ichéra sugcinaiguc ai buŋa mihiŋimu. ³³Ni ic méŋac goli me siliwa me séwi usuya niŋac hémbaoc ménda waŋi. ³⁴Ini ninzu ésécnec, ni méra éréhécnanéŋ ai mema ni zéma ichécna nonac iwawainina mihiŋianzua. ³⁵Imuhuc wamma haka séséc héiéncmiwa héndacgic. Ini imuhucyanec ai kunéŋ mema ic kucgina qahac méra énécmimu. Waŋu Miŋ Kewu Yesunéŋ ac yomuhuc zéyec imi niŋqelima kecmu; Haleŋ énécmimia ionac ségiségigina imi haleŋ késakésa ic ionac ségiségigina imi ogicanzac. ³⁶Paulo i ac imuhuc zétécgéma moczoŋ yanda iniguc simiŋ héima zéwelerec. ³⁷Zéweleru ieneŋ moczoŋ zésiŋac yanda wamma Pauloac ewayaiguc gilicig hiŋgaru kicicne qiricne wammigic. ³⁸Ini kic ségérana muŋguc ménda némmu zéyec; Ac imi nimma ewa biric kunéŋ yanda wamma wagicma zéiciguc kemma opocgic.

**Paulonéŋ Yerusalem kemman
zé zéiciguc eŋec.**

21 ¹Waŋu nini wai énécmima keŋkecma konduŋ baec komoc Ko baec komociguc kereŋiŋ. Ama gianaŋyu keŋkecma Rodo konduŋ baec komociguc keremma keŋkecma Patara ama areŋa yandaiguc kereŋiŋ. ²Imuaru zéic méŋ Foinike konduŋ baec komoraiguc kemman zé waŋu mihiŋima imuaru emma keŋiŋ. ³Keŋkecma Kipuro konduŋ baec komoc kanaigucgeŋ taru hémma ogicma Siria baecigucgeŋ keŋkecma Tiroiguc kerenni imuaru zéicnéŋ hinaya haihulac wammaŋ zé waŋu élélaŋhaiguc eŋiŋ. ⁴Emma tohotoho ic tosara mihiŋi énécmima imuaru iniguc kaiwe 7 keriŋ. Waŋu Uŋanéŋ hinocgé énécmiyu nimma Paulo Yerusalem ménda kemmac niŋac welec migic. ⁵Nalé imi tecgéyu ic embac waima kenni ieneŋ iniŋ merachécgina moczoŋ yanda iniguc nonagicgic ama areŋa yanda imuac élélaŋhaiguc hiŋgacma sakasaciguc simiŋ héima Miŋ Kewunina zéwelec miyiŋ. ⁶Zéwelecni tecgéyu waiamuma zéiciguc enni ieneŋ amaiguc liliŋgégic.

Anutuac tiliŋ tiliŋ ic Agabonéŋ Pauloac andiawac ara zéyec.

⁷Waŋu Tiro ama areŋa yanda igucnec keŋkecma doku héna méndacma Tolemai zéic ala ama areŋa yandaiguc keremma imuaru ninzéŋ ninzéŋ dacmuna yaizézé ac waŋ énécmima ai meme momacguc iniguc kerij. ⁸Ama gianŋiyu waima keŋkecma Kaisarea zéic alawac ama areŋa yandaiguc keremma Filipino mihicŋiyij. Filipino imi ai ic 7 gési énécmigic ionac suggina igucnec. Iwac amaiguc mia emma kerij. ⁹Iwaru bérachéra imi kemboŋ qahac kecgic. Waŋu ieneŋ moczoŋ embac seraŋa. Waŋu andiawac ara zéaŋgic. ¹⁰Waŋu imuaru ai meme sasala kecni Yuda baec igucnec Anutuac tiliŋ tiliŋ ic ménŋ qara Agabo i nonaru mama hayec. ¹¹Haréma Pauloac rikunŋa mema iminéŋ eŋeya héna méria zikima yomuhuc zéyec; Uŋa Téréyanéŋ yomuhuc zézac; Yerusalemiguc Yuda ic ieneŋ rikunŋ yomuac miŋina yomuhuc mia zikimima ic enia ionac méraginaiguc haimu. ¹²Ac imuhuc zéyu nini ama imuac miŋina iniguc Paulo Yerusalem ménda emmac niŋ Anutu zéwelec miyij. ¹³Waŋu Paulonéŋ yomuhuc zéyec; Némac niŋ siacma ewa howuc nénzu? Zikinémmu sac qahac, Miŋ Kewu Yesuac qara niŋac Yerusalemiguc humumaŋ niŋac efidaczu. ¹⁴Waŋu ac ézéni ménda niŋu waima yomuhuc zéyij; Miŋ Kewuac ewa siŋnéŋ selimac.

Paulo Yerusalem keŋec.

¹⁵Ai meme tosara imi tecgéyu zéréŋ qéréŋ wandacma Yerusalem eŋij. ¹⁶Waŋu Kaisarea zéic alawac ama areŋa yanda igucnec tohotoho ic tosara ieneŋ niniguc momacnec kemma Kipuru ic ménŋ qara Nason tohotoho ic kerecac kerec iwac amaiguc kecbij zé ic imi wagicma keŋij. ¹⁷Waŋu keŋkecma Yerusalem kerenni imuaru ninzéŋ ninzéŋ dacmuna ieneŋ goihéihéi waŋ nénécmima nénépésigic. ¹⁸Waŋu ama gianŋiyu Paulonéŋ Yakoboac amaiguc nonagicma eŋu inicni galeŋ moczoŋ imuaru hama kecgic. ¹⁹Waŋu Paulonéŋ yaizézé ac waŋénéc midacmaguc inéŋ welenŋ qemiyu Anutunéŋ ic enia ionaru ai meyec imi momacguc momacguc bénzéŋ bénzéŋ énézédaec. ²⁰Énézéyu ieneŋ nindacma Anutu mepési migic. Mepési migic tecgéyu Paulo yomuhuc ézégic; Ninzaŋ, Yuda ic sucninaiguc ninzéŋ ninzéŋ ic tauseŋa tauseŋa hicŋigic. Waŋu ieneŋ moczoŋ Moseac héna ac seliseli wamma naŋgéanzu. ²¹Waŋu ieneŋ imi geŋ Yuda ic tosara ic enia ionac sugginaiguc keczu ieneŋ Mose andé qema merachécgina ionac séwiginaiguc séwi hericheric ménda wamma yanda ionac haka waimu niŋ énézéanzaŋ imi nindacgic. ²²Gi Yerusalem hazanŋ imuac suruc tinduc nindacmu. Imuac niŋ dimuhuc wambij? ²³Imuac nini ac ménŋ gézéni imuac séc wambésémaŋ. Nonaruiguc ic kemboŋ qahac Anutuguc ac zikima nalé hotoŋadac oruc zucgina ménda mericma kecanzu. ²⁴Waŋu geŋ ic imi onagicma kemma météré meme

haka wamma olémbaŋ boŋa meénécmina oma orucgina mericmu. Gi imuhuc wanna gémma guac ac hayu niŋgic imi héla qahac zéma gi héna ac tohoma kecaŋaŋ imi héŋtegicmu. ²⁵Waŋu ic enia Yesu ninzéngeŋéma kecaŋu ionac imi haka imuhucya ménda niŋtohomu, néŋ baniarawac ireha zéma imuac olémbaŋa zéma sac zéma yaŋ hésaiguc korogic humugic imi zéma kaiseroac haka imuacnec sac elinǵé amuma lakec kecmu niŋac zétecgéŋéma oma hai énécmiyiŋ. ²⁶Waŋu ama siŋjima gianaŋiyu Paulonéŋ ic kembraŋ qahac imi onagicma iniguc météré meme haka wamma eŋaŋ météré meme naléya tegéyu eŋac eŋac lémbaŋ oo naléya waŋec imi énézéwiŋ niŋac ama téréyaiguc eŋec.

Paulo ocmuŋiguc keru késagic.

²⁷Ai meme 7 séc lémbaŋ oo ai mema kecgic imuac naléya tegéŋemaŋ zé waŋu Paulonéŋ ocmuŋ téréyaiguc naŋkeru Yuda ic tosara Asia baec igucnec ieneŋ i hémma ic momac yanda qerigina acginaanéŋ netu énécmima Paulo késagic. ²⁸Késama qacma zégic; Ohec Israel ic mandac, hama méra nénécmigic! Ic yomi baec séc kemma Yuda ic neŋaŋ hažéc waŋ nénécmima héna acnina zéma ocmuŋ téréyanina yomi zébirima ic embac momac yanda ku énécmianzac imi mia. Imi sac qahac ocmuŋ téréyaiguc Girik ic onagicma éréma ama téréya yomi mezapi qezac. ²⁹(Imi mia ic méné Efeso ama areŋa yanda igucnec qara Tirofimo inéŋ Pauloguc ama areŋa yanda imuaru keŋkeŋ haha waŋu hémma inéŋ ic imi wagicma ama téréyaiguc éréyec gezaŋ imuhuc zéma niŋgic.) ³⁰Imuhuc wammigic ama ic momac yanda qerigina yaru usuŋnec hadacma Paulo késama ama téréya igucnec héréma magic nalé imuarunec naguya héidacgic.

Yaré ic galeŋginanéŋ Paulo méragina igucnec metecgéyec.

³¹Ic eneŋ Paulo qehumuwiŋ zé waŋgic Yerusalem imi hétéŋ yandayaguc waŋec imuac surucya yaré ic 1,000 galeŋgina iwaru hayu niŋec. ³²Ac imuhuc nimma imuarunec yaré ic tuŋhéra zéma yaré ic 100 imuac galeŋhéra énépésima usuŋnec mekeŋgic. Waŋu hétéŋ meme ieneŋ yaré ic 1,000 imuac galeŋ zéma yaré ichéra inicma Paulo qema naŋgic imi waima eŋ naŋgic. ³³Waŋu yaré ic 1,000 ionac galeŋgina iminéŋ kemma Paulo wagicma seŋ hésanéŋ zikigic zéma énézéma Paulo qara zéma iwawai waŋec imuac qesiénécmiyec. ³⁴Qesiénécmiyu ic tuŋ suggina igucnec méŋnéŋ méŋac, méŋnéŋ méŋac qacma zégic qeweloŋ niŋac hénia niŋtegicmacac séc qahac waŋu ai ama qeriaiguc wagicma kemmu niŋac énézéyec. ³⁵Waŋu Paulonéŋ déc hénaiguc emmaŋ zé waŋu ic eneŋ kaiziliweŋ yanda wammigic yaré ic ieneŋ Paulo elinǵémima hua naŋgémima eŋgic. ³⁶Imi mia ic tuŋ yanda ieneŋ nesi énécmima, Ic imi qegic qahac wammac! Imuhuc qacma zégic imuac niŋ imuhuc waŋgic.

Paulonéŋ saiwa ac waŋamuyec.

³⁷Waŋu Paulo ai ama qeriaiguc mema embiŋ zé waŋgic Paulonéŋ yaré ic 1,000 imuac galen ézéyec; Ninna ni ac mén hia gézémaŋac séc? Zéyu zéyec; Girik ac ninzaŋ? ³⁸Imuhuc waŋu gi becnecc yaré qema yaré ic 4,000 énépésima baec kéra kérésiaiguc keŋec Izipte ic imi mia me? ³⁹Qesimiyu Paulonéŋ yomuhuc ézéyec; Ni Yuda ic, Taso baec Kilikia ama areŋa yanda imuacnec. Kilikia imi ama areŋa yanda eŋomia qahac. Gi niŋnéna ac komora énézéwa. ⁴⁰Waŋu inéŋ nimmiyu Paulo i déc héná imuac boŋaiguc namma ic méranéŋ séséc waŋ énécmiyu acgina qaiyu nandacŋic Hebraio aciguc yomuhuc énézéyec;

**Paulonéŋ Yerusalemiguc Yuda
ic ac énézéyec.**

22 ¹Maŋgoc dacmuna hécna hénia imi zéasariwa niŋgic. ²Paulonéŋ Hebraio aciguc ac zéyec. Hénia imuac niŋac némbéŋ yanda qema naŋgic. ³Waŋu toroqema énézéyec; Ni Yuda ic, Kilikia baec Taso ama areŋa yandaiguc hicŋiyi. Waŋu ama yanda Yerusalem yomuaru kecma yandima ic Gamaliel iwac méra bawaiŋguc kecba yanda hécninawac héná ac selianec ku néŋu niŋareŋ gédari. Waŋu ini moczoŋ yanda deguc waŋanŋu ésécnec Anutuac niŋ wamma geriwaŋguc ai meani. ⁴Waŋu héná qelia yomi mebirima tohotoho ic humuac séc unuma hazéc waŋ énécmima ic embac momacnec qaté énécmima hésa amaiguc onopocaŋi. ⁵Héfác oo ic eŋeŋa zéma galen ieneŋ imi haka imuac héipuc ic wanŋu. Waŋu ionarunec dacmuna hécna Damasiko ama areŋa yandaiguc kecaŋgic ionac kiwi mema ama imuac ninzéŋ ninzéŋ ic imuhucyanec qaté énécmima Yerusalemiguc énépésima hawa kitiwa memuac niŋ keŋi.

⁶Keŋkecma Damasiko ama areŋa yandaiguc hosuru kempa gau komoc ésécnec waŋec. Waŋu imuaru kurumeŋ igucnec asac mararaŋ yandanéŋ élanzaŋnec mama hoturunéŋec. ⁷Hoturunéŋu ni baeciguc mama nuyu hema nimba ewa mén yomuhuc mayec; Saulo, Saulo, gi némac niŋ nunesi waŋ némma keczaŋ? ⁸Zéyu zéyi; Miŋ Kewu gi méré? Zéwa yomuhuc nézéyec; Nunesi waŋ néŋanzaŋ Yesu Nazarete ama areŋa igucnec ni imi mia. ⁹Ic niguc kecgic ieneŋ asac mararaŋ sac héŋgic, néŋ i nézéyec iwac ewaya imi ménda niŋgic. ¹⁰Ni qesima zéyi; Miŋ Kewu ni némac wammaŋ niŋac wanŋaŋ? Zéwa Miŋ Kewunéŋ yomuhuc nézéyec; Gi yacma Damasiko ama areŋa yandaiguc kenna ic méŋnéŋ guac ai buŋa qegénzua imi moczoŋ gézémac. ¹¹Waŋu ni imi asac mararaŋa niŋac kicnanéŋ hémmaŋac séc qahac waŋec imuac niŋ ic tosara niguc kecgic ieneŋ méranaiguc népésima hérénéŋgic Damasiko ama areŋa yandaiguc keŋi.

¹²Ama areŋa kuneŋ yanda imuac ic mén qara Anania inéŋ héná ac séciguc keru Yuda ic ama areŋa yanda imuaru kecgic imi eneŋ momac

yanda iwac ehéihéi wammianḡic. ¹³Ic iminéŋ mia hama nuac wésénaiguc namma zéma; Ninzén ninzén ic munana Saulo, kicga muŋguc hima hémbésémaŋ. Imuhuc zéyu imuarunec ni kicna hima ic imi héŋi. ¹⁴Waŋu ac yomuhuc nézéyec; Yandahécnina ionac Anutunén eŋeya ewa siŋ imuac gézéyu niŋasarima Solanŋ miŋina imi hémma ewaya kuaya igucnec nimbésémaŋ niŋac gésigéŋec. ¹⁵Imuac gi iwac niŋ wamma ic embac momac yanda ionac kicginaiguc iwawai hémma niŋnec imuac héipuc wamma énézézésémaŋ. ¹⁶Waŋu némac niŋ mambéc kecna horumac? Gi yacna doku naecgémba Yesuac qara qacna kápésicga zuacgémmac.

Paulo ic enia ionac mélimigic.

¹⁷Waŋu Yerusalem liliŋéma hama ocmuŋ téréyaiguc emma zéwelecma tiliŋ tiliŋiguc Yesu héŋi. ¹⁸Hémba Miŋ Kewunén yomuhuc nézéyec; Gi nuac héipuc ac zéna Yerusalem yomuac ic embac ieneŋ ac imi ménda niŋ tohomu, imuac gi focdac ama areŋa yanda yomi waima kembésémaŋ. ¹⁹Zéyu ni ac yomuhuc melemma zéyi; Miŋ Kewu, ni ic embac gi ninzéngé géŋgic ini énépésima hésa amaiguc onopocmaŋ zéma tocgotocgo amaya amaya keŋi imi ic youmi eneŋ nindaczu. ²⁰Waŋu buŋa zézé icga Stefano qegic sacya mayec nalé imuaru ni imuaru namma héipuc waŋ énécmima i qegic ionac malekugina galeŋgéyi. ²¹Imuhuc zéwa Miŋ Kewunén yomuhuc nézéyec; Keŋna, neŋ ic enia baera baera keczu ionac muru méligénzua.

²²Bénzén nimmanec kecgic, néŋ ac yomi zéyu nimmaguc ewagina meyacma qacma zégic; Ic imuhucyanén baec igucnec qahac wammac. Kekerawac séc qahac. ²³Imuhuc qacma séwi usugina hetecgéma seitotoŋ héigic eŋec. ²⁴Waŋu yaré ic 1,000 ionac galeŋginanéŋ Paulo ai ama qeriaiguc wagicma emma ic eneŋ némac niŋac qacmizu imuac hénia zéyu nimmu niŋac qesimima hihilocnéŋ qemu zéma yaré ic énézéyec. ²⁵Waŋu hésa yaŋ séwélanéŋnec meyacgéigic iminéŋ qatégic Paulonén yaré ic 100 ionac galeŋ mén hosuraiguc naŋu ézéyec; Ini Roma ic ara ménda zétecgéma hihilocnéŋ hia qemuac séc? ²⁶Imuhuc zéyu yaré ic 100 ionac galeŋginanéŋ nimma 1,000 ionac galeŋ iwaru kemma ézéma zéyec; Dimuac wammaŋ zé wanzaŋ? Ic imi Roma ic. ²⁷Zéyu yaré ic 1,000 ionac galeŋginanéŋ Pauloac muru kemma yomuhuc ézéyec; Nézéna, gi Roma ic me? Waŋu Paulonén zéyec; Oo, ni Roma ic. ²⁸Zéyu yaré ic 1,000 ionac galeŋginanéŋ zéyec; Ni imi soukiwa yanda haima Roma ic qac buŋa meyi. Waŋu Paulonén zéyec; Ni imi hicŋi hicŋihicŋina igucnec éréma deguc Roma ic kecaŋzua. ²⁹Waŋu imuarunec Paulo iwawai qesimiwiŋ zégic imi eneŋ waima kendacgic. Yaré ic 1,000 galeŋginanéŋ acguc Paulo i Roma ic imi niŋ asarima hésanén qatémiyec kápésic imuac niŋac auriyec.

³⁰Ama gianaŋyu yaré ic 1,000 ionac galeŋginanéŋ Yuda ic eneŋ Paulo némac niŋac hažéc wammigic imuac hénia nimmac niŋac hésa

hulacmima hofac oo ic tosara zéma gésigési ic tuŋ ejeŋa Sanhederin tocgé énécmima Paulo wagicma hiŋgacma wéséinaiguc oporu naŋec.

Paulo i ic kiwa ionac azoazoroiguc namma ac énézéyec.

23 ¹Paulonéŋ gésigési ic inicosolima ac yomuhuc énézéyec; Dacmuna hécna ni becarunec érékecma deguc ewa qerina solañanec Anutuac kiwaiguc kecanzua. ²Imuhuc zéyu hofac oo ic ejeŋa Ananianéŋ Pauloac hosuraiguc naŋgic ionac yomuhuc énézéyec; Ini kuayaiguc qegic. ³Zéyu Paulonéŋ yomuhuc ézéyec; Gi biriawac demin lalac Anutunéŋ gumac. Gi héna aciguc niŋgési némmaŋ zé tacma héna ac imi logima ni numu niŋac énézézaŋ? ⁴Imuhuc zéyu ic hosuraiguc naŋgic ieneŋ yomuhuc ézégic; Gi Anutuac hofac oo ic ejeŋa efima zébirimizanŋ? ⁵Zégic Paulonéŋ yomuhuc zéyec; Dacmuna hécna, inéŋ hofac oo ic ejeŋagina keczac imi ménda nimma ac zézua. Kiwi téréyaiguc ac yomuhuc ogic hezac; Gi guac hénaorin hécga ionac galenŋina ménda zébiri miwésémaŋ.

⁶Waŋu gésigési ic tosara imi Sadukaio ic, waŋu tosara imi Farisaio ic kecgic imi Paulonéŋ niŋasarima gésigési ic inicma qacma énézéyec; Dacmuna hécna ni imi Farisaio ic, esaŋ ambéchécna ieneŋ Farisaio ic kecgic. Imuac ni niŋkumuma humuc igucnec yacyac imuac naŋgéma zéwa aciguc nopoczua. ⁷⁻⁸Sadukaio ic eneŋ humuc igucnec yacyac zéma kua meme uŋa zéma qeri uŋa iwawai imuhucya imi ménda keczu zéma ménda ninzéŋgégic, néŋ Farisaio ic eneŋ iwawai imuhucya imuhucya imi moczoŋ keczu zéma ninzéŋgégic. Imuac niŋ ac imuhuc zéyu Farisaio ic zéma Sadukaio ic suginaiguc hazéc ac hicniyu méndéŋ amugic. ⁹Waŋu imuaru tohalic yanda hicniyec. Waŋu Farisaio ic ionarunec héna acac kiwi ic tosara yacma ac geriwaguc eminimma yomuhuc zégic; Nini ic yomuac niŋni késpedesira qahac wanzac. Uŋa ménŋ me Kua meme uŋa ménŋnéŋ ézéyeciguc dimuhuc zéwiŋ? ¹⁰Waŋu hazéc ac imi kuneŋ yanda waŋu yaré ic 1,000 ionac galenŋinanéŋ Paulo késahérégic séwéla tegicbac niŋ zénéŋa hiriyu, yaré ic ieneŋ haréma ic sugina igucnec Paulo onagicma ai amagina qeriaiguc wagicma kemmuac niŋ énézéyec.

¹¹Waŋu Miŋ Kewunéŋ siŋi imuaru Paulo hosuraiguc namma yomuhuc ézéyec; Gi meseli amuna you Yerusalemiguc nuac héipuc wamma énézézaŋ imuhucyanec Roma ama areŋa yandaiguc acguc héipuc ac waŋ némbésémaŋ.

Yuda ic tosia eneŋ Paulo qewiŋac zéma ara zégic.

¹²Ama gianŋiyu Yuda ic ieneŋ tuŋginaguc wamma nene ziki kecma Paulo ménda qehumuwiŋiguc yakanina ménda newiŋ zéma zéseligic. ¹³Ic eneŋ qeriginanéŋ zikiamuma sisipac ac wamma imuhuc zégic imi zaŋgégina 40 ogirec. ¹⁴Ic eneŋ mia hofa oo ejeŋa zéma galenŋ ionaru

kemma yomuhuc zégic; Nini Paulo ménda qewiníguc yaka ménda newin. ¹⁵Imuac enen kaunsol ic iníguc yaré ic 1,000 ionac galeŋgina iwaru ac yomuhuc haigic kemmac; Gi Paulo nonac kaunsol iguc mélina hayu iwac ara muŋguc nimma didiŋanec zétecgéwiŋ. Mélimiyu hosucginu ménda hayunec hénaiguc qehumuwiŋ zé ninziŋ.

Paulo ac saŋec imi niŋec.

¹⁶Waŋu Paulo deuyanén ac saŋec imi nimma yaré ic ionac amaiguc keremma oŋa Paulo ézéyec. ¹⁷Ézéyu Paulonén yaré ic 100 ionac galeŋgina mén uruma yomuhuc ézéyec; Gi merac yomi wagicma yaré ic 1,000 ionac galeŋgina iwaru wagicma kenna ac mén késakeczac imi ézémac. ¹⁸Zéyu merac wagicma yaré ic 1,000 ionac galeŋgina iwaru kemma yomuhuc ézéyec; Merac yominén ac mén késakeczac imuac niŋ hésa ic Paulonén nuruma merac yomi wagicma guaru hamaŋ niŋac qesinéŋzac. ¹⁹Imuhuc ézéyu yaré ic 1,000 ionac galeŋginanén merac mériaiguc késama sasaŋgiaiguc wagicma kemma élén qesimiyec; Némac ac nézémaŋ zé wanzaŋ? ²⁰Zéyu zéyec; Yuda ic ienen Pauloac ara muŋguc didiŋanec nimbiŋ zéma hénaoriŋ hécgina ionaru Paulo wagicma hamu niŋac qesigémbiŋ zé ewa momac wamma ac saŋec zézu. ²¹Waŋu gi acgina ménda niŋ énécmiwésémaŋ. Ic zaŋégina 40 ogicogiranén Paulo qehumuwiŋ zéma saŋgima mambéc taczu. Ienen imi i ménda qewiníguc nene ménda newin zéma acgina zikigic. Waŋu ienen zéréŋ qéréŋ wandacma zéwelec welecgina imuac ac bakia niŋac mambéc keczu. ²²Yaré ic 1,000 ionac galeŋgina inén merac mélimima zézé seli ac yomuhuc ézéyec; Gi ac nézézaŋ imi ic mén ménda ézévésémaŋ.

Kawali ienen Paulo Kaisarea zéic alawac ama areŋa yandaiguc késama keŋgic.

²³Waŋu yaré ic 100 galeŋgina éréhéc ururuma ac yomuhuc érézéyec; Baec héna keŋkeŋ yaré ic 200 zéma becosic yaré ic 70 zéma luac késa késa yaré ic 200 énézéyic zéréŋ qéréŋ wamma kecgcic siŋiya 9 kilok waŋu Kaisarea zéic alawac ama areŋa yandaiguc keremmu. ²⁴Waŋu Paulo bénzén baec galeŋ Feliki iwaru wagicma kemmuac niŋ becosic mén héitatac héimima mambéc nammu. ²⁵Waŋu inén kiwi mén yomuhuc oyec; ²⁶Klaudio Lisia, neŋ kewuna baec galeŋ Feliki guac yaizézé ac waŋgénzua. ²⁷Yuda ic ienen ic imi qehumuwiŋ zé waŋgic. Waŋu ic imi Roma ic imi nimma yaré ichécna iníguc kemma méragina igucnec metecgéyi. ²⁸Waŋu aciguc opocgcic imuac hénia nimmaŋ zéma Yuda ic ionac gésigési ic ionac muru wagicma keŋi. ²⁹Ara zégic imi moczoŋ héna acgina imuac ara waŋec, néŋ iwawai waŋec méŋnéŋ mén qehumumu me hésanéŋ ziki mimiawac séc ménda waŋec imi mihiŋiyi. ³⁰Waŋu ic tosaranén ic yomi qewin zéma ac saŋec zégic ic méŋnéŋ nimma nézéyu

duŋa guac muru méliwa hazac. Waŋu ara zézu ic imi enej imuhucnec guaru kemma ara gézému niŋac énézézua.

³¹Waŋu baec héna yaré ic ieneŋ énézéyec séc Paulo sinjyaiguc wagicma keŋkecma Antipatri ama areŋa yandaiguc kerengic. ³²Imuaru ama gianjiyu becosic yaré ic ieneŋ Paulo wagicma keŋkecma Kaisarea zéic alawac ama areŋa yandaiguc kemmuac niŋ ionac muru opocma baec héna keŋkeŋ yaré ic ieneŋ yaré ic ionac amaiguc lilingéma hagic. ³³Becosic yaré ic ieneŋ Kaisarea zéic alawac ama areŋa yandaiguc keremma baec galeŋ yanda kiwi mima Paulo imuhucnec mériaiguc opocgic. ³⁴Baec galeŋnéŋ kiwi olomma Paulo qesimima Kilikia baec igucnec imi niŋasariyec. ³⁵Waŋu inéŋ Aciguc gopoczū ic imi enej hama harégic guac ac nimmaŋ imuhuc zéma yaré ic enej Herodeac ama kewuya imuac qeriaiguc galeŋgégic tacmac niŋ énézéyec.

Paulonéŋ Kaisareaiguc Felikiac wésiaiguc naŋec.

24 ¹Kaiwe ai meme méra ménŋ tecgéyu hofac oo ic eŋeŋa Ananianéŋ qerawac galeŋ tosara zéma héna acac zézé ic ménŋ qara Teatulo iniguc Kaisarea zéic alawac ama areŋa yandaiguc hiŋgacma Paulo aciguc opocbiŋ zé baec galeŋac kiwaiguc naŋgic. ²Waŋu Paulo ézéma wagicgic hayuguc Teatulonéŋ baec galeŋ ac yomuhuc hénima ézéyec; Ic kewunina Feliki, geŋ hia galeŋgé nénécmīna luaeiguc kecanziŋ. Waŋu biaŋ héhéŋawac ninij yandaga niŋac baec yomuaru hai netec ai sasala hicŋianzac. ³Ic kewuna Feliki, iwawai imuhuc hicŋiyu imuac me imuac amanina séc ewa hia yanda niŋgéŋanziŋ. ⁴Waŋu yéwéri ménda gémbiŋ zé ac hotoŋadac gézéni gi ewa bēnzéŋgaiguc niŋnénécmīna. ⁵Nini ic yomuac ninni hafi warihaguc ésécnec waŋanzac. Yuda ic baec séc kemma keczu ionac suginaiguc qeweloŋ yanda mihicŋi énécmianzac. Inéŋ mia héna ikorawac miŋina Nazareteneŋ iwac tohotoho ichéra ionac galeŋgina. ⁶Waŋu inéŋ ocmuŋ téréyanina mezapi qemaŋ zéyu késayiŋ. ⁷(Ménda hezac.) ⁸Imuac gi geŋgaoc zéqesi wammima acnéŋ qatémizij imuac hénia imi moczoŋ niŋ asariwésémaŋ. ⁹Ac imuhuc zéyu Yuda ic ieneŋ, Ac imi héla, zéma méra migic.

Paulonéŋ baec galeŋac kiwaiguc ac bakia melenec.

¹⁰Waŋu baec galeŋ yandanéŋ Paulo orucnéŋ séséc wammiyu ac yomuhuc zéyec; Gi baec yomuaru yawuŋ sasala gésigési ic eŋeŋa kecanzaŋ imi nimma saiwa acna efima gézémaŋ. ¹¹Niŋtegiŋacŋ ésécnec, ni Yerusalemiguc Anutu mepésimaŋ zé emma kecba ai meme 12 ménda ogirec. ¹²Waŋu ieneŋ ni ocmuŋ téréya qeriaiguc ic ménŋguc ac ménŋ ménda zéwa néŋgic. Waŋu togotocgo amaiguc me ama areŋa yanda imuac héniaiguc ic embac qeriiguc ésé ésé ménŋ ménda waŋ énécmiwa néŋgic. ¹³Ic yomi enej aciguc nopocma

gézézu imuac héipuc ac ménj gézémuac séc qahac. ¹⁴Waŋu ac yomi mia héla waŋzac, Ni héna qelia ménj ieneŋ héna ikora zébirianzu imi méndacma yanda hécninawac Anutu mepésianzua. Waŋu ni Anutuac tiliŋ tiliŋ ic ieneŋ ogic hezac imi moczoŋ zéma iwawai héna ac séciguc hezac imi moczoŋ ninzéngeanzua. ¹⁵Waŋu ic yomi eneŋ iwawai ménjac Anutu ninzéngeama mambéc keczu imi ni momacnec késakecma mambécanzua, waŋu imi mia yomuhuc; Ic solaja zéma ic biria momacnec humuc igucnec qelima yacmu. ¹⁶Imuac niŋac Anutuac kiwaiguc zéma ic kicginaiguc ewa solaja kecmaŋ zéma nalé séc seliseli wamma kecanzua. ¹⁷Waŋu yawuŋ sasala baec lakeciguc kecaŋi, waŋu degucdacmi ic embac yéwérigina mihiçiziu ionac énécmiwiŋ zéma haleŋ zéma Anutuac buŋa haihaiya mema hayi. ¹⁸Waŋu Anutuac buŋa imi haiamaŋ zé météré amuma ocmuŋ téréyaiguc eŋi. Waŋu tocgotocgo me hétéŋ ménj ménda wamma eŋdac kecba mihiçiŋ néŋgiç. ¹⁹Waŋu Yuda ic tosara Asia baeciguc keçgiç ieneŋ mia nuac kápésic ménj héngiciguc guaru tinduc haréma zéasarimuac hezac. ²⁰Imi qahac waŋu ic yomi eneŋ ni Sanhederin kaunsol ionac kicginaiguc naŋi imuaru nuac kápésic ménj mihiçigiciguc gézému. ²¹Ionac suginaiguc namma acna momacguc sac kucnec qacma zéyi imi yomuhuc; Humuc igucnec yayac imuac naŋgéma zéwa deguc aciguc nopocgiç kicginaiguc nanzua. Ac imi qahaciguc ac ménj zémuac séc qahac.

²²Felikinéŋ héna imuac buŋa niŋhumuyec imuac niŋ Pauloac ac imi ménda zéteçgéma yomuhuc énézéyec; Yaré ic 1,000 ionac galeŋ Lisia mayuguc acgina zéteçgémaŋ. ²³Waŋu yaré ic 100 ionac galeŋgina ménjac yomuhuc ézéyec; Ini Paulo ménda zikimigic eŋ keru galeŋgému. Alahéra ménjnéŋ ménj haréma goi héihéi wammiwiŋ zégic ménda qetalimu.

Paulo yawuŋ éréhéc hésa amaiguc taru baec galeŋnéŋ waima keŋec.

²⁴Ai meme tosara kecma Felikinéŋ iniŋa Yuda embac Durusila i guc momacnec hama Paulo qaru emma Kristo Yesuac ninzénj ninzénj imuac hénia imi érezéyu niŋoc. ²⁵Waŋu haka dindiŋa zéma séwi siŋac sigi kekec zéma gésigési yanda imuac ara érezéyu Felikinéŋ aurima Paulo yomuhuc ézéyec; Degucac imi séçgézac, yacma kenna kecma andiaiguc sura méŋu titiŋa hiçniyu muŋguc héihéré gémmaŋ. ²⁶Waŋu inéŋ ara sac nimmac niŋac ménda waŋec, Paulonéŋ soukiwa mimac niŋac mambéc wamma hatac sasala héihéré mima ac waŋoc.

²⁷Waŋu yawuŋ éréhéc teçgéyu baec galeŋ qara Porikio Fesito inéŋ Felikiac tatac késayec. Waŋu Felikinéŋ Yuda ic ewa hia waŋ énécmimaŋ zé Paulo hésa amaiguc waiyu tacmanec kerec.

Yuda ic ieneŋ Fesito iwaru keremma Pauloac ikoc ac zégic.

25

¹Fesitonéŋ baec galeŋ wamma ai meme haréwéc kecma Kaisarea zéic alawac ama areŋa yanda igucnec Yerusalem eŋec.

2Enj hofac oo ic kiwahécgina zéma Yuda ic galeñhécgina ieneñ iwaru keremma Paulo acnéñ qatéma ézégic. 3Wañu ieneñ hénaiguc sañgima Paulo qehumuwiñ zéma acgina nimma Fesitonéñ niñénécmima Paulo méliyu Yerusalem hamac niñac welecmigic. 4Zégic Fesitonéñ yomuhuc énézéyec; Paulo i Kaisarea hésa amaiguc taczac. Wañu ni imuaru muñguc liliñgéma hiñgacmañ. 5Pauloac kápésic ménj hemizaciguc onarunec kiwahécgina tosara niguc momacnec hiñgacma zému.

6Imuhuc zéma ai meme 8 me 10 Yerusalem kecma Kaisarea zéic alawac ama areña yandaiguc mekeñec. Ama siñjima gianjiyu gésigési tataciguc tacma Paulo késama érému niñac énézéyec. 7Inéñ haréyu Yuda ic Yerusalemnec magic ieneñ lelecgé mima hazéc ac réwéria sasala zégic. Wañu acgina héipuc wammuac séc qahac wañec. 8Zégic Paulonéñ kawalia mema yomuhuc zéyec; Ni Yuda ic neñañ héna ac me ocmuñ térya me Roma ic kewu Kaisawac kápésic ménj ménda wañi. 9Wañu Fesitonéñ Yuda ic eneñ niñgic hiarumac niñac Paulo yomuhuc qesimima zéyec; Gi guagicma Yerusalem kemma imuaru acga zétecgémanac wanzañ? 10Qesimiyu Paulonéñ yomuhuc ézéyec; Ni Roma ic kewu Kaisawac gésigési amaiguc nañkeczua, imuac nuac ac yomuaru zétecgémuac hezac. Geñgaoc ninzañ ésécnec ni Yuda ic. Wañu iwawai biria ménj ménda wañ énécmiyi. 11Ni héna ac logima kápésic ménj mewa nuwiñ zézuiguc humumañ zé ewa éréhéc ménda wambinec. Ac zénénzu imi moczoñ héla qahac wanzaciguc méñnéñ ménj ni méraginaiguc nopocmacac séc qahac. Imuac Roma ic kewu Kaisanéñ acna zétecgémac niñac wanzua. 12Imuhuc zéyu Fesito ichéra iniguc eminiñ wamma Paulo yomuhuc ézéyec; Gi Kaisa^r iwaru acga haizañ imuac Kaisawac muru kembésémañ.

Ic kewu Agripanéñ Fesito hicñjimima Pauloac niñac ézéyec.

13Ai meme tosara tecgéyu ic kewu Agripa zéma nauña Beanike iereñ Kaisarea zéic alawac ama areña yandaiguc hiñgacma Fesito zézé ségiségi ac wammiwi zéma hayoc. 14Wañu iereñ ai meme sasala imuaru tacyac wañic Fesitonéñ Pauloac ac suruc wammima ic kewu yomuhuc ézéyec; Felikinéñ hésa ama ic ménj waima keñu tacma keczac. 15Wañu ni Yerusalem eñi nalé imuaru hofac oo ic kiwahécgina zéma Yuda ic ionac galeñ ieneñ iwac hazéc ac zéma kápésiraguc zéma zétecgémañ niñac welecnéñgic. 16Wañu ni ac bakia yomuhuc énézéyi; Ic ménj aciguc enzac imi ac zézé ic iniguc ménda añamma tacma arawac kawalia ménda mema zéyu niñgicnec waimiwiñ imi Roma ic nonac haka silicnina qahac. 17Imuhuc énézéwa Yuda ic ieneñ niguc yomuaru hagic nalé sosola qahac

^r 25:12 Romawac ic kewu yanda niñac Kaisa zéañgic.

ama gianiyu gésigési tataciguc tacma énézéwa ic imi wagicma érégic. ¹⁸ Wañu ac wammigic ienej ac zégic, nēj késpedesira mēj nimmañ zé mambéc kerī imi ménda mihicñiyi. ¹⁹ Wañu eñaj hénagina zéma ic mēj qara Yesu iwac niñ Paulonēj humuc igucnec qelima yarec zéyec ac imuac niñ zéej zéma wañgic. ²⁰ Wañu ni ac imuhucya dimuhuc zémindiñimañ zéma hocma Paulonēj Yerusalem kemma ac gésigési amaiguc ac imuac nambésémañac wanzañ? zéma imuhuc qesimiyi. ²¹ Wañu Paulonēj Roma ic kewunēj acya zétecgémac niñ galeñgé mimañac welecnéjec. Wañu kenkej naléya ducñiyu méliwa Kaisa^s iwacmuru kemmac niñ ézéwa hésa amaiguc taczac. ²² Imuhuc ézéyu Agripanēj Fesito ézéyec; Ni acguc nenaoc iwac ara nimmañ zé wanzua. Zéyu Fesitonēj zéyec; Hia oranguc nimbésémañ.

Paulo i ic kewu Agripa iwac kiwaiguc nañec.

²³ Ama gianiyu Agripa zéma Beanike iereñ ehéihéi wañ érécmima hénagira megic haréma yaré ic 1,000 ionac galeñ tosara zéma ama yanda imuac ic kuneñ iniguc gésigési amaiguc emma tacgic Fesitonēj énézéyu Paulo késama eñgic. ²⁴ Eñgic Fesitonēj ac yomuhuc zéyec; Ic kewu Agripa zéma ichécna tosara ac énézéwa niñgic. Ic nanzac yomi iwac niñ Yuda ic ieneñ kucnec qacma, Ic yomi Kekecac séc qahac! zéma Yerusalem zéma ama yomuaru welecnéñgic. ²⁵ Wañu ni niñgésiwa haka humucac séc mēj ménda wañec. Wañu i eñeyaoc Roma ic kewuac wamma zéyec imuac niñ iwaru mélimimañ zé wanzua. ²⁶ Wañu ic kewu eñeñawac ac héla mēj omanac séc qahac wanzac. Imuac mia zéqesi mima ac héla mēj mihicñiwij zé ic yomi onaru zéma sucninaiguc ic kewu Agripa guac muru opocba nanzac. ²⁷ Ni hésa ic mēj késpedesicyawac ara mēj ménda oma Roma ama areña yandaiguc eñ méliwa kemmacac séc qahac.

Paulonēj Agripa zéma Fesito iorac kicgiraiguc ac zéyec.

26 ¹ Wañu Agripanēj Paulo yomuhuc ézéyec; Geñgaoc ac zéna guac niñgénni. Zéyu Paulonēj méranēj séséc wamma yomuhuc zéyec; ² Ic kewu Agripa, Yuda ic eneñ ac wañ nénzu imuac bakia degucmi guac kicgaiguc zémañ zéwa ewana hiaruzac. ³ Imi mia gi Yuda ic nonac haka silic hénia hénia zéma zéqesinina imi nindaczañ imuac niñ imuhuc wanzua. Imuac ewa bénzénigaiguc acna zéwa niñnémbésémañ. ⁴ Ni komocna igucnec hénima Yerusalem zéma nena baec yanda qeriaiguc dimuhuc kecma yandiyi imi Yuda ic ieneñ moczoñ nindaczu. ⁵ Ieneñ becarunec nalé horua néñgicac néñanzu imuac niñ héipuc wañ némmuac siñgina hewacnec ni Farisaio ic Yuda ic ionac tuñ mēj hénia

^s 25:21 Qac imuac hénia imi; Romawac ic kewu.

ac dindiñanec méndacanzu ionarunec zéma héniana momacnec hia zédacbunec. ⁶ Wañu ni Anutunéj yanda hécnina ac ziki énécmiyec imuac mambéc kecanzua. Wañu hénia imuac niñ ni deguc ac gésigési amaiguc nanzua. ⁷ Wañu zikiziki ac imuac héla imi késawiñ zéma Israelac qelihéra kisic areñhéra 12 neñañ siñi kaiwe séc Anutu mepési mianziñ. Ic kewuna, buña imuac mia mambéc wamma ai mewa Yuda ic ieneñ aciguc nopoczú. ⁸ Anutunéj humumia meqeli énécmianzac, héla imi ini némac niñ niñgic ménda wawañac éscnec wañanzac? ⁹ Wañu ni acguc Yesu Nazarete ama areña igucnec iwac qac buña mesoho wammimañ zé iwawai moczoñ tinduc wammañ imuhuc zéma niñi. ¹⁰ Yerusalem imuaru ai imuhucya mia meyi. Wañu hofac oo ic kuaya ionaru kuc buña mema météré ic sasala hésa amaiguc onopocma kerí. Wañu unuhumuwiñ zé zétecégégic ewa momac wamma oaec zéénécmiyi. ¹¹ Bakia énécmimañ zé Yuda ic ionac tocgotocgo amaya amaya kemma Yesuac qac zébirimu niñac tericgé énécmiyi. Wañu qerina geriwañac wañu mebirí énécmimañ zé ama areña yanda yanda Yuda baec séñgañgeñ hezac imuarugeñ acguc keñi.

¹² Ai imuhucya memañ zé hofac oo ic kuaya ionac oaec kiwi qacginaguc imi mema Damasiko ama areña yandaiguc kemmañ zéma keñi. ¹³ O, ic kewuna, keñkecba gau komoc wañu, kurumeñunec asac mararañ kaiwe kiwa asac mararaña ogicogira imuhucyanéñ mama ni zéma ichéna hoturu nénécmima qetagali nénécmiyec. ¹⁴ Wañu nini moczoñ baeciguc tendiñgé nunuyu hema ewa méñ Hebiraió aciguc yomuhuc niñi; Saulo, Saulo, gi némac niñ nunesi wañ neñanzañ? Gi zéraiguc hénaganéñ qena guyu siñga hia nimbésémañ? ¹⁵ Imuhuc zéyu ni yomuhuc zéyi; Miñ Kewu, gi méré? Zéwa Miñ Kewunéñ yomuhuc nézéyec; Nunesi wañ neñanzañ Yesu ni mia. ¹⁶ Gi yacma hénaganéñ tima nanna, ni imi gi iwawai hénzañ imi zéma kecma gézéwa hémbésémañ imuac buña zézé ic wamma nuac weleñ qeque icna wambésémañac gésigémmañ zé hicñigéñzua. ¹⁷⁻¹⁸ Geñ kicgina méwéréñgé énécmina siñi igucnec asac mararañ igucgeñ, Biriá miñinawac kuc igucnec Anutuac murugeñ lilingéma hagic biriagina zuac énécmiwa ni ninzéñgé némma météré ic sugcinaiguc ai buña késamu niñac neñ geñga ic embac Yuda ic zéma ic enia ionac sugcina igucnec gésigémma muñguc ionac muru méligémmañ.

Buña suruc énézéyec imi muñguc zéma Agripa ézéyec.

¹⁹ Ic kewuna Agripa, hénia imuac niñ ni iwawai kurumeñunec nézéyu héñi imi ménda qetalima ²⁰ walac imi Damasiko ama areña yanda miñina, wañu keñkecma Yerusalem miñina zéma Yuda baec séc ic embac zéma ic enia momac yanda ewagina melemma Anutuaru lilingéma hama haka hiabia, qeri meleñ meleñac séha wammu niñ ackuazécc énézéma kerí. ²¹ Wañu imuac niñ Yuda ic eneñ ocmuñ téreyaiñac népésima nuwiñ

zé waŋgic. ²²Waŋu Anutunéŋ naŋgénéŋu érékecma deguc ic eŋeŋa mamaya momac yanda ionac kicginaiguc namma ackuažéc énézéanjiac énézéanzua. Waŋu zéanzua imi ac méréra qahac. Anutuac tilij tilij ic zéma Mosenéŋ iwawai kileŋ hiçŋjamac zégic imi sac énézéanzua. ²³Kristonéŋ qeŋzeŋ manzeŋ qema humuma humumia ionarunec walac yacma Yuda ic zéma ic enia asac mararaŋac zéau énécmimac imuhuc zégic ac imi mia neŋ zéanaŋgéanzua.

²⁴Paulonéŋ zédiŋjima ac imuhuc énézéyú Fesitonéŋ ac kucnec zéma ézéyec; Paulo, gi ewaga sohozac. Niniŋ yandaganéŋ qeriga mesoho génzac. ²⁵Zéyú Paulonéŋ ac yomuhuc melenj miyec; Ic kewuna Fesito, ni ewana ménda sohozac, néŋ ac héla niŋareŋgéma zézua. ²⁶Ic kewu, geŋgaoc iwawai hiçŋjiyec imi moczoŋ nindaczan imuac niŋ ni efima gézézua. Iwawai imi baec waŋgoŋaiguc ménda hiçŋjiyec. Imuac haka ménjac ménjac guac kicga igucnec musaŋ gégéyawac ménjac ménda hezac imi ni ninzéŋgézua. ²⁷Ic kewu, Agripa gi Anutuac kua meme ic ionac acgina imi ninzéŋgéanzan? Gi ninzéŋgéanzan imi ni ninzua. ²⁸Imuhuc zéyú Agripanéŋ Paulo yomuhuc ézéyec; Ac hotoŋadac zéma Kristoac ic wammaŋ niŋ meseli nénzan me? ²⁹Waŋu Paulonéŋ zéyec; Ac hotoŋa me ménda horua, gi momacguc sac qahac, néŋ tosara deguc acna ninzu ini moczoŋ seŋ héšana yomuac sac ménda mihicŋjima nena éscnec téŋgéŋ wammu niŋac wanza.

³⁰Imuhuc zéyú ic kewu zéma baec galeŋ zéma Beanike zéma ic tosara iniguc tacgic ieneŋ moczoŋ yacma keŋgic. ³¹Kemma eminiŋ wamma eŋawu yomuhuc zégic; Ic yomi haka ménjac humumia me hésa amawac buŋa wawaŋa séc ménjac ménda waŋec. ³²Waŋu Agripanéŋ Fesito yomuhuc ézéyec; Ic imi Kaisanéŋ^t acya zétecgémac niŋ ménda welec miwacnec geŋ hia hulac miwawac.

Paulo Romaiguc wagicma kemmu niŋac zéiciguc opocgic.

27 ¹Italia baeciguc zéiciguc kembiŋac niŋ baec galeŋnéŋ zétecgéma Romawac ic kewu Kaisawac yaré ic 100 ionac galeŋgina ménjac qara Yulio iwac mériaiguc Paulo zéma hésa ic tosara onoporec. ²Zéic ménjac Adramiten ama areŋa yanda igucnecnéŋ Asia baeciguc ama areŋa yanda tosara konduj giŋgiŋaiguc tacma keŋec imuaru kemmanj zé taru eŋij. Waŋu Makedonia ic ménjac qara Aristako, Tesalonika ama areŋa yanda igucnec imi momacnec keŋij. ³Ama gianjiyu zéicnéŋ Sidon ama areŋa yandaiguc kereŋ héiyu Yulionéŋ Paulo goi héihéi wammima alahéra iniru méra mimuac niŋ ézéyec. ⁴Ama imuarunec muŋguc hénima kenni Luhuc kembiŋ zé waŋij imuhuc geŋnec hayec imuac niŋ Kipuro baec komoc imuac héiya igucnec luhuc qizizijgéma keŋij. ⁵Waŋu Kilikia

^t 26:32 Qac yomuac hénia imi; Romawac ic kewunéŋ

kondun̄ zéma Pamfilia kondun̄ qericma keŋkecma Likia baec Mira ama areŋa yandaiguc kereŋiŋ. ⁶Imuaru zéic Aleksandria ama areŋa yanda igucnec méŋnéŋ Italia baeciguc kemman̄ zéyu yaré ic 100 galeŋginanéŋ nonagiru imuaru eŋiŋ. ⁷Waŋu zéic iminéŋ bénzén̄ bénzén̄ keŋkeru ai meme sasala tecgéyu Kinido kondun̄ baec komoc wésiaiguc kereŋiŋ. Waŋu luhucnéŋ ménda wai nénécmiyu Salmone sia yanda andé qema Krete kondun̄ baec komoc kanaya igucnec keŋiŋ. ⁸Baec komora imuac giŋgiŋaiguc méndacma qeŋzeŋ manzeŋ qema kemma Lasea ama areŋa yanda hosuraiguc zéic ala méŋ qara zéic Asia Soroc imuaru kereŋiŋ.

Pauloac ac ménda nimma héna méŋu kemma yéwéri mihicŋigic.

⁹Kondun̄iguc nalé horua kemma kecni nene zikima zéwelec wawaŋa imuac kendoŋ tecgéyu luhuc naléya hayec. Hayu bec kondun̄néŋ biriyo keŋkeŋawac séc ménda waŋec. Imuac Paulonéŋ gorogina zéma yomuhuc énézéyec; ¹⁰Ic mandac, ni hémba héna yominéŋ hina zéma zéic sacnec qahac, néŋ ic neŋaŋ kekecnina acguc nonagicmacac séc wan̄zac. ¹¹Imuhuc zéyu yaré ic 100 ionac galeŋginanéŋ Pauloac ac niŋbipima zéic galeŋ zéma zéic miŋina iorac ac nimma tohoyec. ¹²Waŋu kondun̄ imi zéicnéŋ saŋgeŋa naléyaiguc hia tatarawac séc ménda waŋec. Imuac sasalanéŋ kondun̄ imi kileŋ waima Krete baec komoc imuac ama méŋ Foiniksi imuaru keremma tacni saŋgeŋa naléya tecgémac niŋ zégic. Ama baec imuac suŋguruŋa bakianéŋ Is zéma imuac héiya suggira hémma heyec. waŋu baec bakia méŋnéŋ Is zéma imuac kanaya suggiraiguc hémma heyec.

Kondun̄iguc hiŋgacbiŋ zé waŋiŋ.

¹³Waŋu luhucnéŋ Is imuac héiya igucnec bénzén̄ éréyu nan̄gé nénécmizac imuhuc zéma nimma aŋga hérégic éréyu Krete kondun̄ baec komoc giŋgiŋa méndacma keŋgic. ¹⁴Keŋgic nalé ménda horugiyu kondun̄ baec komoc imuac qaha igucnec qeuqewaŋ luhuc méŋ qara Is igucnec iminéŋ mama qeyec. ¹⁵Qema zéic qéfagéyu luhuc hayecgeŋ kemmacac séc qahac waŋu mebiŋpima waigic luhucnéŋ zéic wagicma héna méŋu keŋec. ¹⁶Keŋkecma baec komoc méŋ qara Kauda imuac giŋgiŋa igucnec kenni zéic gomba qatéma héréma keŋiŋ imi galeŋgéwiŋac séc qahac waŋec. ¹⁷Waŋu ai yanda mekecma héréni zéic qahaiguc éréyec. Waŋu zéic téwac niŋac rewakaŋnéŋ bawa igucnec wagic emma zikiyiŋ. Waŋu sakasac éré éréya méŋ qara Siriti imuaru emmac niŋac hésaya hérégic maleku mayu luhucnéŋ nan̄gé nénécmiyu keŋiŋ. ¹⁸Waŋu luhuc niŋac qeŋzeŋ manzeŋ nimma keriy. Imuac niŋ ama giŋgiŋa hina tosara kondun̄iguc giligic hiŋgarec. ¹⁹Waŋu ama muŋguc siŋjima giŋgiŋa zéicac iwawai tosara imuhucyanec giligic hiŋgarec. ²⁰Waŋu ai meme sasala kaiwe me ménisikilu méŋ ménda hicŋiyu héŋiŋ. Waŋu luhuc

yanda qemanec naŋu ewa qerininaiguc kekecac niŋkumu ménj ménda he nénécmiyec.

²¹Waŋu ic sasalanénj nalé horua nene newiŋac séc qahac waŋu eŋ kecgicguc Paulonénj kemma sugcinaiguc namma yomuhuc énézéyec; Ic mandac, ini acna tohoma Krete konduj baec komoc ménda waiwunec réwéri imuhucya ménda mihicŋjima hinagina imi ménda giliwunec. ²²Deguc meme seli ac waŋ énécmiwa niŋgic. Zéic imi qahac wammac, néj ic méjnéj ménj ménda humumac, imuac ewagina déj waŋu. ²³Deguc siŋiyaiguc miŋna Anutunénj eŋeya buŋa kecanzua nuac muru kua meme uŋaya ménj méliyu mama hama marénjaiguc nanzac. ²⁴Namma yomuhuc nézézac; Paulo gi bacga ménda yandimac. Gi Kaisawac wésiaiguc tinduc nambésémaŋ. Waŋu Anutunénj ic giguc zéiciguc keczu imi moczoŋ ewa hiawac géŋu guac buŋa wandacmu. ²⁵Imuac alahécna ini ewagina déj waŋu, ni Anutu ninzéŋgézua. Ac nézézac imi hélaguc wammac. ²⁶Zéicnéj konduj baec komora méjiguc eŋu nini imuaru osiwij.

²⁷Héna sicsaoc kecgic ai meme 14 waŋec. Waŋu Adria kondujiguc lelecgémanec kerij. Siŋi namuŋa igucgeŋ zéicac ai ic ieneŋ niŋgic baec hosuru hazij éséc waŋec. ²⁸Imuhuc nimma hésa qétéyaguc waigic hiŋgaru 37 mita waŋec. Komora ménj kemma hésa qétéyaguc muŋguc haigic hiŋgaru 28 mita waŋec. ²⁹Waŋu haroŋaŋiguc emma qewij niŋac bacgina yandiyu zéic andiaiguc aŋga 4 haigic hiŋgaru ama gianjamac niŋ welecma tacgic. ³⁰Waŋu zéic ai ic eneŋ zéic waima néŋgacbiŋ zé nimma gomba haigic hiŋgaru ikoc wamma yomuhuc zégic; Nini zéic suŋguruŋaiguc aŋga ménj haini hiŋgacmac. ³¹Imuhuc waŋgic Paulonénj yaré ic 100 ionac galenj zéma ichéra yomuhuc énézéyec; Zéic ic ieneŋ zéiciguc ménda kecmuiguc ini kekecginaguc kecmuac séc qahac wammac. ³²Zéyu yaré ic ieneŋ gombawac hésaya hericgic kondujiguc hiŋgarec.

³³Waŋu ama gianjimaŋ zé waŋu Paulonénj ic momac yanda nene nemu niŋ yomuhuc énézéyec; Ini qeri séwigina héŋgeŋ héŋgeŋ wammanec kecma nene ménda nema eŋ mambéc kecgic kaiwe ai meme 14 wanzac. ³⁴Imuac nene nemu niŋac welec énécmizua. Ménda humuwij zé wanzuiguc nene nema selimu. Oruc zucgina ménj ménda mama sanjamac. ³⁵Imuhuc zéma saménj mema hama Anutu ewa hia ac ézéma kuma neyec. ³⁶Neyu hémma qerigina efiyu imuhucnec nedacgic. ³⁷Ic zéiciguc kerij zaŋgénina imi 276. ³⁸Nene negic tomengina qeyu zéic qeria igucnec wit gocmia gésé imi kondujiguc giligic hiŋgacdaru zéic imi efima éréyec.

Zéicnéj konduj baec komora suŋguruŋaiguc emma zéŋgéyec.

³⁹Ama gianjidaŋu baec imi héŋtegiŋic biŋ zé hibipigic. Waŋu konduj bakiaiguc sakasac séŋgaŋgeŋ heyu zéicnéj imuaru keremma emmac

niñac zéma niñgic. ⁴⁰Ic tosara eneñ aña hésaya qericma kondunjuguc giligic keñu tosananeñ maleku hésaya zikigic heyec imi hulacma hérégic malekunéñ eñu zéic imi luhuc mema sakasac igucgeñ keñec. ⁴¹Keñu doku néwéc néwéc nec hahayanéñ euanzaoc imuaru sakasac heyu zéic imuaru eñec. Wañu zéic sunğuruña kiselima tacma seli qeyu temboñ yandanéñ zéic andia kuyu zéic andia imi zéñgéyec. ⁴²Wañu hésa ama ic eneñ fifia mema kemma néñgacbu niñac yaré ic eneñ unuhumuwiñ zé ac zégic. ⁴³Wañu yaré ic 100 ionac galeñginanéñ Pauloac kekecy añağña timañ zé wamma qetali énécmima fifia meme ic énézýu walac kondunjuguc luma hiñgacma fifia mema baeciguc eñgic. ⁴⁴Wañu tosara eneñ palañ me zéic bakia qahaiguc emma keñgic. Imuhucnéñ imuhuc wamma moczoñ élélahaiguc endacma mén ménda humugic.

**Ic ieneñ susunec Melite kondun
baec komociguc endacgic.**

28 ¹Élélahaiguc bénzérñec emmaguc baec komoc qara Melite imi zégic niñiñ. ²Wañu baec komoc imuac miñina ieneñ ala goi héihéi sasala wañ nénécmigic. Wañu kia hayu ama sañgeñ qeyu geric yanda haigic zeyu héihéré nénécmigic. ³Wañu Paulonéñ geric tosara mutulangéma haiyu hiñgarec wañu imuac qeria iguc nec mokoleñ méñnéñ séwéla geric wañu éréma iwac mériaiguc pipima nañec. ⁴Wañu baec miñina ieneñ mériaiguc mokoleñ nañu hémma eminiñ wamma zégic; Ic yomi ic tosara unuyec gezañ. Kondunjuguc ménda humuyec, néñ solaña miñinanéñ ménda waimiyu kecmac. ⁵Wañu Paulonéñ mokoleñ qetecgéyu gericiguc hiñgaru yéwéri ménda mihicñiyec. ⁶Imuhuc wamma nañu ieneñ sisiwiñ hicñimimac me élanzañ nec tendiñgéma humumac zéma mambéc nañgic. Wañu nalé horua haka méréra mén ménda hicñimiyu hémma zégic; Ic yomi anutu.

Paulonéñ hafi ic tosara mehiaru énécmiyec.

⁷Nini kerij imuac hosuraiguc ic kewugina qara Popilio iwac ama baec heyec. Wañu ic inéñ mia héihéré nénécmima ai meme haréwéc séc goi héihéi wañ nénécmiyec. ⁸Wañu Popilio mañgocya hafi hicñimima séwi geric zéma kera huruc wamma heyu Paulonéñ nimma amayaiguc emma zéwelec maguc méria oruhaiguc haima mehiaruyc. ⁹Imuhuc wañu ama areñ komoc imuaru ic tosara hafi zepaginaguc ieneñ harégic imuhuc nec mehiaru énécmiyec. ¹⁰Wañu ic ieneñ eenina kuneñ yanda héigic. Wañu kembij zé enni henaiguc hocbiñac hezac hena mauñ iwawai tosara zéiciguc hai nénécmigic.

Paulonéñ zéic méñiguc keñkecma Roma ama areña yandaiguc kereñec.

¹¹Baec komoc imuaru mia kecni maso haréwéc tecgéyu zéic mén Aleksandria imuaru sañgeña naléya ogiru kemmac niñ mambéc

tarec, qara imi Diosguro.⁴ Waŋu imuaru emma waima kenjiŋ. ¹²Waŋu Surakusai ama areŋa yandaiguc haréma imuaru ai meme haréwéc kerij. ¹³Imuacnec lelecgéma Legium ama areŋa yandaiguc keremma imuaru ai meme momacguc kecni luhucnéŋ baec waŋgoŋa Saut igucnec hayu kenni ama muŋguc siŋima gjanjiyu Puteoli ama areŋa yandaiguc kereŋij. ¹⁴Kenni ama areŋa yanda imuac ninzén ninzén dac muna ieneŋ héihéré nénécmigic kaiwe 7 iniguc tacyac wammaguc Roma ama areŋa yandaiguc kereŋij. ¹⁵Waŋu ama areŋa yanda imuac ninzén ninzén dac muna hécnina ieneŋ nonac buŋa nimma hakecma Roma ic Apioac ama sombeŋaiguc mihicŋi nénécmigic. Tosianéŋ ama baec qara ménj Qisicnec Ama Haréwéc imuaru hama mihicŋi nénécmigic. Waŋu Paulonéŋ inicma Anutu ewa hia ac ézéma kuha meyec.

**Paulo i Yuda ic héihéré énécmima
ac énézéyec.**

¹⁶Roma ama areŋa yandaiguc kerenni baec galeŋnéŋ zéyu Paulonéŋ yaré ic ménjnéŋ galeŋgé miyu ama saméŋa ménjiguc tacyac waŋec. ¹⁷Kecma keru ai meme haréwéc waŋu Yuda ic ionac sugina igucnec ic kuneŋ tosara héihéré énécmiyu harégic ac yomuhuc énézéyec; Dac munahécna ni Yuda ic embac me yanda hécnina ionac haka silic imuac hazéc ac ménj ménda zéyi, néŋ Yerusalemiguc népésima Roma ic ionac méraginaiguc nopocgic. ¹⁸Waŋu Roma ic ieneŋ qesinémma késpedesna ménj humucac sécyá ménda mihicŋima hulac némmu niŋac zégic. ¹⁹Waŋu Yuda ic ieneŋ selianec qetaligic, héna ménj qahac waŋu, Kaisanéŋ acna zétecgémac niŋ waŋi. Imuac mia nuac dac munahécna Yuda ic zébiri énécmimaŋ zéma you ménda hayi. ²⁰Waŋu ni hénia imuac niŋ mia inicma iniguc zéeminiŋ wambiŋ zé héihéré énécmiyi. Ni imi Israel ic neŋaŋ ninzénégéma mambécanzij imuac wamma hésa ic wamma kecanzua. ²¹Imuhuc zéma énézéyu zégic; Nini ou Yuda baeciguc kecanzu ionarunec guac niŋ kiwi ménj ménda haigic hayu héŋij. Waŋu dac munahécnina ionaru ménjnéŋ hama guac késpedesca me hazéc ac ménj ménda zéyu niŋij. ²²Baec séc ic embac ieneŋ héna qelia imuac hazéc ac wamma zéanzu imi nini ninzij. Imuac gi dimuhuc ninzénégézaŋ imi geŋgaoc zéna nimbiŋac wanzij.

²³Ieneŋ imuhuc zéma nalé megic. Waŋu nalé imi ducŋiyu Yuda ic sasalanéŋ Paulo tackerec ama imuaru tocgégic. Waŋu Paulonéŋ Anutuac héŋgaleŋ ama areŋa yandawac ac suruc imi sungeŋnec hénima énézéma keru ama siŋiyec. Waŋu Moseac héna ac zéma kua meme ic ieneŋ kiwi ogic hezac iminéŋ meselima Yesuac suruc zéma meseli énécmimaŋ zé waŋec. ²⁴Waŋu ic tosaraneŋ ac zéyec imi ninzénégégic. Waŋu ic tosaraneŋ

⁴ 28:11 Neŋaŋ aciguc qara imuac hénia imi; Nemu héi séwi séwi - Kasito zéma Palukis.

ménda ninzénégic. ²⁵Waŋu acgina zéma zéqeqetali waŋamugic. Imuhuc wamma waima kembij zé waŋgic. Waŋu Paulonéŋ ac momacguc yomuhuc énézéyec; Uŋa Téréyanéŋ Anutuac tiliŋ tiliŋ ic Yesaiawac kuaya mema yanda hécnina ac yomuhuc énézéyec; Ac iminéŋ héla wanzac; ²⁶Gi kemma ic tuŋ yomuhuc énézéna; Ninzu waŋu ménda niŋasarizu hénzu waŋu ménda héŋtegiczu. ²⁷Ic tuŋ yomi ieneŋ qerigina seli qeyu ieneŋ gezacginanéŋ nimma niŋyéwérigic. Niŋyéwérima kicgina héménzagic. Imuhuc qahac waŋu kicginanéŋ héŋtegicma gezacginanéŋ nimma qeriginanéŋ niŋtecgicma liliŋgéma hagic neŋ mehiaru énécmiwinec. ²⁸Imuac ni énézéwa yomuhuc niŋ asarimu; Anutunéŋ aŋgéŋ titi buŋa imi ic enia ionac muru méliyu hazac. Ieneŋ imi kileŋ niŋtohomu. ²⁹(Ménda hezac.)

³⁰Waŋu Paulonéŋ yawuŋ éréhéč téŋgéŋ ama geric ménŋ lagulawac boŋ mema imuaru kecma ic embac iwaru hagic séc héihéré énécmiyec. ³¹Héihéré énécmima Anutuac héŋgaleŋ ama areŋa yandawac surucya zésai énécmima Miŋ Kewu Yesu Kristoac héna ac imi bac yandi yandi qahac efima ku énécmima kerec. Keru ménŋnéŋ ménda qetali miyec.